

B I B L I O T H E C A
S C R I P T O R V M G R A E C O R V M E T R O M A N O R V M
T E V B N E R I A N A

LAVRENTII VALLAE
DE FALSO CREDITA ET EMENTITA
CONSTANTINI DONATIONE
DECLAMATIO

RECENSUIT
ET APPARATV CRITICO INSTRVXIT

WALTHER SCHWAHN

EDITIO STEREOTYPA
EDITIONIS PRIMAE (MCMXXVIII)



STVTGARDIAE ET LIPSIAE
IN AEDIBVS B.G. TEVBNERI MCMXCIV

Die Deutsche Bibliothek — CIP-Einheitsaufnahme

Valla, Laurentius:

[De falso credita et ementita Constantini donatione declamatio]

Laurentii Vallae De falso credita et ementita Constantini
donatione declamatio / rec. et apparatu critico instruxit

Walther Schwahn. — Ed. stereotypa ed. 1. (1928). —

Stutgardiae ; Lipsiae : Teubner, 1994

(Bibliotheca scriptorum Graecorum et Romanorum Teubneriana)

ISBN 3-519-01879-9

NE: Schwahn, Walther [Hrsg.]

Das Werk einschließlich aller seiner Teile ist urheberrechtlich geschützt. Jede Verwertung außerhalb der engen Grenzen des Urheberrechtsgesetzes ist ohne Zustimmung des Verlages unzulässig und strafbar. Das gilt besonders für Vervielfältigungen, Übersetzungen, Mikroverfilmungen und die Einspeicherung und Verarbeitung in elektronischen Systemen.

© B. G. Teubner Stuttgart und Leipzig 1994

Printed in Germany

Druck: Druckhaus Köthen GmbH

Buchbinderei: Verlagsbuchbinderei D. Mikolai, Berlin

PRAEFATIO

Vallae declamationis, quam vocant de falsa donatione Constantini, quantum scimus, tres codices manuscripti exstant, unus Vaticanus, alter Ottobonianus, tertius Lucanus; in codice quodam Urbinatense nunc nihil nisi exiguae reliquiae illius libri supersunt. Ad hos codices accedunt tres editiones, editio princeps ab Hutteno AD 1517 curata, altera quaedam incerti auctoris, quae AD 1520 impressa est, tertia, qua omnia fere Vallae opera continentur, quae AD 1540 in lucem prodit. Ut contextum ita restituere possimus, ut Valla ipse scripsit, primum qua singuli codices editionesque diligentia fide prudentia scripti sint, tum quomodo inter se et cum Vallae archetypo cohaereant, mihi quaerendum videtur esse.

Codex Vaticanus 5314, quem A appellamus, AD 1451 scriptus est. Subscriptio haec est: „Finis septimo idus decembris MCCCCLI. Laus Deo.“ Nihil nisi Vallae liber de donatione Constantini hoc codice continetur. Qui est membranaceus et compositus ex 44 foliis, semel in medio libro filo ligatis. Declamatio ipsa in 30 foliis scripta est, cum ab initio sex et in fine 8 folia alba sint. Singulis foliis, in quibus contextus scriptus est, numeri adscripti sunt, sed numerus 19 bis repetitur. Singulae paginae habent 36 lineas, singulae lineae circ. 54 literas. Hic codex diligentissime scriptus et rarissimo correctus est; quatuor locis, ubi vocabulum quoddam in contextu omisum est, hoc in margine adscribitur (*eum* p. 2, 22, *est* p. 28, 20, *num* p. 36, 39, *tam* p. 62, 20). Simili modo p. 34, 25 pro vocabulo *videtur* in margine additur *videretur*. Graecae linguae scriba ignarus est,

ubi vocabulum Graecum invenitur, aut locum vacuum relinquit aut alio modo vocabulum omissum explicare studet. κληρος p. 17,9 deest, ἀπὸ τῆς κεφαλῆς p. 68,14 non recte scriptum est (τοῦ κεφαλῆ), item κεφάς (κηφας), μητρόπολις p. 68,21 literis Latinis exprimitur (Mitropolis, ut Rhomaei loquebantur), pro vocabulis Σεβαστός p. 71,29 et δημοβόρος βασιλεύς lacunae sunt; hanc sequitur explicatio Λαῦνα (id est populi vexator rex).

Ne rerum quidem a veteribus gestarum scriba scientiam habet. Romanos a Samnitibus apud furculas Caudinas sub iugum missos esse nescit, nam pro *apud Caudium per Pontium Telesinum* scribit p. 26,17: *apud Claudium propontum Thelesium*. T. Flamininus, qui Philippum, Macedonum regem, ad Cynoscephalas vicit, ei plane ignotus est, nam appellat eum p. 78,20 *Flamminium*. In Graecia societatem Amphictyonum ad defendendum Apollinis templum Delphicum conditam fuisse omnino ignorat; *Amphitryonum* illam societatem appellat p. 75,25. Sed hi errores non tam graves habendi sunt, quam hodie videntur, nam omnes codices eosdem aut alios his locis errores habent.

Alii quoque errores in codice A inveniuntur, sed non sunt multi neque graves facilesque ad corrigendum. Nonnullis locis una litera falsa est. Exempli causa affero, quod A p. 10,18 scribit *relegamur* pro *relegemur*, p. 11,2 *coepit* pro *cepit*, p. 2,21 *sit* pro *scit*, p. 65,11 *seducerentur* pro *seduceretur*, p. 64,29 *inimicae* pro *mimicae*, p. 66,11 *angustiora* pro *augustiora*, p. 79,9 *exauristi* pro *exhausisti*, p. 80,1 *vastitate* pro *vastitatem*, p. 64,20 *honore dicto* pro *honor dicto*, ubi scribam non intellexisse apparet, quid Valla dicere voluerit. Una syllaba deest in vocabulo *reposcissent* pro *repoposcissent* p. 77,17. Duo vocabula mutantur inter se p. 39,20, cum pro *Sic si* scriptum videmus: *Si sic*. Simili modo p. 76,23 legimus: *et iuris et facti* pro *et facti et iuris*. Interdum totum quoddam vocabulum falsum est. Pro *in urbe Roma* scriptum est p. 30,21 *ab urbe Roma*, pro *numeri* p. 30,5

minimi — hic locus videtur male scriptus difficilisque fuisse ad legendum, nam in alio codice invenimus *meriti*, — pro *rusticanos* p. 33,8 *christianos*, pro *sunt* p. 63,2 *est*, pro *illo* p. 67,31 *alio*, pro *successorum* p. 72,17 *ipsorum* — cuius rei causa videtur fuisse, quod paulo ante *ipsum* scriptum est —, pro *dignitatem* p. 38,3 *divinitatem*, pro *testamenti* p. 64,4 *instrumenti*. Nonnullis locis vocabulum quoddam deest, velut *reges* post *principes ac* p. 16,18, *se* ante *abdicarunt* p. 24,33, *sub* ante *suo imperio* p. 18,27, *obtestamur* ante *omnes nostros successores* p. 56,14. Uno loco duo vocabula desunt: *Caesaris aut* ante *saecularis principis* p. 57,7, quae plane superflua videntur esse. Fere omnes hi errores in uno quoque aut altero codice inveniuntur. Totae sententiae omissae aut interpolatae in codice A non sunt.

At nonnullis locis A ceteris codicibus praestat, quod optimas rectissimasque lectiones habet. Velut p. 21,27 in codice A scriptum videmus *humilis corde*, cum omnes ceteri habeant *humili corde*. Tota sententia p. 36,19: *num omnis faex populi iudicabat?* apud unum A rectissima est. Huc pertinet, quod in A inest p. 72,21 *Tantum dico*, ubi ceteri habent *Tamen dico*, quamquam haec verba apud Vallam saepius inveniuntur. Nomen fluminis *Jaboc* p. 77,11 fere apud omnes depravatum est excepto codice A, itemque *devoravit* p. 80,13 pro *dona-ret*, quod omnino intellegi non potest, tantum in uno codice praeter A invenitur.

Itaque recte iudicamus codicem A esse optimum. Nam scriba, etsi prudentia doctrinaque non abundat, diligentia certe inter omnes praestat. Quamquam erroribus non caret, tamen hi eiusmodi sunt, ut sententia non depravetur eosque facile emendare possimus. Sententiae omissae aut interpolatae non inveniuntur. Ergo codex A certissimum fundamentum est ad constituendum Vallae contextum.

Codex Ottobonianus 2075, quem B appellamus, membranaceus, scriptus in magno folio (404 × 264 mm. c.),

continet 294 fol. c. text. et ab initio et a fine bina alba. Singulae paginae habent 36 lineas, singulae lineae 48 s. 50 literas. Codex B est pulcherrime scriptus cum pictis et varicoloribus initialibus. In fol. 141 imago Vallae videtur picta esse. Hoc volumine continentur 1. 3 libri de reconcinnatione didactica, quos duo folia alba sequuntur, 2. de reciprocatione sui et suus, 3. 3 libri de vero falsoque bono, 4. de falsa in eundem haeresis obiectione ad summum pontificem libellus, 5. ad Alphonsum regem aliud Siculum, aliud Neapolitanum esse regem, 6. Epistula ad Alphonsum regem, 7. Epistula ad Iohannem Serram, 8. p. 264 De falso creditri(sic) et ementita Constantini donatione. Finis deest. Extrema verba codicis sunt: huic civitati frequentissime inferuntur. Deum testamur in iu p. 79,6.

Is, qui codicem B scripsit, cum prudentior sit eo, qui codicem A scripsit, in maiora lectorem deducit pericula. Neque enim ille simpliciter scribit, quae repperit, sed semper arte critica utitur. Quae res vel inde apparet, quod in margine argumenta multa addit. Sunt haec: *Divisio* p. 4,24, *Oratio filiorum ac necessariorum Constantini ad illum* p. 10,7, *Oratio populi Romani ad Constantinum* p. 11,26, *Oratio Silvestri ad Constantinum* p. 15,16, *Non acceptasse Silvestrum donationem, si vera fuisset illa* p. 22,21, *Silvestrum nunquam habuisse possessionem imperii, quod fingitur illi donatum* p. 23,4, *Constantinum semper in possessione Romani imperii fuisse et imperantes filios reliquisse* p. 26,7, *Constantinum etiam ante Silvestrum papam fuisse Christianum* p. 28,10, *Commentitium donationis privilegium non esse in decretis, sed decretis repugnare* p. 29,11, *Falso dici privilegium contineri in gestis Silvestri* p. 30,14, *Verba commentitii privilegii* p. 34,4, quae verba literis rubris scripta sunt, tum post longius spatium *Cur Papae donationem veram crediderunt, si tamen crediderunt* p. 61,8, *De inscitia summorum pontificum. De falsa Sibylla. De ruina templi pacis* p. 61,17, *De falsa byblia, quae scripta sit Hieronymi*

manu p. 62,7, *De falsa historia Silvestri* p. 62,29, *De falso dracone Silvestri* p. 63,5, *De falsa opinione, quod idola miracula facerent* p. 65,1, *De nullis pene deorum miraculis apud priscos romanos* p. 65,17, *Cur imperatores non negant donationem* p. 69,3, *Verba pactionis Lodovici imperatoris cum papa Paschale* p. 69,14, *Etiam si donatio fuisset atque possessio, tamen non posse repeti, quae die in alterius fuere potestate* p. 72,19, *An papa praescripserit in iis, quae possidet* p. 76,4. Haec argumenta non per omnes partes aequae distributa sunt, e. c. desunt in parte historica et linguistica; sed scriba totius operis divisionem partesque recte intellegere studet.

Plus quam haec argumenta valent notae marginales, quibus demonstratur, qua ratione scriba exemplari suo utatur. Valla inducit filios ad Constantinum loquentes (p. 10,13): *Quid in te commisimus, ... qui a patriis laribus, a conspectu natalis soli, ab assueta aura, a vetusta consuetudine relegemur?* Pro *vetusta* B scribit *vestra* et in margine hanc adnotationem addit: *in exemplari scriptum est „a vesta“, forte scribendum est: „a iusta“*. Hinc apparet eum, qui codicem B scripserit, in exemplari suo inventum errorem pro scientia sua emendasse; hoc loco illum non recte iudicasse vix est quod ei opprobrio demus. Alter locus est p. 60,8, ubi Valla scripsit: *totum prorsus privilegium confutatur profligatur avertitur*, quae cumlatio verborum synonymorum vere est Laurentiana. B in contextu Vallae verba non mutat, sed in margine addit: *Opinor Laurentium scripsisse: Totum prorsus privilegium confalcatur vel confutatur*. Inde intellegimus Vallae sermonem scribae displicuisse, sed hunc ausum non esse exemplaris sui verba mutare.

Non semper B eadem modestia utitur. A habet p. 36,19: *num omnis faex populi iudicabat?* Quae verba quid sibi vellent, B non intellexit; emendavit igitur: *num omissis populis iudicabat* (sc. Constantinus)? Annotat autem in margine: *in exemplari scriptum est: num omnis faex populi iudicabat*. Non veretur verba in exem-

plari suo inventa mutare et ad suam ipsius cogitationem accommodare, quamquam quod ipse scribit, nullo modo cum Vallae argumentis congruit. Alio loco idem facit. Contextus in codice A hunc in modum scriptus p. 59, 16 est: *quicumque veteres non sequitur, is* etc., paulo post: *Quodsi quo in loco ista res legitur . . .* et in proxima linea: *glossatoris Accursii*. B alterum et tertium locum mutat et in margine annotat: *In exemplari scriptum est: „veteres non sequiturus“. Item „quodsi quo in ista res.“ Si qua res in isto scilicet privilegio emendandum credidi. Item Decursii pro Accursii*. Quod cum hoc loco ita fecerit, non est mirum singula verba ab eo mutata, quae non intellexerit, neque annotationem in margine additam esse. Huc pertinet, quod p. 40, 21 *furiose pro furcifer*, p. 47, 11 *intelligo pro invenio*, p. 70, 10 *hereditario iure pro hereditario nomine*, p. 70, 32 *Eugenius potuisset*, quod omnino mente caret, pro *Eugenius pavisset*, p. 51, 21 *locutus esset pro locutus est*, p. 74, 33 *fas pro ius* in contextum inseruit. Quo facilius contextus intellegi possit, p. 40, 33 ad vocabulum *ethnicus* in margine annotationem addit: *Ethnicus id est gentilis*. Idem facit, cum in initio primae partis totius operis p. 5, 18 in contextum interpolationem inserit. Post verba: *Atque quod ad primam partem attinet* B haec adicit: *nunquam Constantinum fuisse facturum, ut alteri daret imperium*. Ne hoc quidem loco scriba recte iudicat, nam secundum divisionem prima parte demonstratur *non tales fuisse Constantinum Silvestrumque, illum quidem, qui donare vellet . . . hunc autem, qui vellet accipere* etc.

Alii errores codicis B neglegentia scribae orti sunt. Nonnullae lineae omissae sunt p. 19, 2: *pasce agnos meos*. Iterum: *si amas me, ut fateris, pasce oves meas*. Tertio: *si amas me, ut fateris*. Apparet causam huius erroris fuisse bis repetitum vocabulum *pasce*, quod omissam sententiam sequitur. Nonnulla verba omissa sunt p. 46, 32: *non plura*. *Si modo sceptrum*. Hoc loco vocabulum *sceptrum* omissis verbis praecedat. Aliorum

errorum causae quae fuerint, non apparet. P. 47,7 desunt verba *sed in tabulis*, p. 77,18 *mutis post rebus*. Mutata vocabula inveniuntur his locis: p. 38,3 *divinitatem* (= A) pro *dignitatem*, p. 62,9 *dicant* (item = A) pro *dicunt*, p. 49,19 *hostiariarios* pro *ostiarios*, quae negligentia scribendi sola in toto codice inest. Graecae linguae B non est peritior quam A; semper, ubi Graeca vocabula scribenda sunt, lacunam facit. Usque ad eum locum, ubi in codice A *δημοβόρος βασιλεύς* additis verbis: *populi vexator rex* explicatur, codex B non conservatus est. Nonnullis aliis locis lectiones codicis B optimae sunt, velut p. 29,6 habet: *nos in dubium vocare non sinunt*, ubi A *non* pro *nos* scripsit, deinde p. 30,5 *nullius auctoritatis ac numeri* (A *minimi*, quod mente caret), denique p. 32,22 *quid foret maxime validum*, ubi ceteri codices *quod* habent.

Hinc efficitur, ut B quoque codex bonus sit, sed oportet eo cautissime utamur semperque non modo B, sed etiam A inspiciamus, quod is, qui codicem B scripsit, quo facilius vel ipse vel alii Vallae opus legere possint, non veretur coniecturas facere, quae ab archetypo abhorrent.

Codex Lucanus 582, quem C appellamus, ex Bibliotheca maioris Lucanae ecclesiae canonicorum, nonnullos libros diversorum complectitur auctorum. Forma codicis est folium parvum, materia charta. Hoc volumine continentur tria opera Pii II, eius Historia Pii Dicta Epitome Historiarum. Proximus liber est Vallae, qui inscribitur: *Laurentii Vallensis, de falso credita et ementita Constantini donatione* a. f. 249 ad f. 270. Hunc sequuntur brevis quaedam Disputatio contra Laurentii Vallae supradictam orationem et quod Papa praesit temporalibus auctore anonymo et Cardinalis Papiensis de pondere votorum consistorialium. Accedunt aliquot libelli impressi. Ultimus liber manuscriptus est Cortesii defensio donationis Constantinianae contra Laurentium Vallam, ex quo libro complures scriptores non-

nullas res de Vallae vita traditas hauserunt, quamquam quae Cortesius tradidit indigna sunt quibus fides habeatur. Vallae liber diligenter scriptus et, duabus manibus correctus est; in margine argumenta quoque adduntur. Contextum totum usque ad finem scriptum invenimus.

In hoc codice illud praecipue laudandum est, quod nonnullorum virorum opera emendatus est. Quorum emendationum paucas mihi liceat hoc loco afferre. Pro *vice* p. 2,24 correctum est *voce*, in vocabulis *cuipiam* litera i, in *lambruscas* litera m secunda manu deletae sunt, in vocabulis *omnia talia* sub *talia* puncta facta et in margine *tua* adscriptum est. Adde quod p. 6,7 *oculos* in *oculis*, p. 13,33 *denegasse* in margine in *degenerasse*, p. 16,2 *adduci non possum* in *a. n. possem*, p. 16,10 *accipere voluit* in *a. noluit*, p. 18,3 *insenierunt* in *inseruerunt*, p. 40,33 *aetnicus* in *ethnicus*, p. 41,34 *Syatica* in *asiatica* mutata, p. 44,2 omissum vocabulum *quaeso*, p. 47,22 *numero plurali* in margine addita sunt. Omnes has emendationes id agere apparet, ut contextus exemplaris, quod scribe in manu habebat, restituatur. Minus quam hae correctiones valent argumenta prima et altera manu in margine adiecta, quod certe in priore exemplari non inveniebantur. Quam ob rem satis est eorum nonnulla hoc loco afferre, praesertim cum non omnia quae Vallae libro continentur significant. In margine addita sunt p. 4,24 *Divisio operis*, p. 5,25 *Oratio ad reges et principes*, p. 10,7 *in Constantinum filii*, p. 11,26 *populos ro. in Constantinum*, p. 14,24 *Constantinus spurius*, p. 15,16 *Silvestri Constantino*, p. 18,29 *quantum pontificale munus*, deinde post longum intervallum p. 34,13 *Sinon*, postea p. 44,25 *Diadema*, p. 45,7 *Imperator*, p. 45,20 *Lorum*, p. 46,4 *Purpura*, p. 46,31 *Sceptrum*, p. 49,15 *concubitores*, p. 50,6 *Udones* etc. Haec argumenta videmus non aequae distributa esse neque totum opus complecti; qua de causa ea certo omnino neglegere possumus. Quod multo maioris momenti est, is, qui codicem C scripsit,

linguae Graecae non ignarus est et vocabula Graece recte affert.

Quod ad orthographiam attinet, is, qui codicem C scripsit, frequenter literam *y* pro *i* adhibet; velut scribit *Tyberius*, *syleo*, *tyro*, *desyderia*, *consyderes*, *phynees* (i. e. nomen propr. Phinees) etc. Idem pro *cepit* saepe *coepit* habet. Idem in genere loquendi hoc habet proprium, ut semper pro *is*, qui dicere malit *hic*, *qui*, quod est Laurentianum, velut p. 8,21 *pro his* (AB *iis*), *qui pugnare non possunt* et infinitivum *esse* saepe omittat, velut p. 1,19 *faciendum videatur* pro *faciendum esse videatur* et p. 1,24 *patientius haec laturum* pro *patientius haec esse laturum*. Seriem vocabulorum C saepe mutat. Cuius rei satis est aliquot exempla afferre. Apud C scriptum legimus p. 2,20: *habendus est orator*, AB *est habendus orator*, p. 3,11 C *procul absit facinus*, AB *facinus procul absit*, p. 3,18 C *mortem suppliciumque*, AB *supplicium mortemque*, p. 7,7 C *dominatus conatu peti tanto*, A *tanto conatu dominatus peti*, p. 10,25 C *universi abs te deserimur*, AB *abs te universi deserimur*, p. 14,9 C *te regno abdicare*, AB *abdicare te regno*, p. 23,28 C *subest pondus tradere et accipere*, AB *tradere et accipere subest pondus*, quae tota sententia in editione operum omnium Vallae 1540 deest; p. 27,12 C *ferme cunctorum imperatorum*, AB *cunctorum ferme imperatorum*, p. 28,17 C *etiam testimonium*, AB *testimonium etiam*, p. 29,6 C *non in dubium vocare nos sinunt*, AB *nos in dubium vocare non sinunt*.

Variae lectiones, quae a codice A differunt, in B raro inveniuntur, et plerumque unum tantum vocabulum differt, ut plane appareat in legendo exemplari sive in scribendo codice scribam erravisse. Sic legimus p. 2,7 *et pro ut*, p. 3,18 *obtundere* pro *obcludere*, p. 9,3 *bonorum* pro *imperii*, quia paulo ante *bonorum* legitur, p. 9,28 *credebat* pro *cadebat*, p. 17,6 *abiciamus* pro *abiecimus*, p. 20,20 *potestatem habere* pro *exercere*, p. 21,26 *disce* pro *discite*, p. 22,13 *pontificem* pro *pontificatum*, p. 30,5

meriti pro *numeri*, p. 30,8 *utimini* pro *nitimini*, p. 35,27 *nominarentur* pro *nominantur*, p. 42,19 *nominasti* pro *omisisti*, p. 48,4 *singulis* pro *singularis*, p. 50,7 *repperim* pro *reppererim*, p. 80,21 *detestatur* pro *detestaretur*, p. 82,17 *patres* pro *partes* etc. Uno loco complura verba omissa sunt; p. 20,14 desunt *Et cum his respondisset: ab alienis*, cuius rei causa est, quod *ab alienis* praecedit. Interpolationes in codice C non inveniuntur. Sed inveniuntur loci, ubi C optimam lectionem habet, velut p. 38,3 *dignitatem* (AB *divinitatem*), p. 47,11 *Atque* (AB *At*) *banna quid sibi velit* etc., p. 81,27 *paucae ceteri* (AB *pauca ceterique*).

Itaque codicem quoque C optimum esse videmus, praesertim illis locis, ubi Graeca vocabula inveniuntur. Quae cum ita sint, ubi ABC congruunt, fere semper originalem lectionem Vallae nobis ante oculos positam esse iudicabimus neque ab hac lectione discedendum putabimus, nisi gravissimae causae ita nos facere cogent.

Eum quoque, qui codicem C scripserit, rerum a veteribus gestarum non peritum fuisse inde apparet, quod p. 12,31 *hios* pro *Velos* et p. 26,17 *apud Claudium propontum Thelesium* scribit; hoc loco cum Codice A congruit.

Quartus etiam huius Vallae declamationis codex, quem D appellamus, olim in codice Urbinat 337 inerat. Hoc volumine continentur nonnulli libri Vallae, quorum tituli hi sunt: 1. pro Ctesiphonte — hoc loco cui non in mentem venit illius coniecturae Vahlenii (in *Sitzungsberichte der kais. Akademie der Wissenschaften*, Phil.-hist. Classe Bd. 61. Viennae 1869, p. 451 sqq.) hanc versionem esse dedicatam Federico Urbinati —, 2. in Antonium Raudensem, 3. Epistola ad Alphonsum Regem, 4. Confutatio in Benedictum Morandum, 5. Apologia ad Eugenium Papam, 6. De falso credita et ementita Constantini donatione p. 264 sqq. Sed totus fere hic liber de industria ex hoc volumine excisus est; tantum duo

folia cum tribus paginis contextus supersunt, at in iis scriptura diligentissima abrasa est. Tamen contextum legere possumus, in quo prima et extrema pars operis inest, haec non tota. Ex illis exiguis reliquiis vix aliquid concludere possumus. In codice D prima pars semper congruit cum codice B, non congruit cum codice A. D scribit p. 1,15 *alicuius principum*, sicut BC, cum A habeat *principis*, paulo post, sicut B, *relinquat*, A *relinquit*, infra, sicut BC, *summum sacerdotem*, A *pontificem*. In extremo libro p. 81,9 pro *est omnis facinoris exemplum* D habet *esse*, quod falsum esse apparet. Cetera cum codice A congruunt, in codice B haec pars deest.

Ex antiquissimis editionibus primum illam inspiciamus, quae anno 1520 impressa est, quam E appellamus. Una Hutteni quidem editio prius in lucem edita est, cum anno 1517 impressa sit, sed cum haec plerumque cum editione omnium operum Vallae (O) congruat, commodius de his duabus editionibus postea una quaeremus. Illius editionis titulus est: *Lauren. Val. de dona. Constan. imperatoris*. In fine libri hoc legitur: *Impressum Anno domini Millesimo quingentesimovigesimo, infra 1520*. Nomina editoris et loci impressionis desunt. In hoc libro non paginae numerantur, sed magna folia, quorum unum quodque ex quaternis parvis foliis sive octonis paginis constat. Singula magna folia in primo parvo folio ad dextram partem infra habent singulas literas ab A usque ad h, in secundo AII usque ad hII, tertia et quarta non significata sunt. Toto libro permultae abbreviaturae inveniuntur.

Quicumque hunc librum inspexerit et cum codicibus comparaverit, mirabitur ingentem numerum lectionum variarum. Multis locis editor non solum prave legit impressitque, sed etiam saepe vocabula falsa inveniuntur, quae non facile emendari possunt, quin etiam formae verbaque reperiuntur, quae a lingua Latina omnino abhorrent, ut fieri non possit, quin iudicemus

editorem saepe non intellexisse, quae scripserit. Operae pretium non est omnes errores enumerare; ex omni genere satis sit nonnullos afferre. Ac leves quidem ii errores iudicandi sunt, ubi una alterave litera depravata est. Velut p. 14,3 scriptum est *ducibus* pro *dulcibus*, p. 14,12 *praeferimus* pro *praefecimus*, p. 15,11 *peccatoribus* pro *pectoribus*, p. 15,25 *susciendum* pro *accipendum*, p. 16,10 *voluit* pro *noluit*, p. 16,17 *inui more* pro *imminuere*, p. 17,3 *apes* pro *opes*, p. 17,21 *tractio* pro *tractatio*, p. 19,12 *sequentior* pro *frequentior*, p. 41,18 *numerus* pro *numeras*, p. 47,21 *Sex* pro *Rex*, p. 50,12 *sic* pro *hic*, p. 42,14 *ut coronam* pro *uti corona* et cetera multa eiusmodi. Vocabula, quae plane diversam significationem habent, inveniuntur p. 13,7 *religionis* pro *legiones*, p. 13,14 *aestimare* pro *continere*, p. 13,21 *occupemus* pro *accipiemus*, p. 14,34 *patrum* pro *primum*, p. 14,23 *vero* pro *quoque*, p. 15,19 *vel amare* pro *non amare*, p. 20,19 *minime* pro *necesse*, p. 37,14 *ne mixtum* pro *venustum*, p. 39,26 *alicuius quam* pro *alius quem* *Palea*, p. 55,8 *disseres* pro *discerpis*, ibid. *Nero* pro *nemo*, p. 63,15 *illum suorum attonitum* pro *ullum suorum comitum*, p. 77,31 *cuius* pro *nonus*, paulo post *actio* pro *octavo*. Verba, quae a sermone Latino omnino aliena sunt, videmus p. 32,2 *letictari* pro *lecticari*, p. 33,6 *cuum* pro *aevum*, p. 33,19 *hii* pro *ii*, p. 49,28 *lubulonicis* pro *babylonicis*, p. 50,4 *idones* pro *udones*, p. 50,2 *clano* pro *clavo*, p. 50,9 *idones alicon* pro *udones cilicii*, p. 50,22 *amplicare* pro *amplificare*, p. 62,10 *pictili* pro *pictai* (*pictae*). Hos locos neque editor intellexit nec nos facile intellegere aut emendare possumus. Totas quoque sententias omissas esse videmus. Primum p. 22,22 desunt: *donationem. Ita credo nec ratam habuisse*. Pro hac sententia legitur: *non*. Omissa esse illa verba explicatur ex verbo praecedente: *habuisse*, sed cum *non* interponatur, altera sententia statuitur. Altero loco p. 22,27 desunt: *acceptum. Sed e contrario, quia non fit mentio de acceptione, dicendum est non fuisse*. Hic quoque connexus sententiarum non turbatur.

Uno loco interpolatio quaedam mirabilis facta est, quam qui invenit fere insaniae arguendus est. Legimus p. 68,8: *Quod nec vespae ipsae nec ranae, si loqui possent, dixissent, nisi ad deos Capitolinos hoc referunt.* In media hac sententia post *dixissent* in E legimus: *Transeo quod quorum puerorum ad curationem leprae facere dicunt, quod medicina non confitetur.* Quae verba quid sibi velint plane est in obscuro. Forsitan pro *quorum* legere oportet *sanguinem*. Sed utut res se habet, haec sententia non suo loco est, nam Valla negat Constantinum leprosum fuisse. Verisimile est hanc interpolationem in margine additam fuisse a scriba quodam insipienti, qui doctrinam suam iactare volebat. Altero quoque loco E annotationem quandam marginalem in contextum inseruit. Legimus p. 50,21 *dies me deficient alias deficiet* pro *dies me deficiat*. Duo ultima verba illius sententiae in margine adscripta esse apparet; qui scripsit, voluit dicere in alio codice legi *deficient*, in alio vel in aliis *deficiet*.

Sed praeter hos errores gravissimos et quibus contextus magnopere depravatur, alios locos invenimus, quibus lectiones editionis E dissentiunt quidem a codicibus, sed ea, quae Valla dicere in animo habebat, non ita commutant. Velut legimus p. 2,24 *corripiatur* pro *carpatur*, p. 3,24 *homines* pro *ures hominum*, p. 5,1 *fuerunt donatae* pro *dicuntur donatae* et paulo post *a quo baptismum acceperat* pro *ante quem baptismum acceperat*, p. 7,32 *cognosceret* pro *nosset*, p. 8,27 *infestantibus finitimis* pro *instantibus finitimis*, p. 9,9 *Verum de hoc commodius postea* additum est *loquar*, p. 11,14 *iniustum* pro *invisum*, p. 12,4 *certent* pro *decernant*, p. 14,17 *in imperium Romanum* pro *in populi Romani imperio*, p. 21,19 *ad impietatem inducere nolo* pro *ad pietatem inducere volo*, p. 21,21 *gladio ferreo* pro *gladio ferri*, p. 30,16 *in literis hoc dicit* pro *multas hoc dicit*, quod in exemplari fuisse oportet, p. 32,26 *legatis missis* pro *legatis dimissis* etc. Nonnullis

locis facere non possumus, quin iudicemus lectionem editionis E solam esse rectam. Velut E p. 57, 12 habet: *has sententias et haec verba*, ubi omnes ceteri codices editionesque *scientias* pro *sententias* habent, p. 64, 4 in *veteris testamenti archetypo* pro *instrumenti*, p. 64, 29 *levitatis plus quam mimicae* pro *inimicae*, p. 70, 29 *confecta aetate* pro *affecta*. Etiam illo, quem iam commemoravimus, loco p. 26, 17 lectio editionis E rectior est ceteris: *apud Claudium per Pontium Telesinum*. Has lectiones ab editore ipso inventas esse, vix crediderit quispiam, postquam multos eius errores cognovit. Hinc efficitur, ut editio E, quamvis plena sit omni genere errorum falsarumque lectionum, propter aliquot locos, qui nisi ibi non recte traditi sunt, in contextu constituendo negligenda non sit.

Editio Hutteni, quam H appellamus, hunc habet titulum: *De donatione Constantini quid veri habeat eruditorum quorundam iudicium, ut in versa pagula videbis*. Ibi legimus: Hoc in libro haec continentur: Donationis, quae Constantini dicitur privilegium, Bartholomeo Pincerno de monte arduo ad Iulium II. Pont. Max. interprete.

Laurentii Vallensis patritii Romani contra ipsum, ut falso creditum et ementitum privilegium declamatio, cum Udalrici Hutteni equitis Germani ad Leonem. X. Pont. Max. praefatione.

Nicolaus de Cusa Tit. sancti Petri ad vincula de donatione Constantini. Antoninus archiepiscopus Florentinus de eadem re.

Quamquam locus et annus editionis non significantur, iudicare possumus librum hunc a. 1517 impressum esse. Secundum usum huius temporis non singulae paginae significantur, sed folia ut in E. Uno loco p. 42, 26 in margine annotatio Germanica invenitur: „*Hie schenckt Keyser Constantinus alles das er hat, dem bapst Silvestro, bis uff die bruch.*“ Hutteni editio paulo post in linguam Germanicam versa est. Cuius versionis titulus

hic est: „*Des Edlen Römers Laurentii Vallensis Clagrede wider die erdicht vnnd erlogene begabung so von dem Keyser Constantino der Römischen Kirchen sol geschehen sein.*“ Quamquam hic quoque locus et annus desunt, videtur hic liber a. 1520 editus esse. Quam versionem de Hutteni editione pendere inde apparet, quod omnes sententiae ab Hutteno omissae hic quoque desiderantur et annotatio illa Germanica, quam supra commemoravimus, etiam in versione invenitur. Hutteni editio sequenti saeculo rursus impressa est. Eadem usus est Iohannes Vincentius in versione sua Italica, quae inscribitur: „*La dissertazione di Lorenzo Valla Patrizio Romano su la falsa e menzognera donazione di Costantino tradotta in italiano da Giovanni Vincenti. Napoli 1895.*“ Vincentius semper Huttenum sequitur; ubi contextum emendare studet, cum codices non legerit, semper errat. Eius versio facilis est ad intellegendum, sed cum liberrima sit, ad dubios locos explicandos inutilis est.

Ac primum quidem Hutten aliquot locis totas sententias omisit. Velut p. 9, 30sq. desunt: *suique oblivisceretur. Qui si etiam talis fuisset.* Quicumque hunc locum legerit, hic aliquid deesse cognoscet. Alter locus est p. 30, 26. Desunt haec verba: *Is vero tantum ait gesta Silvestri legi.* Cum praecedat quoque *legi*, is error facile explicatur. Item p. 40, 2 eodem vocabulo bis repetito interea haec sententia omissa est: *vocat, quod erat oppidum nomine Byzantium;* ita enim (i. e. *Byzantium*) scribit pro *Byzantium*, quod codices habent. Non eodem modo lacuna explicari potest, quae p. 59, 9 post *temerarius accepit* invenitur. Desunt ibi haec verba: *Nemo, ut reor, hoc fecit. Unde porro exemplar?* Ea sententia carere nullo modo possumus. Tum p. 60, 18 post *cui mittitur* desunt haec verba: *ad illum vero, ut ei a proferente reddantur, hic est is, cui mittuntur.* Quicumque hunc locum legerit, alteram partem sententiae deesse concedet. Causa verborum omissorum in bis re-

petitis cui mittuntur posita est. Denique p. 80,13 post *ut dederit familiae dei cibum* desunt: *ut devoraret illam velut cibum*. Hic quoque vocabulum *cibum* bis repetitur. Sed omissa haec verba non modo efficiunt, ut tota ea sententia intellegi non possit, sed etiam ut post *tantum abest* alterum *ut* desit. Interpolatio quaedam invenitur apud H p. 48,26 post *consules fient*. Ibi legimus: *aut consularia ornamenta* (gestabunt EO). Illa verba hoc loco prava, sed ex postera sententia deprompta sunt, ubi suum locum habent.

Errata apud H rarissima sunt. Velut p. 27,12 habet *iunctorum* pro *cunctorum*, p. 32,10 *nominare* pro *nominari*, p. 33,7 *omnes* pro *homines*, p. 38,31 *Christiano* pro *Christo*, p. 78,8 *pax* pro *par*. Ac ne falsa quidem vocabula frequenter occurrunt. Legimus p. 39,26 *alius quem alius* pro *alius quem Palea sequitur*, quae certe negligentia est, p. 63,26 *Quin canabaceo filo alligasset* pro *Quem*, id quod intellegi potest, p. 39,25 *Atqui non videt haec belua* pro *A qua*, p. 56,6 *summo deo* pro *sine deo*. Interdum lectio Hutteni a ceteris dissentit, ut tamen intellegi possit. Velut scribit p. 33,26 *donatio probari* pro *donationem probare*, id quod certo, cum ad Silvestrum referatur, melius est, et p. 29,16 *codicibus*, ubi omnes codices et E editionibus habent.

Interdum H rectam lectionem habet, ubi omnes codices falsam habent. Cuius rei luculentissimum exemplum est p. 64,20: *Quidni — honor dicto — etiam coibat?*, quod omnes ceteri non intellexerunt. Vocabulum *scripturam* p. 55,25 in codicibus omissum praeter HO etiam E habet, sed *vocas* p. 55,28 post *divum sacrumque* tantum HO habent, pro *committis* p. 33,24 omnes codices et E *committas* scribunt. Itaque H quoque quamquam saepius sententias omittit propter aliquot bonas lectiones neglegendus non est.

Prima editio operum omnium Vallae, quam O appellamus, Basileae AD 1540 in lucem edita est et hunc

titulum habet: *Laurentii Vallae opera, nunc primo non mediocribus vigiliis et iudicio quorundam eruditiss. virorum in unum volumen collecta, et, exemplaribus variis collatis, emendata*. In folio tituli inest etiam *Epitaphium Laurentii Vallae in aede Lateranensi, infra Basileae apud Henricum Petrum, mense Martio, anno M. D. XL*. Id volumen continet 1010 paginas et bene impressum est. Laurentii donatio incipit a p. 761 et finitur p. 795 media in pagina. Tractatus noster inscribitur: *Laurentii Vallensis, Patritii Romani, de falso credita et ementita Constantini donatione Declamatio*.

Plerumque O cum H plane congruit. Ex sententiis ab H omissis O duas habet: *Is vero tantum ait* etc. p. 30,26 et *vocat, quod erat oppidum* etc. p. 40,2.14 locis, quantum numeravi, O ab H discrepat, sed ea sunt leviter errata, quae nullo negotio emendari possunt: p. 29,14 *opinatur* pro *opinantur*, p. 29,18 *collocat* pro *collocant*, p. 31,32 *alia* pro *aliam*, p. 33,20 *surriperet* pro *surriperent*, p. 37,15 *eligens* pro *eligentes*, p. 50,13 *illustraria* pro *illustrari*, p. 51,23 *contumeliosius* pro *contumeliosus*, p. 56,19 *quoquam* pro *quoquo*, p. 65,7 *veritare* pro *veritate*, p. 69,21 *vinculis* pro *viculis*, p. 73,4 *auriculum* pro *auriculam*, p. 74,12 *at* (*ob ulciscendam iniuriam*) pro *aut*, p. 75,2 *proviciis* pro *provinciis*, p. 75,10 *fugatibus* pro *fugatis*. Nonnullis locis lectio, quam O habet, recta, quam H habet, falsa est. Sunt hi tres loci: p. 39,25 (cfr. supra) *A qua* (H *Atqui*), p. 39,26 (cfr. supra) *alius quem Palea* (H *alius quem alius*), p. 43,22 infra *sicut — ita* pro *ita — sicut*. Ipsa par se editio O nullius momenti est.

Venio nunc ad quaestionem, quomodo codices editionesque inter se et cum Vallae archetypo cohaereant. Ac primum illud plane apparet ABC simillimos esse. A sub finem anni 1451 scriptus est, i. e. undecim annis postquam Valla hunc librum composuerat et eo tempore, cum ipse Romae erat. Ergo per se verisimile est, qui scripserit, Vallae ipsius archetypum sive ali-

quod bonum apographum in manibus habuisse. Quae res collatis ceteris codicibus ad evidentiam confirmatur. In codice A neque omissae sententiae neque interpolationes occurrunt. Qui codicem A scripsit, codicem B non ante oculos habuisse potest, nam in illo neque ea interpolatio invenitur, quam B initio primae partis habet, nec verba in B mutata occurrunt, neque ei illud exemplar notum est, ubi B p. 10, 18 *a vesta consuetudine* legit; at verba, quae B omisit, in A recte scripta sunt. A etiam plus valeret, eius auctoritas etiam maior esset, si correctus esset et qui eam scripsit, linguae Graecae peritus fuisset. Suspiciari possumus Vallam ipsum in animo habuisse hunc codicem corrigere, sed impeditum esse, ne hoc opus perficeret. Vero codex A fundamentum certissimum est ad constituendum Vallae contextum.

Codicem B non archetypi apographum esse ex quatuor annotationibus in margine adscriptis, quos iam supra commemoravimus, luculentissime apparet, primum ad p. 10, 13: *in exemplari scriptum est a vesta* (in archetypo: *vetusta*) *consuetudine*, deinde ad p. 60, 8 *Opinor Laur. scripsisse* etc., tum ad p. 36, 19: *in exemplari scriptum est: num omnis faex* etc., denique ex altera annotatione ad p. 59, 17 adscripta: *In exemplari scriptum est: veteres* etc. Ex his diligenter factis annotationibus non modo intellegere possumus, qua ratione B exemplari suo usus sit et quae eius ars critica fuerit, sed etiam quod exemplar in manibus habuerit. Hoc non potest esse archetypus neque codex A, nam hic scriptum est *vetusta* pro *vesta*, sed oportet fuerit codicis A simillimum propinquissimumque, quod omnes ceterae lectiones, quas B falsas esse opinatur, sic in codice A inveniuntur. Hinc efficitur, ut exemplar codicis B ab eodem fonte originem ducat, quo A, i. e. ab archetypo. Ergo, ubi A et B congruunt, plerumque iudicare possumus eam esse lectionem archetypi, nisi forte locus quidam in archetypo male scriptus aut ab uno alterove scriba

neglegentia depravatus aut ab eo, qui codicem B scripsit, de industria videtur mutatus esse.

Qua ratione codex C cum duobus ceteris cohaereat, optime ex eo loco diiudicare possumus, quem iam saepius commemoravimus, p. 10, 18 *a vestra consuetudine*. Qui codicem B scripserit, ex nota marginali videmus legisse *vesta*, quod vocabulum facillime in *vestra* commutari potest. Hinc efficitur, ut qui codicem C scripsit, aut codicem B aut eius exemplar in manibus habuerit. Atqui a codice B non originem ducit, nam C neque verba a B omissa neque interpolata neque emendata recepit, sed aliam quandam sententiam omittit. Ergo C eiusdem exemplaris apographon est, cuius B.

Codicis D quae exstant reliquiae magis exiguae sunt, quam ut de eo recte iudicare possimus. Id unum videmus eum plerumque cum codice B congruere. Itaque D quoque ab eodem exemplari originem ducere putare possumus, ex quo B, quamquam hoc iudicium pro certo haberi non potest.

Difficillimum est de editione E recte iudicare, quae et gravissimis erroribus abundat et bonas lectiones habet atque interdum optimis codicibus praestat. Ac primum quidem constat E ex compluribus codicibus contaminatam esse. Haec res ex illo loco p. 50, 21 apparet, ubi E notam marginalem in contextum recepit: *deficient alias deficiet*. E quibus codicibus unus certo designari potest: is est codex B. Nam ineunte prima parte declamationis post *quod ad primam partem attinet* E eandem interpolationem habet quam B: *nunquam Constantinum fuisse facturum, ut alteri daret imperium*. Hanc sententiam a B interpolatam esse inde apparet, quod non plane recta est et in C deest. Editio igitur E eam ex B sumpsit, non ex codicis B exemplari. Praeterea duo alii loci inveniuntur, ex quibus apparet E lectiones suas a B habere, quibus in locis soli E et B congruunt, omnes ceteri discrepant: p. 20, 10 *rebus controversis* et p. 64, 20 *in honore dicto*, quod omnino insa-


num videtur. Sed codicem B non solum fontem editionis E esse iam supra vidimus. Bonis quibusdam lectionibus, quibus E omnibus codicibus praestat (velut p. 64,4 *in veteris testamenti archetypo*, p. 57,12 *has sententias et haec verba*, p. 64,29 *levitatis plus quam mimicae*, p. 70,29 *confecta aetate*) probatur unum fontem esse optimum codicem, certo archetypi ipsius apographon. Alii loci, quibus pristinus contextus commutatur, sed sententia non depravatur (velut p. 2,24 *corripatur* pro *carpatur*, *fuertunt donatae* pro *dicuntur donatae*, *a quo baptismum acceperat* pro *ante quem*, p. 7,32 *cognosceret* pro *nosset*, *infestantibus finitimis* pro *instantibus*, p. 11,14 *iniustum* pro *invisum*, *certent* pro *decernant*, p. 21,19 *ad impietatem inducere nolo* pro *ad pietatem inducere volo*) fieri non potest, ut ab editore inventi sint, id quod eius stultitia non patitur. Has igitur lectiones oportet ex alio exemplari sumpserit, quod traditum contextum leviori quodam modo tractavit. Omnis generis erratorum pravorumque verborum certo editor auctor habendus est, quem prudentissimum non fuisse cognovimus. Editio igitur E ab exemplari quodam originem ducit, qui non minus quam tres fontes habuerit oportet, primum codicem B, deinde alterum quendam bonum codicem, apographon archetypi, denique tertium quendam deteriore; huic exemplari editor non exiguum numerum omnis generis pravorum lectionum addidit.

H nec codicem B nec C in manibus habuisse potest, nam p. 10,18 habet *a vetusta consuetudine*; praeterea verba a B aut C ommissa H non omisit neque illic ea verba ommissa sunt, quae in H desunt. Ac ne codicem A quidem inspexisse iudicandus est, quod aliquot locis meliores illo lectiones habet. Ergo eorum, qui exstant, codicum ABC nullus in Hutteni manibus fuisse potest. Aliae lectiones, quas H habet, huius editionis propriae et certissimo rectae sunt, velut p. 64,20 *honor dicto*. At alii loci diversum exemplar sequuntur, quod est idem

ac pravum exemplar editionis E — E ipsa Hutteni libro posterior est —, quo in numero sunt interpolatio, quae p. 48,26 post *consules fient* legitur: *aut militaria ornamenta (gestabunt)*, atqui p. 39,25 pro *a qua, summo deo* p. 56,6 pro *sine deo, India* p. 40,16 pro *Iudaea*. Duo igitur codices, bonus quidam, qui ab archetypo originem ducit, et deterior alter, quo E usus est, iam ab eo codice contaminata sunt, quem H in manibus habebat.

Editio O fere tota de H pendet. Quod nonnullis locis in O sententiae inveniuntur, quae in H omissae sunt, velut p. 9,30 *suique oblivisceretur* etc., p. 30,26 *Is vero tantum ait* etc., p. 40,2 *vocat, quod erat* etc., verisimile est O editionem hic de exemplari pendere, quo H usus est. Eodem modo interpolatio orta est quae p. 48,26 post *consules fient* legitur: *aut militaria ornamenta gestabunt*, ubi in H *gestabunt* deest.

Habemus igitur hoc stemma codicum editionumque:



Cum Vallae librum, qui inscribitur „de falso credita et ementita Constantini donatione“ edere animum inducerem, id unum spectavi, ut integrum Vallae textum constituerem; illum corrigere non meum esse putavi. Itaque omnibus fere locis, ubi ABC congruunt, illorum codicum lectionem recepi; paucissimis locis, ubi, quod in codicibus legimus, rectum esse non potest, verba

XXIV PRAEFATIO. — SIGNA CODICUM

a codicibus tradita emendavi. Editiones EHO, quarum E referta est omni genere errorum, tantum iis locis in notis infra commemoravi, ubi eorum lectio aut praefenda est aut cum uno alterove ex codicibus congruit. Omnes mendosas lectiones afferre, quae plurimae sunt, neque operae pretium est et adnotationum criticarum numerum in infinitum fere augeret. Codicum ABC omnes lectiones varias diligenter adnotavi exceptis quibusdam, quae nisi orthographia a ceteris non differunt; codicis A, cum archetypi simillimus sit, ne orthographiam quidem neglegendam putavi.

Restat ut gratias agam Francisco Ehrle cardinali, Iohanni Mercati, praefecto bibliothecae Vaticanae, Iohanni Barsotti, canonico Lucano, necnon societati illi, quae „Notgemeinschaft der Deutschen Wissenschaft“ vocatur, magistratuique Berolinensi, qui omnes de hac editione optime meriti sunt.

Scribebam Berolini mense Augusto 1927.

Walther Schwahn.

SIGNA CODICUM

- A = Cod. Vaticanus 5314
- B = Cod. Ottobonianus 2075
- C = Cod. Lucanus 582
- D = Cod. Urbinas 337
- E = Ed. an. 1520
- H = Ed. Hutteni 1517
- O = Op. 1540

I. 1. Plures a me libri compluresque emissi sunt in
 omni fere doctrinarum genere, in quibus quod a non-
 nullis magnisque et longo iam aevo probatis auctoribus
 dissentio cum sint qui indigne ferant meque ut teme-
 5 rarium sacrilegumque crimentur, quid tandem nunc
 facturi quidam putandi sunt, quantopere in me debac-
 chaturi, et si facultas detur, quam avide me ad suppli-
 cium festinanterque rapturi, qui non tantum adversus
 mortuos scribo, sed adversus etiam vivos, nec in unum
 10 alterumve, sed in plurimos, nec contra privatos modo,
 verum etiam contra magistratus? at quos magistratus?
 nempe summum pontificem, qui non temporali solum
 armatus est gladio regum ac principum more, sed eccle-
 siastico quoque, ut ab eo neque subter ipsum, ut sic
 15 loquar, clipeum alicuius principis protegere te possis,
 quominus excommunicatione anathemate execratione
 feriare. Quodsi prudenter, ut dixit, sic fecisse existi-
 matus est, qui inquit: Nolo scribere in eos, qui possunt
 proscribere, quanto mihi magis idem faciendum esse
 20 videatur in eum, qui ne proscriptioni quidem relinquat
 locum quique invisibilibus me potestatis suae iaculis
 persequatur, ut iure possim dicere: Quo ibo a spiritu
 tuo, et quo a tua fugiam facie? Nisi forte putemus
 patientius haec esse laturum summum pontificem, quam
 25 ceteri facerent. 2. Nihil minus: si quidem Paulo, quod
 bona se conscientia conversatum esse diceret, Ananias

18 Pollio ap. Macrob. II 4

15 principum BCD

24 sacerdotem BCDEHO

princeps sacerdotum coram tribuno, qui iudex sedebat, iussit os verberari, et Phasur, eadem praeditus dignitate, Jeremiam ob loquendi libertatem coniecit in carcerem. Sed illum tribunus ac praeses, hunc rex adversus iuriam pontificis tutari et potuit et voluit. Me vero ⁵ quis tribunus, quis praeses, quis rex e manibus summi sacerdotis, si me rapuerit ille, etiam ut velit, eripere poterit? Verum non est causa, cur me duplex hic periculi terror conturbet arceatque a proposito. nam neque contra ius fasque summo pontifici licet aut ligare ¹⁰ quempiam aut solvere, et in defendenda veritate atque iustitia profundere animam summae virtutis summae laudis summi praemii est. An vero multi ob terrestrem patriam defendendam mortis adiere discrimen: ego ob coelestem patriam assequendam (assequuntur autem ¹⁵ eam, qui deo placent, non qui hominibus) mortis discrimine deterrebatur? Facessat igitur trepidatio, procul abeant metus, timores excidant. Forti animo magna fiducia bona spe defendenda est causa veritatis, causa iustitiae, causa dei. Neque enim is verus est habendus orator, ²⁰ qui bene scit dicere, nisi et dicere audeat. Audeamus igitur accusare eum, quicumque digna committit accusatione. Et qui in omnes peccat, unius pro omnium voce carpatur. 3. At non debeo palam obiurgare fratrem, sed inter me et ipsum. Immo publice peccans ²⁵ et qui privatum consilium non admitteret, publice arguendus est, ut ceteri timorem habeant. An non Paulus, cuius verbis modo sum usus, in os Petrum coram ecclesia reprehendit, quia reprehensibilis erat? et hoc ad nostram doctrinam scriptum reliquit. At non ³⁰ sum Paulus, qui Petrum possim reprehendere. Immo Paulus sum, qui Paulum imitor, quemadmodum, quod

2 Act. 23, 2 3 Jer. 20, 1. 2 25 Matth. 18, 15 31 Gal. 2, 14

2 obverberari CDEO 11 quippiam BCEHO 22 eum
in margine A, excidit in cet. 27 cetera A

multo plus est, unus cum deo spiritus efficior, cum studiose mandatis illius obtempero. Neque aliquem sua dignitas ab increpationibus tutum reddit, quae Petrum non reddidit multosque alios eodem praeditos gradu,
 5 ut Marcellum, quod diis libasset, ut Coelestinum, quod cum Nestorio haeretico sentiret, ut quosdam etiam nostra memoria, quos ab inferioribus (Quis enim non est inferior papa?) reprehensos scimus, ut taceam condemnatos. 4. Neque vero id ago, ut quemquam cupiam
 10 insectari et in eum quasi Philippicas scribere; hoc enim a me facinus procul absit, sed ut errorem a mentibus hominum convellam, ut eos a vitiis sceleribusque vel admonendo vel increpando summoveam. Non ausim dicere, ut alii, per me edocti, luxuriantem nimis sarm
 15 mentis papalem sedem, quae Christi vinea est, ferro coerceant et plenas uvas, non graciles labruscas ferre compellant. Quod cum facio, num quis erit qui aut mihi os aut sibi aures velit occludere, ne dicam supplicium mortemque proponere? Hunc ego, si hoc
 20 faciat, etiamsi papa sit, quid dicam esse? Bonumne pastorem? an aspidem surdam, quae nolit exaudire vocem incantantis, velit eiusdem membra morsu venenoque praestringere?

II. 5. Scio iam dudum expectare aures hominum,
 25 quodnam pontificibus Romanis crimen impingam: profecto ingens sive supinae ignorantiae sive immanis avaritiae, quae est idolorum servitus, sive imperandi

5 Marcellus c. 307—309 episc. Rom.; id quod Valla hic contendit, verum non est, nam M. in lapsos i. e. eos, qui a fide christiana defecerant, nimia severitate usus est. Coelestinus I, ep. Rom. 422—432; quod Valla opinatur eum haereticum fuisse, falsum est. 6 Nestorius, patriarcha Constant., qui vetuerat virginem Mariam Dei matrem appellari, a Concilio Ephesio 431 condemnatus est.

1 cum excidit C quod pro cum ante studiose C 9 quem-
 18 obtundere C 25 quidnam AC
 10 cupiam BEHO cupiam ex cuius emendatum C sec. man.

vanitatis, cuius crudelitas semper est comes. Nam aliquot iam saeculis aut non intellexerunt donationem Constantini commenticiam fictamque esse aut ipsi finxerunt, sive posteriores in maiorum suorum dolis vestigia imprimentes pro vera, quam falsam cognoscerent, 5 defenderunt, dedecorantes pontificatus maiestatem, dedecorantes veterum pontificum memoriam, dedecorantes religionem christianam et omnia caedibus ruinis flagitiisque miscentes. Suam esse aiunt urbem Romam, suum regnum Siciliae Neapolitanumque, suam universam Italiam Gallias Hispanias Germanos Britannos, suum denique occidentem. Haec enim cuncta in ipsa donationis pagina contineri. Ergo haec omnia tua sunt, summe pontifex? omnia tibi in animo est recuperare? omnes reges ac principes occidentis spoliare urbibus 15 aut cogere, ut annua tibi tributa pensitent, sententia est? At ego contra existimo iustius licere principibus spoliare te imperio omni, quod obtines. Nam ut ostendam, donatio illa, unde natum esse suum ius summi pontifices volunt, Silvestro pariter et Constantino fuit incognita. 20 6. Verum antequam ad confutandam donationis paginam venio, quod unum istorum patrociniū est, non modo falsum, verum etiam stolidum, ordo postulat, ut altius repetam. Et primum dicam non tales fuisse Constantinum Silvestrumque, illum quidem, qui donare 25 vellet, qui iure donare posset, qui ut in manum alteri ea traderet, in sua haberet potestate, hunc autem, qui vellet accipere quique iure accepturus foret. Secundo loco, si haec non essent, quae verissima atque clarissima sunt, neque hunc acceptasse neque illum tradidisse 30

3 Constantinus Magnus succ. 306 Constantio Chloro patri in imperio Galliarum, a. 312 post Maxentium victum toto Occidente, a. 324 post Licinii mortem toto imperio potitus est, mortuus est a. 337 20 S. Silvester episc. Rom. 314—335

12 ipsius C 24 Divisio in marg. B. Divisio operis in marg. C sec. manus 27 autem excidit B

possessionem rerum, quae dicuntur donatae, sed eas semper in arbitrio et imperio Caesarum permansisse. Tertio, nihil datum Silvestro a Constantino, sed priori pontifici, ante quem etiam baptismum acceperat, donaque illa mediocria fuisse, quibus papa degere vitam posset. Quarto, falso dici donationis exemplum aut apud decreta reperiri aut ex historia Silvestri esse sumptum, quod neque in illa neque in ulla historia invenitur, in eoque quaedam contraria impossibilia stulta
 10 barbara ridicula contineri. Praeterea loquar de quorundam aliorum Caesarum vel simulata vel frivola donatione. Ubi ex abundanti adiciam, si Silvester possedisset, tamen sive illo sive quovis alio pontifice a possessione deiecto post tantam temporis intercapedinem nec
 15 divino nec humano iure posse repeti. Postremo ea, quae a summo pontifice tenentur, nullius temporis longitudine potuisse praescribi.

III. 7. Atque quod ad primam partem attinet (loquar autem de Constantino prius, deinde de Silvestro),
 20 non est committendum, ut publicam et quasi Caesaream causam non maiore quam privatae solent ore agamus. Itaque quasi in concione regum ac principum orans, ut certe facio, nam mea haec oratio in manus eorum ventura est, libet tamquam praesentes et in conspectu positos alloqui. Vos appello, reges ac principes (difficile
 25 est enim privatum hominem animi regii concipere imaginem), vestram mentem inquirō, conscientiam scrutor, testimonium postulo. Numquid vestrum quispiam si fuisset Constantini loco, faciendum sibi putasset, ut
 30 urbem Romam, patriam suam, caput orbis terrarum, reginam civitatum, potentissimam, nobilissimam, ditissimam populorum, triumphatricem nationum et ipso

8 in *deest* AC 11 ut A 14 disiecto C 17 posse
 CHO 18 in B *hic interpolatum est*: nunquam Constantinum
 fuisse facturum, ut alteri daret imperium loquemur B
 19 prius *deest* C 21 privati *Vincenti* 22 in in A 25 Ora-
 tio ad reges et principes *in marg.* C

aspectu sacram, liberalitatis gratia donaret alteri et se ad humile oppidum conferret, deinde Byzantium? Donaret praeterea una cum Roma Italiam, non provinciam, sed provinciarum victricem, donaret tres Gallias, donaret duas Hispanias, donaret Germanos, donaret Britannos, totum donaret occidentem et se altero ex duobus imperii oculis orbaret? Hoc ego ut quis faciat compos mentis, adduci non possum ut credam. 8. Quid enim vobis exspectatius, quid iucundius, quid gratius contingere solet, quam accessionem imperiis vestris vos regnisque adiungere et longe lateque quam maxime proferre dicionem? In hoc, ut videre videor, omnis vestra cura omnis cogitatio omnis labor dies noctesque consumitur. Ex hoc praecipua spes gloriae, propter hoc voluptates relinquitis, propter hoc mille pericula aditis, propter hoc carissima pignora, propter hoc partem corporis aequo animo amittitis. Siquidem neminem vestrum aut audivi aut legi a conatu ampliandi imperii fuisse deterritum, quod aut luminis aut manus aut cruris aut alterius membri iacturam fecisset. Quin ipse hic ardor atque haec late domiandi cupiditas, ut quisque maxime potens est, ita eum maxime angit atque agitat. Alexander non contentus deserta Libyae pedibus peragrasse, orientem ad extremum usque Oceanum vicisse, domuisse septentrionem, inter tot vulnera, tot casus, recusantibus iam detestantibusque tam longinquas, tam asperas expeditiones militibus ipse sibi nihil effecisse videbatur, nisi et occidentem et omnes nationes aut vi aut nominis sui auctoritate sibi tributarias reddidisset? Parum dico. Iam Oceanum transire et, si quis alius orbis esset, explorare ac suo subicere arbitrio destinaverat. In coelum tandem, ut opinor, tentasset ascendere. 9. Talis fere est omnium regum voluntas, etsi non omnium talis audacia. Taceo, quanta scelera, quot abominanda propter im-

9 iocundius AB
26 detestantibus A

22 in marg. Alexander sec. man. C

perium assequendum ampliandumve admissa sunt, ut nec fratres a fratrum nec filii a parentum nec parentes a filiorum sanguine nefarias abstineant manus. Adeo nusquam magis, nusquam atrocius grassari solet humana
 5 temeritas, et quod mirari possis, non segniores ad hoc videas animos senum quam iuvenum, orborum quam parentum, regum quam tyrannorum. Quodsi tanto conatu peti dominatus solet, quanto maiore necesse est conservetur? Neque enim tantopere miserum est non am-
 10 pliari imperium quam imminuere, neque tam deforme tibi alterius regnum non accedere tuo quam tuum accedere alieno. Nam quod ab rege aliquo aut populo legimus nonnullos praepositos regno aut urbibus, id factum est non de prima nec de maxima, sed de po-
 15 strema quodammodo ac minima imperii parte, atque ea ratione, ut donantem, qui donatus est, quasi dominum et se ministrum illius semper agnosceret. 10. Nunc quaeso, nonne abiecto animo et minime generoso videntur esse, qui opinantur Constantinum meliorem a
 20 se imperii alienasse partem? Non dico Romam Italiamque et cetera, sed Gallias, ubi ipse proelia gesserat, ubi solum diu dominatus fuerat, ubi suae gloriae suique imperii rudimenta posuerat. Hominem, qui cupiditate dominandi nationibus bella intulisset, socios affinesque
 25 bello civili persecutus imperio privasset, cui nondum perdomitae ac profligatae reliquiae essent alterius factionis, qui cum multis nationibus bella gerere non modo soleret spe gloriae imperiique, sed etiam necesse haberet, utpote quotidie a barbaris lacessitus, qui filiis,
 30 qui coniunctis sanguine, qui amicis abundaret, qui senatum populumque Romanum huic facto repugnaturum nosset, qui expertus esset instabilitatem victarum nationum et ad omnem fere Romani principis mutationem rebellantium, qui se meminisset more aliorum Caesarum

7. 8 dominatus conatu peti tanto C tanto con. dom. peti
 ceteri praeter A 18 nonne deest C 21 Gallos C 25 per-
 secutos Vincenti 30 amicitis ABC 34 interpolatum est et C

non electione patrum consensuque plebis, sed exercitu armis bello dominatum occupasse. Quae tam vehemens causa et urgens aderat, ut ista negligere et tanta liberalitate uti vellet?

IV. 11. Aiunt, quia effectus erat Christianus. Ergone 5 imperii optima parte se abdicaret? Credo scelus erat, flagitium, nefas iam regnare nec cum Christiana religione coniungi poterat regnum. Qui in adulterio sunt, qui usuris rem auxerunt, qui aliena possident, ii post baptismum alienam uxorem, alienam pecuniam, aliena 10 bona reddere solent. Hanc cogitationem si habes, Constantine, restituere urbibus libertatem, non mutare dominum debes. Sed non id in causa fuit; tantum in honorem religionis, ut faceres, adductus es. Quasi religiosum sit magis regnum deponere quam pro tutela 15 religionis illud administrare. Nam quod ad accipientes attinet, neque honesta erit illis neque utilis ista donatio. Tu vero si christianum te ostendere, si pietatem indicare tuam, si consultum non dico Romanae ecclesiae vis, sed ecclesiae dei, nunc praecipue, nunc principem agas, 20 ut pugnes pro iis, qui pugnare non possunt nec debent, ut eos tua auctoritate tutos reddas, qui insidiis iniuriisque obnoxii sunt. Nabuchodonosor Cyro Assuero multisque aliis principibus sacramentum veritatis deus aperire voluit, a nullo tamen eorum exegit, ut imperio ce- 25 deret, ut partem regni donaret, sed tantum libertatem Hebraeis redderet eosque ab infestantibus finitimis protegeret. Hoc satis fuit Iudaeis, hoc sat erit et Christianis. Factus es, Constantine, Christianus. At indignissima res est Christianum te nunc imperatorem minorem esse 30 principatu, quam fueras infidelis. Est enim principatus praecipuum quoddam dei munus, ad quem gentiles etiam principes a deo eligi existimantur. 12. At erat levatus a lepra, ideo verisimile est referre gratiam vo-

4 in marg. B. Quod factus est Constantinus christianus et levatus a lepra quid momenti habuisset 21 his CEHO 33 et C

luisse et maiore mensura reddere quod acceperat. Itane? Neeman ille Syrus ab Helisaeo curatus munera tantum offerre voluit, non dimidium bonorum; Constantinus dimidium imperii obtulisset? Piget me impudenti fabellae
 5 tamquam indubitatae historiae respondere. Sic enim haec fabula ex historia Neeman et Helisaei ut altera draconis ex fabuloso dracone Beli adumbrata est. Sed ut ista concedam, numquid in hac historia de donatione fit mentio? Minime. Verum de hoc commodius postea.
 10 Levatus est a lepra, cepit ob id mentem Christianam, dei timore, dei amore imbutus est, illi honorem habere voluit. Non tamen persuaderi possum eum tanta donare voluisse, quippe cum videam neminem aut gentilem in honorem deorum aut fidelem in honorem dei
 15 viventis imperium deposuisse sacerdotibusque donasse. Siquidem ex regibus Israel nemo adduci potuit, ut pristino more ad templum Hierusalem populos sacrificaturos ire permetteret, eo videlicet timore, ne forte ad regem Iudae, a quo defecerant, redirent, sacro illo cultu
 20 religionis admoniti ac templi maiestate. Et quanto maius est hoc, quod fecisse dicitur Constantinus? Ac ne quid tibi propter curationem leprae blandiaris, Ieroboam primus a deo in regem Israel electus est et quidem ex infima conditione, quod mea sententia plus est quam esse
 25 lepra levatum; et tamen is non est ausus regnum suum deo credere, et tu vis Constantinum regnum deo donasse, quod ab illo non accepisset, qui praesertim, id quod in Ieroboam non cadebat, offenderet filios, deprimeret amicos, neglegeret suos, laederet patriam, maiore omnes afficeret suique oblivisceretur. V. 13. Qui
 30 si etiam talis fuisset et quasi in alium hominem versus,

2 2 Regg. 5

2 Naamen B Nahaman C Naaman EHO 4 bonorum C
 7 est excidit C 10 coepit CHO 20. 21 hoc maius est BC
 hoc magis est HO 28 in excidit C credebat C 30 sui
 quoque BE

certe non defuissent, qui eum admonerent, et imprimis filii propinqui amici. Quos quis est, qui non putet protinus imperatorem fuisse adituros? Ponite igitur illos ante oculos mente Constantini audita trepidos festinantes cum gemitu lacrimisque ad genua principis procumbentes et hac voce utentes: 5

Itane, pater antehac filiorum amantissime, filios privas exheredas abdicas? Nam quod te optima maximaque imperii parte exuere vis, non tam querimur quam miramur. Querimur autem, quod eam ad alios defers 10 cum nostra et iactura et turpitudine. Quid enim causae est, quod liberos tuos expectata successione imperii fraudas, qui ipse una cum patre regnasti? Quid in te commisimus, qua in te, qua in patriam, qua in nomen Romanum ac maiestatem imperii impietate digni videmur, quos praecipua optimaque prives principatus portione, qui a patriis laribus, a conspectu natalis soli, ab assueta aura, a vetusta consuetudine relegemur? Penates fana sepulcra exsules relinquemus, nescio ubi aut qua terrarum regione victuri? Quid nos 20 propinqui, quid nos amici, qui tecum toties in acie stetimus, qui fratres parentes filios hostili mucrone confossos palpitantesque conspeximus nec aliena morte territi sumus et ipsi pro te parati mortem oppetere, nunc abs te universi deserimur? Qui Romae gerimus 25 magistratus, qui urbibus Italiae, qui Galliis, qui Hispaniis, qui ceteris provinciis praesumus aut praefuturi sumus, omnesne revocamur, omnes privati inbemur esse? An iacturam hanc aliunde pensabis? Et quomodo pro merito ac pro dignitate poteris, tanta orbis terrarum parte 30 alteri tradita? Num qui praeerat centum populis, eum tu,

2.3 imperatorem fuisse protinus C 4 festinantesque C
 7 Oratio filiorum ac necessariorum Constantini ad illum *in margine* B 18 vestra BC *man. I*; *in margine* B: in exemplari scriptum est a vesta, forte scribendum est „a iusta“ relegamur A 21 totiens B 25 universi abs te C

Caesar, uni praeficies? Quomodo tibi istud in mentem
venire potuit? quomodo subita tuorum te cepit oblivio,
ut nihil te misereat amicorum, nihil proximorum, nihil
filiorum? Utinam nos, Caesar, salva tua dignitate at-
5 que victoria in bello contigisset occumbere potius quam
ut ista cernamus. Et tu quidem de imperio tuo ad tuum
arbitrium agere potes atque etiam de nobis uno dum-
taxat excepto, in quo ad mortem usque erimus contu-
maces, ne a cultu deorum immortalium desistamus
10 magno etiam aliis exemplo, ut scias tua ista largitas
quid mereatur de religione Christiana. Nam si non
largiris Silvestro imperium, tecum Christiani esse volu-
mus, multis factum nostrum imitaturis. Sin largiris, non
modo Christiani fieri non sustinebimus, sed invisum
15 detestabile exsecrandum nobis hoc nomen efficies tales-
que reddes, ut tandem tu et vitae et mortis nostrae
miserearis nec nos, sed te ipsum duritiae accuses.

V. 14. Nonne hac oratione Constantinus, nisi extir-
patam ab eo volumus humanitatem, si sua sponte non
20 movebatur, motus fuisset? Quid, si hos audire nolu-
isset, nonne erant, qui huic facto et oratione adversa-
rentur et manu? An senatus populusque Romanus sibi
tanta in re nihil agendum putasset? Nonne oratorem,
ut ait Vergilius, gravem pietate ac meritis advocasset,
25 qui apud Constantinum hanc haberet orationem?

Caesar, si tu tuorum immemor es atque etiam tui, ut
nec filiis hereditatem nec propinquis opes nec amicis
honores nec tibi imperium esse integrum velis, non
tamen senatus populusque Romanus immemor potest
30 esse sui iuris suaeque dignitatis. Etenim quomodo tibi
tantum permittis de imperio Romano, quod non tuo,

25 Oratio populi Romani ad Constantinum. B in marg.

1. 2 venire in mentem C 2 te subita tuorum C coepit
ACHO 6 ut *deest* ABCE 26 Oratio populi Romani ad
Constantinum *in marg.* B populus ro in Constantinum *in marg.*
C III m.

sed nostro sanguine paratum est? Tune unum corpus in duas secabis partes? et ex uno duo efficies regna, duo capita, duas voluntates? et quasi duobus fratribus gladios, quibus de hereditate decernant, porriges? Nos civitatibus, quae de hac urbe bene meritae sunt, iura⁵ civitatis damus, ut cives Romani sint; tu a nobis dimidium imperii aufers, ne hanc urbem parentem suam agnoscat? Et in alveis quidem apium si duo reges nati sunt, alterum, qui deterior est, occidimus; tu in alveo imperii Romani, ubi unus et optimus princeps est, alterum et hunc deterrimum et non apem, sed fucum collocandum putas? Prudentiam tuam vehementer desideramus, imperator; nam quid futurum est, si vel te vivo vel post tuam mortem aut huic parti, quam alienas, aut alteri, quam tibi relinquis, bellum a barbaris nationibus¹⁵ inferatur? Quo robore militum, quibus copiis occuremus? Vix nunc totius imperii viribus possumus, tunc poterimus? An perpetuo membrum hoc cum illo in concordia erit? Ut reor, nec esse poterit; cum Roma dominari velit, nolit pars illa servire. Quin et te vivo²⁰ breve intra tempus revocatis veteribus praesidibus suffectis novis te in tuum regnum profecto et longe agente, hic altero dominante nonne omnia nova id est diversa atque adversa erunt? Regno fere inter duos fratres diviso protinus et populorum animi dividuntur et prius a²⁵ se ipsis quam ab externis hostibus bellum auspicantur. Idem eventurum in hoc imperio quis non videt? An ignoras hanc olim imprimis fuisse causam optimatibus, cur dicerent citius se in conspectu populi Romani esse morituros quam rogationem illam ferri sinerent, ut pars³⁰ senatus ac pars plebis ad incolendum Veios mitteretur duasque urbes communes populi Romani esse. Si enim in una urbe tantum dissensionum esset, quid in duabus urbibus futurum? 15. Ita hoc tempore, si tantum discordiarum in uno imperio — testor conscientiam³⁵

tuam ac labores —, quid in duobus imperiis fiet? Age vero putasne hinc fore, qui tibi bellis occupato esse auxilio aut velint aut sciant? Ita ab armis atque ab omni re bellica abhorrentes erunt, qui praeficientur militibus atque urbibus, ut ille, qui praeficit. Quid, nonne hunc tam imperitum regnandi et iniuriae facilem aut Romanae legiones aut ipsae provinciae spoliare tentabunt, ut quem sperabunt vel non repugnaturum vel poenas non repetiturum? Credo me hercule ne unum quidem mensem illos in officio mansuros, sed statim et ad primum profectionis tuae nuntium rebellaturos. Quid facies? Quid consilii capies, cum duplici atque adeo multiplici bello urgebere? Nationes, quas subegimus, continere vix possumus; quomodo illis accedente ex liberis gentibus bello resistetur? Tu, Caesar, quid ad te spectet, ipse videris. Nobis autem haec res non minus quam tibi curae esse debet. Tu mortalis es; imperium populi Romani decet esse immortale et, quantum in nobis est, erit, neque imperium modo, verum etiam pudor. 16. Scilicet quorum religionem contemnimus, eorum accipiemus imperium? et principes orbis terrarum huic contemptissimo homini serviemus? Urbe a Gallis capta Romani senes demulceri sibi barbam a victoribus passi non sunt; nunc sibi tot senatorii ordinis, tot praetorii, tot tribunicii, tot consulares triumphalesque viri eos dominari patientur, quos ipsi tamquam servos malos omni contumeliarum genere suppliciorumque affecerunt? Istine homines magistratus creabunt? provincias regent? bella gerent? de nobis sententias capitis ferent? Sub his nobilitas Romana stipendia faciet? honores sperabit? munera assequetur? Et quod maius quodque altius penetret vulnus accipere possumus? Non ita putes, Caesar, Romanum degenerasse sanguinem, ut istud passurus sit aequo animo et non

7 provinciae A 8 ut A 12 quo modo C 15 resistens CO 25 tribunitii AB 28 curabunt C 33 dene-gasse, *in marg.* degenerasse C

quavis ratione devitandum existimet, quod medius fidius neque mulieres nostrae sustinerent, sed magis se una cum dulcibus liberis sacrisque penatibus concremarent, ut non Carthaginienses feminae fortiores fuerint quam Romanae. Etenim, Caesar, si regem te delegissemus, 5 haberes tu quidem magnum de imperio Romano agendi arbitrium, sed non ita, ut vel minimum de ipsius imminueres maiestate. Alioquin qui te fecissemus regem, eadem facultate abdicare te regno iuberemus, nedum posses regnum dividere, nedum tot provincias alienare, 10 nedum ipsum regni caput peregrino atque humillimo homini addicere. Canem ovili praefecimus, quem, si lupi mavult officio fungi, aut eicimus aut occidimus. Nunc tu cum diu canis officio in ovili Romano defendendo sis functus, ad extremum in lupum nullo exem- 15 plo converteris? 17. Atque ut intellegas, quandoquidem nos pro iure nostro cogis asperius loqui, nullum tibi in populi Romani imperio ius est. Caesar vi dominatum occupavit, Augustus et in vitium successit et adversariorum partium profligatione se dominum fecit. Tiberius 20 Gaius Claudius Nero Galba Otho Vitellius Vespasianus ceterique aut eadem aut simili via libertatem nostram praedati sunt. Tu quoque aliis expulsis aut interemptis dominus effectus es. Sileo quod ex matrimonio natus non sis. Quare ut tibi nostram mentem testificemur, 25 Caesar, si non libet te Romae principatum tenere, habes filios, quorum aliquem in locum tuum nobis quoque permittentibus ac rogantibus naturae lege substituas. Sin minus, nobis in animo est publicam amplitudinem cum privata dignitate defendere. Neque enim minor 30 haec iniuria Quiritum quam olim fuit violata Lucretia. Neque nobis deerit Brutus, qui contra Tarquinium se ad libertatem recuperandam huic populo praebeat ducem. Et in istos primum, quos nobis praeponis, deinde

3 ducibus liberis C 4 Cartaginienses C 7 ut A 9 te
regno abdicare CHO 14 offitio C 18 esse CE 24 in
marg. C Constantinus spurius

et in te ferrum stringemus. Quod in multos imperatores et quidem leviores ob causas fecimus.

Haec profecto Constantinum, nisi lapidem eum aut truncum existimamus, permovissent. Quae si populus
 5 non dixisset, tamen dicere apud se et his passim verbis fremere credibile erat. VI. 18. Eamus nunc et dicamus Constantinum gratificari voluisse Silvestro, quem tot hominum odiis, tot gladiis subiceret, ut vix, quantum sentio, unum Silvester diem in vita futurus fuisset. Nam
 10 eo paucisque aliis absumptis videbatur omnis sublatum iri de pectoribus Romanorum tam dirae iniuriae contumeliaeque suspicio. Age porro, si fieri potest, concedamus neque preces neque minas neque ullam rationem aliquid profecisse perstareque adhuc Constantinum nec
 15 velle a suscepta semel persuasione recedere. Quis non ad Silvestri orationem, si res vera fuisset, unquam commotus assentiatur? quae talis haud dubie fuisset.

19. Princeps optime ac fili, Caesar. Pietatem quidem tuam tam pronam tamque effusam non possum non
 20 amare atque amplecti; verumtamen quod in offerendis deo muneribus immolandisque victimis nonnihil erres, minime demiror, quippe qui adhuc es in Christiana militia tiro. Ut non decebat olim a sacerdote omnem pecudem feramque et avem sacrificari, ita non omne ab eodem
 25 accipiendum est munus. Ego sacerdos sum ac pontifex, qui dispicere debeo, quid ad altare patiar offerri, ne forte non dico immundum animal offeratur, sed vipera aut serpens. Itaque sic habeas. Si foret tui iuris partem imperii cum regina orbis Roma alteri tradere
 30 quam filiis, quod minime sentio, si populus hic, si Italia, si ceterae nationes sustinerent, ut quos oderunt et quorum religionem adhuc respuunt, capti illecebris saeculi eorum imperio obnoxii esse vellent, quod impossibile est, tamen, si quid mihi credendum putas, fili

12 suspitio A 16 Oratio Silvestri ad Constantinum BH
 Silvestri Constantino in marg. C

amantissime, ut tibi assentiar, ulla adduci ratione non possem, nisi vellem mihi ipsi esse dissimilis et conditionem meam oblivisci ac propemodum dominum Iesum abnegare. Tua enim munera, sive ut tu vis tuae remunerationes et gloriam et innocentiam et sanctimo-
 5 niam meam atque omnium, qui mihi successuri sunt, polluerent ac prorsus everterent viamque iis, qui ad cognitionem veritatis venturi sunt, intercluderent.
 20. An vero Helisaeus a Neeman Syro a lepra curato mercedem accipere noluit; ego te curato accipiam? 10 Ille munera respuit, ego regna mihi dari sinam? Ille personam prophetae maculare noluit; ego personam Christi, quam in me gero, maculare potero? Cur autem ille accipiendis muneribus personam prophetae maculari putavit? Nempe quod videri poterat vendere sacra, 15 faenerare donum dei, indigere praesidiis hominum elevare atque imminuere beneficii dignitatem. Maluit ergo sibi principes ac reges beneficiarios facere quam ipse beneficiarius illorum esse, immo ne mutua quidem beneficentia uti. Beatius est enim multo, ut inquit do-
 20 minus, dare quam accipere. 21. Eadem mihi atque adeo maior est causa, cui etiam a domino praecipitur dicente: Infirmos curate, mortuos suscite, leprosos mundate, daemones eicite; gratis accepistis, gratis date. Egone tantum flagitium admittam, Caesar, ut dei prae-
 25 cepta non exsequar? ut gloriam meam polluam? Melius est, ut inquit Paulus, mihi mori quam ut gloriam meam quis evacuet. Gloria nostra est apud deum honorificare ministerium nostrum, ut idem inquit: Vobis dico gentibus, quamdiu ego quidem sum gentium apo-
 30 stolus, glorificabo ministerium meum. Ego, Caesar, aliis quoque sim et exemplum et causa delinquendi,

21 Act. 20, 35 24 Matth. 10, 8 28 1 Cor. 9, 15 31 Rom. 11, 13

2 correctum in possem C 9 a deest C 10 voluit correctum C 18 reges excidit AC beneficiarios C

Christianus homo, sacerdos dei, pontifex Romanus, vicarius Christi? 22. Iam vero innocentia sacerdotum quomodo incolumis erit inter opes, inter magistratus, inter administrationem saecularium negotiorum? Ideone
 5 terrenis renunciamus, ut eadem uberiora assequamur? Et privata abieciimus, ut aliena possideamus et publica? Nostrae erunt urbes, nostra tributa, nostra vectigalia? Et cur clericos, si hoc fecerimus, nos vocari licebit? Pars nostra sive sors, quae graece dicitur κληρος, do-
 10 mus est non terrena, sed coelestis. Levitae, qui iidem clerici sunt, partem cum fratribus non fuere sortiti, et tu nos iubes etiam fratrum sortiri portionem? Quo mihi divitias atque opes, qui domini voce iubeor nec de crastino esse sollicitus? et cui dictum est ab illo: No-
 15 lite thesaurizare super terram, nolite possidere aurum neque argentum neque pecuniam in zonis vestris. Et: difficilius est divitem introire in regnum coelorum quam camelum per foramen acus transire. Ideoque pauperes sibi ministros elegit et qui omnia reliquerunt, ut eum
 20 sequerentur, et paupertatis ipse fuit exemplum. Usque adeo divitiarum pecuniarumque tractatio innocentiae inimica est, non modo possessio illarum atque dominatus. Unus Iudas, qui loculos habebat et portabat, quae mittebantur, praevaricatus est et amore pecuniae,
 25 cui assueverat, magistrum dominum deum et reprehendit et prodidit. Itaque vereor, Caesar, ne me ex Petro facias Iudam. Audi etiam, quid Paulus dicat: Nihil intulimus in hunc mundum, haud dubium, quod nec auferre quid possumus; habentes autem alimenta et
 30 quibus tegamur his contenti simus. Nam qui volunt divites fieri, incidunt in tentationem et in laqueum diaboli et desideria multa et inutilia et nociva, quae mer-

11 Jos. 13, 14 14 Matth. 6, 34 16 Matth. 10, 9 18 Matth. 19, 23, 24

9 κληρος excidit AB lacuna B kleros lit. Lat. E domus scripsi, dominus ABC dominatus HO divina E 10 terrenus HO 12 etiam excidit C 31 temptationem C

gunt homines in interitum et perditionem. Radix enim omnium malorum est cupiditas, quam quidam appetentes erraverunt a fide et inseruerunt se doloribus multis. Tu autem homo dei haec fuge. Et tu me accipere iubes, Caesar, quae velut venenum effugere 5 debeo? et quis praeterea (pro tua prudentia, Caesar, consideres) quis inter haec divinis rebus faciendis locus? VII. 23. Apostoli quibusdam indignantibus, quod viduae ipsorum in ministerio quotidiano despicerentur, responderunt non esse aequum relinquere se verbum 10 dei et ministrare mensis, et tamen viduarum mensis ministrare quanto aliud est quam exigere vectigalia, curare aerarium, stipendium numerare militibus et mille aliis huiusmodi curis implicari? Nemo militans deo implicat se negotiis saecularibus, inquit Paulus. Numquid 15 Aaron cum ceteris Levitici generis aliud quam domini tabernaculum procurabat? Cuius filii, quia ignem alienum in thuribula sumpserant, igni coelesti conflagraverunt. Et tu iubes nos ignem saecularium divitiarum, vetitum ac profanum, in sacrata thuribula, id est in 20 sacerdotalia opera sumere? Num Eleazar, num Phinees, num ceteri pontifices ministrique aut tabernaculi aut templi quicquam, nisi quod ad rem divinam pertineret, administrabant? Administrabant dico, immo administrare poterant, si officio suo satisfacere volebant? 25 Quodsi nolint, audiant execrationem domini dicentis: Maledicti, qui opus domini faciunt negligenter. Quae execratio cum in omnes, tum in pontifices maxime cadit. O quantum est pontificale munus! Quantum est caput esse ecclesiae! Quantum est praeponi pastorem 30 tanto ovili, e cuius manu uniuscuiusque agni ovisque

4 1Tim. 6, 7—11 11 Act. 6, 1—2 15 2Tim. 2, 4 19 Lev. 10, 1. 2 21 Aaronis filius et successor Num. 20, 28 Eleazari filius Num. 25, 7. 26, 1. Ps. 106, 30

3 inseruerunt, *in marg.* inseruerunt C 11 mensis viduarum B viduarum C viduis EHO 29 quantum pontificale munus *in marg.* C

amissae sanguis exigitur! Cui dictum est: si amas me plus quam alii, ut fateris, pasce agnos meos. Iterum: si amas me, ut fateris, pasce oves meas. Tertio: si amas me, ut fateris, pasce oves meas. Et tu me iubes,
 5 Caesar, capras etiam pascere et porcos, qui nequeunt ab eodem pastore custodiri. 24. Quid quod me regem facere vis aut potius Caesarem id est regum principem? Dominus Iesus Christus, deus et homo, rex et sacerdos, cum se regem affirmaret, audi de quo regno locutus
 10 est: Regnum meum, inquit, non est de hoc mundo. Si enim de hoc mundo esset regnum meum, ministri mei utique decertarent. Et quae fuit prima vox ac frequentior clamor praedicationis eius? Nonne hic? Poenitentiam agite, appropinquavit enim regnum coelorum.
 15 Appropinquavit regnum dei, cui comparabitur regnum coeli. Nonne cum haec dixit, regnum saeculare nihil ad se pertinere declaravit? Eoque non modo regnum huiusmodi non quaesivit, sed oblatum quoque accipere noluit. Nam cum intellexeret aliquando populos desti-
 20 nasse, ut eum raperent regemque facerent, in montium solitudines fugit. Quod nobis, qui locum eius tenemus, non solum exemplo dedit imitandum, sed etiam praecepto, inquiens: Principes gentium dominantur eorum, et qui maiores sunt, potestatem exercent in eos. Non
 25 ita erit inter vos, sed quicumque voluerit inter vos maior fieri, sit vester minister, et qui voluerit primus inter vos esse, erit vester servus. Sicut filius hominis non venit, ut ministretur ei, sed ut ministret et det animam suam redemptionem pro multis. Iudices olim deus,
 30 ut scias, Caesar, constituit super Israel, non reges, populumque sibi nomen regium postulantem detestatus

4 Joh. 21, 15—17 12 Joh. 18, 36 14 Matth. 4, 17 21 Joh. 6, 15 29 Matth. 20, 25—28

2—4 *tota sententia a pasce usque ad fateris deest B* 10 *ex hoc mundo C* 21 *ipsius (pro eius) BCHO suum E* 28 *venit, ut non C*

est. Nec aliter ob duritiam cordis illorum regem dedit, quam quod repudium permiserat, quod in nova lege revocavit. Et ego regnum accipiam, qui vix iudex esse permittor? An nescitis, inquit Paulus, quod sancti de hoc mundo iudicabunt? Et si in vobis iudicabitur mundus, indigni estis, qui de minimis iudicetis. Nescitis quod angelos iudicabimus? quanto magis saecularia? Saecularia igitur iudicia si habueritis, contemptibiles qui sunt in ecclesia, eos constituite ad iudicandum. At qui iudices de rebus controversis tantummodo iudicabant, non etiam tributa exigebant. Ego exigam, qui scio a domino interrogatum Petrum, a quibusnam reges terrae acciperent tributum censumve, a filiis an ab alienis? Et cum hic respondisset: ab alienis, ab eodem dictum: ergo liberi sunt filii. Quodsi omnes filii mei sunt, Caesar, ut certe sunt, omnes liberi erunt, nihil quisquam solvet. Igitur non est opus mihi tua donatione, qua nihil assecuturus sum praeter laborem, quem ut minime debeo, ita minime possum ferre. 25. Quid quod necesse haberem potestatem exercere sanguinis, punire sones, bella gerere, urbes diripere, regiones ferro ignique vastare? Aliter non est quod sperem posse me tueri quae tradidisses. Et si haec fecero, sacerdos, pontifex, Christi vicarius sum? Ut illum in me tonantem audiam atque dicentem: Domus mea domus orationis vocabitur omnibus gentibus, et tu fecisti eam speluncam latronum. Non veni in mundum, inquit dominus, ut iudicem mundum, sed ut liberem eum, et ego qui illi successi, causa mortium ero? Cui in persona Petri dictum est: Convertite gladium tuum in locum suum. Omnes enim qui acceperint gladium, gladio peribunt. Ne defendere quidem nobis ferro nos licet. Si-

4 1 Cor. 6, 2—4 15 Matth. 17, 25. 26 27 Matth. 21, 13
28 Joh. 12, 47 32 Matth. 26, 52

10 et controversiis A controversiis C contraversis E 12 quibus C 13 accipiunt C 14 verba ab et usque ad alienis desunt C 19 Quid deest C 20 habere (pro exercere) C

quidem defendere dominum Petrus volebat, cum auriculam abscidit servo. Et tu divitiarum aut comparandarum aut tuendarum causa uti ferro nos iubet? Nostra potestas est potestas clavium dicente domino: Tibi dabo
 5 claves regni coelorum. Quodcumque ligaveris super terram, erit ligatum et in coelis, et quodcumque solveris super terram, erit solutum et in coelis, et portae inferi non praevallebunt adversus eas. Nihil ad hanc potestatem, nihil ad hanc dignitatem, nihil ad hoc regnum adici potest. Quo qui contentus non est, aliud
 10 sibi quoddam a diabolo postulat, qui etiam domino dicere ausus est: Tibi dabo omnia regna mundi, si cadens in terram adoraveris me. 26. Quare, Caesar, cum pace tua dictum sit, noli mihi diabolus effici, qui Christum id est me regna mundi a te data accipere iubeas.
 15 Malo enim illa spernere quam possidere. Et ut aliquid de infidelibus, sed ut spero, futuris fidelibus loquar, noli me de angelo lucis reddere illis angelum tenebrarum, quorum corda ad pietatem inducere volo, non
 20 ipsorum cervici iugum imponere et gladio, quod est verbum dei, non gladio ferri mihi subicere, ne deteriores efficiantur, ne recalcitrent, ne cornu me feriant, ne nomen dei meo irritati errore blasphemant. Filios mihi carissimos volo reddere, non servos, adoptare, non
 25 emere, generare, non manucapere, animas eorum offerre sacrificium deo, non diabolo corpora. Discite a me, inquit dominus, qui mitis sum et humilis corde. Capite iugum meum, et invenietis requiem animabus vestris. Iugum enim meum suave et pondus meum leve.
 30 Cuius ad extremum, ut iam finem faciam, illam de hac re sententiam accipe, quam quasi inter me et te tulit: Reddite quae sunt Caesaris, Caesari, et quae sunt dei,

8 Matth. 16, 19

13 Matth. 4, 9

29 Matth. 11, 29. 30

9 dignationem BCHO 21 gladii ferro Vincenti 23 in C
 multi H (pro mihi) 26 Disce C 27 humili BCHO
 30 in HO, in hanc sententiam Vincenti

deo. Quo fit, ut nec tu, Caesar tua relinquere neque ego quae Caesaris sunt, accipere debeam, quae vel si millies offeras, nunquam accipiam.

27. Ad hanc Silvestri orationem apostolico viro dignam, quid esset, quod amplius Constantinus posset⁵ opponere? Quod cum ita sit, qui aiunt donationem esse factam, nonne iniuriosi sunt in Constantinum, quem suos privare imperiumque Romanum voluisse convellere, iniuriosi in senatum populumque Romanum Italiam totumque occidentem, quem contra ius fasque¹⁰ mutari imperium permisisse, iniuriosi in Silvestrum, quem indignam sancto viro donationem acceptam habuisse, iniuriosi in summum pontificatum, cui licere terrenis potiri regnis et Romanum moderari imperium arbitrantur? Haec tamen omnia eo pertinent, ut appareat¹⁵ Constantinum inter tot impedimenta nunquam fuisse facturum, ut rem Romanam Silvestro ex maxima parte donaret, quod isti aiunt.

VIII. 28. Age porro ut credamus istam donationem, de qua facit pagina vestra mentionem, debet constare etiam²⁰ de acceptatione Silvestri. Nunc de illa non constat. At credibile est, dicitis, ratam hunc habuisse donationem. Ita credo, nec ratam habuisse modo, verum etiam petiisse, rogasse, precibus extorsisse credibile est. Quid vos credibile, quod praeter opinionem est hominum,²⁵ dicitis? Nec quia in pagina privilegii de donatione fit mentio, putandum est fuisse acceptum. Sed e contrario, quia non fit mentio de acceptatione, dicendum est non fuisse donatum. Ita plus contra vos facit hunc donum respuisse quam illum dare voluisse, et beneficium³⁰ in invitum non confertur. Neque vero tantum donata respuisse Silvestrum suspicari debemus, sed tacite etiam iudicasse nec illum dare iure nec se iure accipere posse.

1 Matth. 22, 21

13 pontificem CEHO 21 in marg. B: Non acceptasse Silvestrum donationem, si vera fuisset illa. 22 habuisse Silvestrum C

Sed o caecam semper inconsultamque avaritiam! Demus, ut tabulas quoque de assensu Silvestri proferre possitis veras, incorruptas, sinceras; num protinus donata sunt, quae in tabulis continentur? Ubi possessio? Ubi
 5 in manus traditio? Nam si cartam modo Constantinus dat, non gratificari Silvestro voluit, sed illudere. Verisimile est, dicitis, qui donat quippiam, eum et possessionem tradere. Videte, quid loquamini, cum possessionem non esse datam constet et, an datum sit ius,
 10 ambigatur. Verisimile est, qui possessionem non dedit, eum ne ius quidem dare voluisse. 29. An non constat possessionem nunquam fuisse traditam? quod negare impudentissimum est. Numquid Silvestrum Constantinus in Capitolium quasi triumphantem inter
 15 frequentium Quiritum, sed infidelium plausum duxit? in sella aurea assistente universo senatu collocavit? Magistratus pro sua quemque dignitate regem salutare et adorare iussit? Hoc erga novos principes fieri solet, non tantum aliquod palatium velut Lateranense tradi.
 20 Num postea per universam Italiam circumduxit? Adiit cum illo Gallias? Adiit Hispanos? Adiit Germanos ceterumque occidentem? Aut si gravabantur ambo tantum obire terrarum, quibusnam tam ingens officium delegarunt, qui et Caesaris vice traderent pos-
 25 sessionem et Silvestri acciperent? Magni ii viri atque eximiae auctoritatis esse debuerunt, et tamen qui fuerint, ignoramus. Et quantum in his duobus verbis tradere et accipere subest pondus! Nostra memoria, ut exempla vetusta omittam, nunquam aliter factitatum
 30 vidimus, cum quis aut urbis aut regionis aut provinciae dominus factus est, ita demum traditam existimari

1 avariciam A 4 talibus AC *in marg.* B: Silvestrum
 nunquam habuisse possessionem imperii, quod fingitur illi do-
 natum 12 traditam fuisse BHO 16 adsistente A
 21 Hispanias B 22 gratulabantur A 23 *interp. est orbem*
 CHO 27.28 *Tota haec sententia deest* HO, subest pondus
ante tradere et accipere C

possessionem, si magistratus pristini summoveantur
novique subrogentur. Hoc si tunc Silvester fieri non
postulasset, tamen magnificentiae Constantini intererat,
ut declararet non verbo se, sed re possessionem tra-
dere, suos praesides amovere aliosque ab illo substitui 5
iubere. Non traditur possessio, quae penes eosdem
remanet, qui possidebant, et novus dominus illos sum-
moveere non audet. Sed fac istud quoque non obstare
et nihilo minus putari Silvestrum possedissee atque
omnia praeter morem praeterque naturam tunc esse 10
dicamus administrata. Postquam ille abiit, quos provin-
ciis urbibusque rectores Silvester praeposuit? quae bella
gessit? quas nationes ad arma spectantes oppressit?
per quos haec administravit? Nihil horum scimus, re-
spondetis. Ita puto, nocturno tempore haec omnia gesta 15
sunt et ideo nemo vidit.

30. Age fuit in possessione Silvester? Quis eum de
possessione deiecit? Nam perpetuo in possessione non
fuit neque successorum aliquis saltem usque ad Gre-
gorium Magnum, qui et ipse caruit possessione. Qui 20
extra possessionem est nec se ab ea deiectionem probare
potest, is profecto nunquam possedit et si se possedissee
dicat, insanit. Vides ut te insanum etiam probo? Alio-
quin dic, quis papam deiecit, ipsene Constantinus an
eius filii an Iulianus an quis alius Caesar? Profer no- 25
men expulso-
ris, profer tempus, unde primum, unde se-
cundo ac deinceps expulsus est. Num per seditionem
et caedes an sine his? coniurarunt in eum pariter na-
tiones an quae prima? Quid? nemo omnium auxilio
fuit? Ne illorum quidem, qui per Silvestrum aliumve 30
papam praepositi urbibus ac provinciis erant? Uno die
universa amisit? an paulatim et per partes? Restitit
ipse suique magistratus an ad primum se tumultum ab-
dicarunt? Quid? ipsi victores non in eam faciem ho-
minum, quam indignam imperio ducebant, ferro gras- 35
sati sunt? In ultionem contumeliae, in tutelam occu-

patae dominationis, in contemptum religionis nostrae, in ipsum etiam posteritatis exemplum? Omnino eorum, qui victi sunt, nemo fugam cepit? nemo latuit? nemo timuit? O admirabilem casum! Imperium Romanum
 5 tantis laboribus tanto cruore partum tam placide tam quiete a christianis sacerdotibus vel partum est vel amissum, ut nullus cruor, nullum bellum, nulla querela intercesserit. Et quod non minus admirari debeas, per quos hoc gestum sit, quo tempore quomodo quamdiu
 10 prorsus ignotum. Putes in silvis inter arbores regnasse Silvestrum, non Romae et inter homines, et ab Hibernis imbribus frigoribusque, non ab hominibus eiectum. Quis non habet cognitum, qui paulo plura lectitarit, quot reges Romae, quot consules, quot dictatores, quot
 15 tribuni plebis, quot censores, quot aediles creati fuerint, nemoque ex tanta hominum copia, ex tanta vetustate nos fugit. Scimus item, quot Atheniensium duces, quot Thebanorum, quot Lacedaemoniorum exstiterint, pugnas eorum terrestres navalesque universas
 20 tenemus. Non ignoramus, qui reges Persarum, Medorum, Chaldaeorum, Hebraeorum fuerint aliorumque plurimorum, et quomodo horum quisque aut acceperit regnum aut tenuerit aut perdiderit aut recuperaverit. Romanum autem sive Silvestrianum imperium qua ra-
 25 tione inceperit aut qua desierit, quando, per quos, in ipsa quoque urbe nescitur. Interrogo num quos harum rerum testes auctoresque proferre possitis? Nullos, respondetis. Et non pudet vos, non tam homines quam pecudes, dicere verisimile esse possedis-
 30 IX. 31. Quod quia vos non potestis, ego e contrario docebo ad ultimum usque diem vitae Constantinum et gradatim deinceps omnes Caesares possedis-
 et quid habeatis, quod hiscere possitis. At perdifficile est et magni, ut opinor, operis hoc docere. Evolvantur om-

3 coepit ACH 6 ut A 18 extiterint A 20 Maedorum A Moedorum B 33 Ac CE

nes Latinae Graecaeque historiae, citentur ceteri auctores, qui de illis meminere temporibus, ac neminem reperies in hac re ab alio discrepare. Unum ex mille testimoniis sufficiat, Eutropius, qui Constantinum, qui tres Constantini filios a patre relictos dominos orbis 5 terrarum vidit, qui de Iuliano filio fratris Constantini ita scribit: Hic Iulianus, qui fuit subdiaconus in Romana ecclesia imperatorque effectus apostatavit in idolorum cultum, rerum potitus est ingentique apparatu Parthis intulit bellum. Cui expeditioni ego quoque 10 interfui. Nec de donatione imperii occidentis tacuisset nec paulo post de Ioviano, qui successit Iuliano, ita dixisset: Pacem cum Sapore necessariam quidem, sed ignobilem fecit, mutatis finibus ac nonnulla imperii Romani parte tradita, quod ante, ex quo Romanum im- 15 perium conditum erat, nunquam accidit. Quin etiam legiones nostrae apud Caudium per Pontium Telesinum et in Hispania apud Numantiam et in Numidia sub iugo missae sunt, ut nihil tamen finium traderetur. 32. Hoc loco libet vos qui nuperrime defuncti estis convenire, pontifices Romani, et te, Eugeni, qui vivis, cum Felicis tamen venia. Cur donationem Constantini magno ore iactitatis frequenterque vos ultores erepti imperii quibusdam regibus principibusque minamini? et confessionem quandam servitutis a Caesare, dum 25

4 Eutropii Breviarium historiae Romanae 371 7 Iulianus, cui postea Apostatae cognomen inditum est, imp. 361—363 10 i. e. Persis 12 Iovianus Rom. imp. 363—364 13 Sapor cogn. Magnus, rex Persarum † 381 21 Eugenius IV 1431—1447 22 Felix V, antea Amadeus, dux Savoiae, Basileae a concilio papa electus 1439, abdic. 1449, † 1451

2 at HO et Vincenti 7 in marg. B: Constantinum semper in possessione Romani Imperii fuisse et imperantes filios reliquisse 8 imperator ABE 9 cultu ABCEHO 17 Claudium propontum Thelesium AC Caudium propontum Telesium B Claudium per Pontium Telesinum E Claudium Propontum Telesinum HO Caudium a Pontio Telesino Vincenti 20 qui deest C nuperrimi C, post nuperrime interp. est licet ABC

coronandus est, et a nonnullis aliis principibus extor-
 quetis? Veluti ab rege Neapolitano atque Siciliae, id
 quod nunquam aliquis veterum Romanorum pontificum
 fecit, non Damasus apud Theodosium, non Siricius
 5 apud Arcadium, non Anastasius apud Honorium, non
 Iohannes apud Iustinianum, non alii apud alios sanc-
 tissimi papae apud optimos Caesares, sed semper illo-
 rum Romam Italiamque cum provinciis quas nominavi
 fuisse professi sunt. Eoque numismata aurea, ut de aliis
 10 monumentis sileam templisque urbis Romanae, circum-
 feruntur non Graecis, sed Latinis litteris inscripta Con-
 stantini iam Christiani et deinceps cunctorum ferme im-
 peratorum, quorum multa penes me sunt cum hac
 plerumque subscriptione subter imaginem crucis: Con-
 15 cordia orbis, qualia infinita reperirentur summorum
 pontificum, si unquam Romae imperassetis, quae nulla
 reperiuntur neque aurea neque argentea neque ab
 aliquo visa memorantur, et tamen necesse erat illo tem-
 pore proprium habere numisma, quisquis imperium
 20 Romae teneret, saltem sub imagine salvatoris aut Petri.
 33. Proh imperitiam hominum! non cernitis, si do-
 natio Constantini vera est, Caesari — de Latino loquor —
 nihil relinqui? En qualis imperator, qualis rex Ro-
 manus erit, cuius regnum si quis habeat nec aliud
 25 habeat, omnino nihil habeat. Quodsi itaque palam est
 Silvestrum non possedissee, hoc est Constantinum non
 tradidisse possessionem, haud dubium erit ne ius qui-
 dem, ut dixi, dedisse possidendi, nisi dicitis ius quidem

4 Damasus ep. Rom. 366—384 Theodosius Magnus imp.
 379—395 Siricius ep. Rom. 384—398 5 Arcadius, Theo-
 dosii Magni filius, imp. Or. 395—408 Anastasius ep. Rom.
 398—402 Honorius, Theodosii M. alter filius, imp. Occ.
 395—423 6 Iohannes I, ep. Rom. 523—526, II 532—535,
 III 560—573 Iustinianus, imp. Byz. 527—565

4 Syricus AE Syritus BC Syrinus HO 12 ferme cuncto-
 rum C 14. 15 concordia orbis suptr signum crucis B
 21 Proho A

datum, sed aliqua causa possessionem non traditam. Ita plane dabat, quod minime futurum intellegebat, dabat, quod tradere non poterat, dabat quod non prius venire in manus eius, cui dabatur, possibile erat, quam esset extinctum. Dabat donum, quod ante quingentos 5 annos aut nunquam valitulum foret. Verum hoc loqui aut sentire insanum est.

X. 34. Sed iam tempus est, ne longior fiam, causae adversariorum iam concisae atque laceratae letale vulnus imprimere et uno eam iugulare ictu. Omnis fere 10 historia, quae nomen historiae meretur, Constantinum a puero cum patre Constantio christianum refert multo etiam ante pontificatum Silvestri, ut Eusebius, ecclesiasticae scriptor historiae, quem Rufinus non in postremis doctus in Latinum interpretatus duo volumina de 15 aevo suo adiecit, quorum uterque paene Constantini temporibus fuit. Adde huc testimonium etiam Romani pontificis, qui his rebus gerendis non interfuit, sed praefuit, non testis, sed auctor, non alieni negotii, sed sui narrator. Is est Melchiades papa, qui proximus fuit 20 ante Silvestrum, qui ita ait: Ecclesia ad hoc usque pervenit, ut non solum gentes, sed etiam Romani principes, qui totius orbis monarchiam tenebant, ad fidem Christi et fidei sacramenta concurrerent. E quibus vir religiosissimus Constantinus primus fidem veritatis pa- 25 tenter adeptus licentiam dedit per universum orbem sub suo degentibus imperio non solum fieri christianos, sed etiam fabricandi ecclesias et praedia constituit tribuenda. Denique idem praefatus princeps donaria immensa contulit et fabricam templi primae sedis beati 30

13 Eusebius Caesariensis (264—338) scripsit Historiam ecclesiasticam 14 Rufinus, continuator Eusebii, † 410

9 concise E concissae HO 10 in marg. B: Constantinum etiam ante Silvestrum papam fuisse Christianum 12 Constantino AE 17 huc deest E, huic Vincenti etiam testimonium CEHO 20 est A in marg. adscriptum 26 dedit A in marg. adscriptum 27 sub deest AC 29 dona BEHO

Petri instituit, adeo ut sedem imperialem relinqueret et beato Petro suisque successoribus profuturam concederet. En nihil Melchiades a Constantino donatum ait nisi palatium Lateranense et praedia, de quibus
 5 Gregorius in registro facit saepissime mentionem. Ubi sunt, qui nos in dubium vocare non sinunt, donatio Constantini valeat necne, cum illa donatio fuerit et ante Silvestrum et rerum tantummodo privatarum? Quae res quamquam plana et aperta sit, tamen de ipso quod
 10 isti stolidi proferre solent, privilegio disserendum est.

XI. 35. Et ante omnia non modo ille, qui Gratianus videri voluit, qui nonnulla ad opus Gratiani adiecit, improbitatis arguendus est, verum etiam inscitiae, qui opinantur paginam privilegii apud Gratianum contineri,
 15 quod neque docti unquam putarunt et in vetustissimis quibusque editionibus decretorum non invenitur. Et si quo in loco huius rei Gratianus meminisset, non in hoc uti isti collocant, seriem ipsam orationis abrumpentes, sed in eo, ubi agit de Ludovici pactione, meminisset.
 20 Praeterea duo milia locorum in decretis sunt, quae ab huius loci fide dissentiant. Quorum unus est, ubi quae superius rettuli Melchiadis verba ponuntur. Nonnulli eum, qui hoc capitulum adiecit, aiunt vocatum Paleam vel vero nomine, vel ideo quod quae de suo adiunxit,
 25 ad Gratianum comparata instar palearum iuxta frumenta existimentur. Utcumque sit, indignissimum est credere, quae ad hoc adiecta sunt, ea decretorum collectorem aut ignorasse aut magni fecisse habuisseque pro veris.

3 Melchiades episc. Rom. † 314 11 Gratianus, clarissimus canonista, qui ius canonicum propriam fecit scientiam. Eius celeberrimum opus est „Concordantia discordantium canonum“ (1145), quod postea „Decretum“ appellatum est 19 Pactio, quae a. 818 a Ludovico imperatore, filio Caroli Magni, cum Paschale I papa (817—824) facta esse fertur, maxima ex parte videtur esse spuria

6 non AEHO non — nos C 11 B in marg.; Commentitium donationis privilegium non esse in decretis, sed decretis repugnare 16 aeditionibus B codicibus HO 19 Ludovici B

Bene habet, sufficit, vicinus. Primum quod hoc Gratianus non ait, ut isti mentiebantur, immo adeo, ut ex infinitis locis datur intellegi, negat atque confutat. Deinde quod unum et ignotum et nullius auctoritatis ac numeri hominem afferunt, ita etiam stolidum, ut ea 5 Gratiano affinxerit, quae cum ceteris illius dictis congruere non possent. Hunc ergo vos auctorem profertis? Huius unius testimonio nitimini? Huius chartulam ad tantae rei confirmationem contra sexcenta probationum genera recitatis? At ego expectaveram, aut aurea sigilla, marmoratos titulos, mille auctores ostenderetis. 36. Sed ipse (dicitis) Palea auctorem profert, fontem historiae ostendit et Gelasium papam cum multis episcopis in testimonium citat. Ex gestis, inquit, Silvestri, quae beatus Gelasius in concilio LXX episcoporum a 15 catholicis legi commemorat et pro antiquo usu multas hoc dicit ecclesias imitari. In quibus legitur Constantinus etc. Multo superius ubi de libris legendis et non legendis agitur, etiam dixerat: actus beati Silvestri praesulis, licet eius qui scripsit nomen ignoremus, a 20 multis tamen in urbe Roma catholicis legi cognovimus, et pro antiquo usu hoc imitantur ecclesiae. Mira haec auctoritas, mirum testimonium, inexpugnabilis probatio. Dono vobis hoc Gelasium dum de concilio LXX episcoporum loquitur id dixisse. Num id dixit paginam privilegii in beatissimi Silvestri gestis legi? Is vero tantum ait gesta Silvestri legi et hoc Romae, cuius ecclesiae auctoritatem multae aliae sequuntur. Quod ego non nego concedo fateor. Me quoque una cum Gelasio testem exhibeo. Verum quid vobis ista res prodest, 30 nisi ut in adducendis testibus mentiri voluisse videamur.

13 Gelasius episc. Rom. 492—496

3 detur *Vincenti* 5 minimi A meriti C nauci HO 8 utimini CHO 13 Gelatium AB 14 in marg. B: Falso dici privilegium contineri in gestis Silvestri 15 interp. est papa BE 20 ab ABCE 22 imitatur B imitari *Vincenti* 25 Idem BO is *Vincenti*

mini? Ignoratur nomen eius, qui hoc in decretis ad-
scripsit et solus hoc dicit. Ignoratur nomen eius, qui
scripsit historiam et solus is et falso testis affertur. Et
vos, boni viri atque prudentes, hoc satis superque esse
5 ad tantae rei testimonium existimatis? At videte, quan-
tum inter meum intersit vestrumque iudicium. Ego ne
si hoc quidem apud gesta Silvestri privilegium conti-
neretur, pro vero habendum putarem, cum historia illa
non historia sit, sed poetica et impudentissima fabula,
10 ut posterius ostendam, nec quisquam alius alicuius
dumtaxat auctoritatis de hoc privilegio habeat men-
tionem. Et Iacobus Voraginensis propensus in amo-
rem clericorum ut archiepiscopus, tamen in gestis sanc-
torum de donatione Constantini ut fabulosa nec digna
15 quae inter gesta Silvestri poneretur, silentium egit lata
quodammodo sententia contra eos, si qui haec litteris
mandavissent.

37. Sed ipsum falsarium ac vere paleam, non triti-
cum obtorto collo in iudicium trahere volo. Quid ais,
20 falsarie? Unde fit, quod istud privilegium inter Sil-
vestri gesta non legimus? Credo, hic liber rarus est
difficilisque inventu nec vulgo habetur, sed tamquam
fasti olim a pontificibus aut libri Sibyllini a decem
viris custoditur. Lingua Graeca aut Syriaca aut Chal-
25 daica scriptus est. Testatur Gelasius a multis catholi-
cis legi, Voraginensis de eo meminit. Nos quoque
mille et antequae scripta exemplaria vidimus et in omni
fere cathedrali ecclesia, cum adest Silvestri natalis dies,
lectitantur et tamen nemo se illic legisse istud ait, quod
30 tu affingis, nemo audisse, nemo somniasse. An alia
quaedam fortassis historia est? Et quaenam ista erit?
Ego aliam nescio nec abs te aliam dici interpretor.

26 Iacobus de Voragine, archiepiscopus Genovenss, vixit
1230—1298, primus bibllam in Italicum sermonem vertit, quod
opus non impressum est.

Quippe de ea tu loqueris, quam Gelasius apud multas ecclesias lectitari refert. In hac autem tuum privilegium non invenimus. Quodsi istud in vita Silvestri non legitur, quid tu ita legi tradidisti? Quid in tanta re iocari ausus es et levium hominum cupiditatem 5 eludere? Sed stultus sum, qui illius potius insector audaciam quam istorum dementiam qui crediderunt. Si quis apud Graecos, apud Hebraeos, apud barbaros diceret hoc esse memoriae proditum, nonne iuberetis nominari auctorem, proferri codicem? et locum ab 10 interprete fideli exponi, antequam crederetis? Nunc de lingua vestra, de notissimo codice fit mentio, et vos tam incredibile factum aut non inquiritis aut cum scriptum non reperiatis, tam prona estis credulitate, ut pro scripto habeatis atque pro vero. Et hoc titulo 15 contenti terras miscetis et maria et, quasi nullum subsit dubium, eos, qui vobis non credunt, terrore bellorum aliisque minis prosequimini. Bone Iesu, quanta vis, quanta divinitas est veritatis, quae per sese sine magno conatu ab omnibus dolis ac fallaciis se ipsa defendit, ut non 20 immerito, cum esset apud Darium regem exorta contentio, quid foret maxime validum, et alius aliud diceret, tributa sit palma veritati. Quia cum sacerdotibus, non cum saecularibus mihi res est, ecclesiastica magis quam saecularia sunt exempla repetenda. Iudas Mac- 25 cabaeus cum dimissis Romam legatis foedus amicitiamque a senatu impetrasset, curavit verba foederis in aes incidenda Hierosolymamque portanda. Taceo de lapideis decalogi tabulis, quas deus Moysi dedit. Ista vero tam magnifica Constantini et tam inaudita donatio 30 nullis neque in auro neque in argento neque in aere neque in marmore neque postremo in libris probari documentis potest, sed tantum, si isti credimus, in charta

28 1 Macc. 8, 22 sqq.

29 Exod. 31, 18

5 es ausus BCEHO
ACHO

20 ab omnibus bis B

22 quod

sive membrana. Iobal, primus musices auctor, ut est apud Iosephum, cum esset a maioribus per manus tradita opinio res humanas semel aqua, iterum igni delendas, doctrinam suam duabus columnis inscripsit, latericia contra ignem, lapidea contra aquas. Quae ad Iosephi aevum, ut idem scribit, permansit. Ut suum in homines beneficium semper exstaret, et apud Romanos, rusticanos adhuc et agrestes, cum parvae et rarae litterae essent, tamen leges duodecim tabularum in aes
 10 fuere incisae, quae in capta atque incensa a Gallis urbe incolumes postea sunt repertae. Adeo duo maxima in rebus humanis, diuturnitatem temporis et fortunae violentiam, vincit circumspecta providentia. Constantinus vero orbis terrarum donationem papyro tantum
 15 et atramento signavit, cum praesertim machinator fabulae, quisquis ille fuit, faciat Constantinum dicentem se credere non defore, qui donationem hanc impia aviditate rescinderent. Hoc times, Constantine, et non caves, ne ii, qui Romam Silvestro eriperent, chartulam
 20 quoque surriperent? Quid ipse Silvester? pro se nihil agit? Ita omnia Constantino remittit? Ita securus ac segnis est? In tanto negotio nihil sibi, nihil ecclesiae suae, nihil posteritati prospicit? En cui imperium Romanum administrandum committis, qui tam magnae rei
 25 tantoque aut lucro aut periculo indormit? Siquidem sublata chartula privilegii donationem utique aetate procedente probare non poterit.

XII. 38. Paginam privilegii appellat homo vesanus chartulam. Privilegiumne tu — libet velut praesentem

1 Gen. 4, 21 2 Iosephus Iudaeus, qui captis Hierosolymis (a. 70) interfuit, scripsit antiquitates Iudaicas

1 in marg. Iobal C 4 lateritia A 8 christianos A
 24 committas ABC 29 chartulam deest in omnibus codicibus et editionibus, sed necesse est hic sive illud sive aliud eiusdem significationis (e. g. donationem) interponamus. In posterioribus editionibus privilegium a sententia sequente in praecedentem sumptum est, ut sequens sententia a ne incipiat

insectari — vocas donationem orbis terrarum et hoc in pagina vis esse scriptum et isto genere orationis usum esse Constantinum? Si titulus absurdus est, qualia cetera existimemus?

„Constantinus imperator quarto die sui baptismatis 5 privilegium Romanae ecclesiae pontifici contulit, ut in toto orbe Romano sacerdotes ita hunc caput habeant, sicut iudices regem.“

Hoc in ipsa Silvestri historia continetur. Ex quo dubitari non potest, ubinam scriptum significetur privilegium. Sed more eorum, qui mendacia machinantur, a vero inceptit, ut sequentibus, quae falsa sunt, conciliet fidem. Ut Sinon apud Vergilium:

Cuncta equidem tibi rex fuerint quaecunque fatebor

Vera, inquit, nec me Argolica de gente negabo; 15 hoc primum, deinde falsa subiecit. Ita hoc loco noster Sinon facit, qui cum a vero incepisset, falsa adiecit. In eo privilegio ita inter cetera legitur: „Utile iudicavimus una cum omnibus satrapis nostris et universo senatu, optimatibus etiam et cum cuncto populo imperio Romanae ecclesiae subiacenti, ut sicut beatus Petrus in terris vicarius dei videtur esse constitutus, ita et pontifices ipsius principis apostolorum vicem et principatus potestatem, amplius quam terrenae imperialis nostrae serenitatis mansuetudo habere videretur, concessam a 25 nobis nostroque imperio obtineant.“

39. O scelerate atque malefice, eadem, quam affert in testimonium, refert historia longo tempore neminem senatorii ordinis voluisse accipere religionem christia-

13 Aen. II 77. 78

4 in marg. B: Verba commentitii privilegii. Verba privilegii literis rubris scripta sunt 7 urbe Romana C, tota urbe Romana E, in urbe Roma HO 13 C in marg.: Sinon 17 falsa desunt ubique, sed verbum eiusmodi hic desideratur 22 etiam pro ita ABC, ita excidit E 23 et deest in omnibus codicibus et editionibus 24. 25 terrenam imperialis nostrae serenitatis mansuetudinem habere videantur Vincenti

nam et Constantinum pauperes sollicitasse pretio ad baptismum. Et tu ais intra primos statim dies senatum optimates satrapes quasi iam christianos de honestanda ecclesia Romana cum Caesare decrevisse. Quid quod
 5 vis interfuisse satrapes? O cautes, o stipes! Sic loquuntur Caesares? Sic concipi solent decreta Romana? Quis unquam satrapes in consiliis Romanorum nominari audivit? Non teneo memoria unquam legisse me ullum non modo Romanum, sed ne in Romanorum quidem
 10 provinciis satrapem nominatum. At hic imperatoris satrapes vocat eosque senatui praeponit, cum omnes honores, etiam qui principi deferuntur, tantum a senatu decernantur, aut iuncto populoque Romano. Hinc est quod in lapidibus vetustis aut tabulis aereis aut numis-
 15 matis duas literas videmus scriptas S. C. id est senatus consulto, vel quatuor S. P. Q. R. hoc est senatus populusque Romanus. Et ut Tertullianus meminit, cum Pontius Pilatus de admirandis Christi actionibus ad Tiberium Caesarem, non ad senatum, scripsisset, siquidem ad
 20 senatum scribere de magnis rebus magistratus consueverant, senatus hanc rem indigne tulit Tiberioque praerogativam ferenti, ut Iesus pro deo coleretur, repugnavit, ob tacitam tantummodo indignationem offensae senatoriae dignitatis. Et ut scias, quantum senatus valeat aucto-
 25 ritas, ne pro deo coleretur, obtinuit. 40. Quid quod ais optimates? quos aut primarios in republica viros intellegimus, qui cur nominantur, cum de ceteris magistratibus silentium fit? aut eos, qui populares non sunt benevolentiam populi aucupantes, sed optimi cuiusque
 30 et bonarum partium studiosi ac defensores, ut Cicero quadam oratione demonstrat. Ideoque Caesarem ante oppressam rempublicam popularem fuisse dicimus, Ca-

17 Tertullianus, clarus apologeta fidei christianae, vixit c. a. 200 18 Tiberius, Augusti privignus et successor, imp. 14—37

26 viros *deest* C
recte HO

27 nominentur ABE nominarentur C

tonem ex optimatibus, quorum differentiam Sallustius explicavit. Neque hi optimates magis quam populares aut ceteri boni viri dicuntur in consilio adhiberi. Sed quid mirum, si adhibentur optimates, ubi cunctus populus, si homini credimus, cum senatu et Caesare iudicavit? Et is quidem Romanae ecclesiae subiaccens? et quis iste est populus? Romanusne? At cur non dicitur populus Romanus potius quam populus subiaccens? Quae nova ista contumelia est in Quirites, de quibus optimi poetae elogium est: 5

Tu regere imperio populos, Romane, memento?

Qui regit alios populos, ipse vocatur populus subiaccens, quod inauditum est. Nam in hoc, ut in multis epistolis Gregorius testatur, differt Romanus princeps a ceteris, quod solus est princeps liberi populi. Ceterum 15 ita sit, ut vis. Nonne et alii populi subiaccant? An alios quoque significas? Quomodo fieri istud triduo poterat, ut omnes populi subiaccantes imperio Romanae ecclesiae illi decreto adessent? Tametsi num omnis faex populi iudicabat? Quid, antequam subiecisset Romano pontifici populum Constantinus, subiectum vocaret? Quid quod ii, qui subiaccantes vocantur, faciendo dicuntur praefuisse decreto? Quid quod hoc ipsum dicuntur decrevisse, ut sint subiaccantes et ut ille, cui subiaccant, hos habeat subiaccantes? Quid agis aliud, infelix, nisi 25 ut indices te voluntatem fallendi habere, facultatem non habere?

XIII. 41. „Eligentes nobis ipsum principem apostolorum vel eius vicarios firmos apud deum esse patronos. Et sicut nostra est terrena imperialis potentia, ita eius 30 sacrosanctam Romanam ecclesiam decrevimus vene-

10 Vergili Aen. VI 851 14 Sanctus Gregorius Magnus papa 590—604

7 Aut, *in marg.* At A, an E Ac HO 19 omissis populis B, *in marg.*: in exemplari scriptum est: num omnis faex populi iudicabat

ranter honorare et amplius quam nostrum imperium terrenumque thronum sedem sacratissimam beati Petri gloriose exaltare, tribuentes ei potestatem et gloriam et dignitatem atque vigorem et honorificentiam imperialem.⁵

Revivisce paulisper, Firmiane Lactanti, resisteque huic asino tam vaste immaniterque rudenti. Ita verborum turgentium strepitu delectatur, ut eadem repetat et inculcet, quae modo dixerat. Huncne in modum aevo
 10 tuo loquebantur Caesarum scribae, ne dicam agasones? Elegit sibi illos Constantinus non patronos, sed esse patronos. Interposuit illud esse, ut numerum redderet concinniores. Honestas ratio barbare loqui, ut venustius currat oratio, si modo quid in tanta scabritie venustum
 15 esse potest! „Eligentes principem apostolorum vel eius vicarios.“ Non eligis Petrum et eius deinceps vicarios, sed aut hunc exclusis illis aut illos hoc excluso. Et pontifices Romanos appellat vicarios Petri, quasi vel vivat Petrus vel minori dignitate sint ceteri, quam Petrus
 20 fuit. 42. Nonne et illud barbarum est: „a nobis nostroque imperio?“ quasi imperium habeat animum concedendi et potestatem? Nec fuit contentus dicere „ob-
 tineant“, nisi etiam diceret „concessum“, cum satis alterum esset. Et illud „firmos patronos“ perquam elegans
 25 est. Scilicet firmos vult, ne pecunia corrumpantur aut metu labantur. Et illud „terrena imperialis potentia“, duo adiectiva sine copula, et illud „veneranter honorare“ et illud „nostrae imperialis serenitatis mansuetudo“ Lactantianam eloquentiam redolet, cum de po-
 30 tentia agatur imperii, serenitatem nominare et mansuetudinem, non amplitudinem et maiestatem. Quod etiam tumida superbia inflatum est, ut in illo quoque „gloriose exaltare per gloriam et potestatem et dignitatem

6 Lactantius apologeta Cicero christianus appellatus est († c. 325)

et vigorem et honorificentiam imperialem“, quod ex Apocalypsi sumptum videtur, ubi dicitur: Dignus est agnus, qui occisus est, accipere virtutem et dignitatem et sapientiam et fortitudinem et honorem et benedictionem. Frequenter, ut posterius liquebit, titulos dei sibi 5 arrogare fingitur Constantinus et imitari velle sermonem sacrae scripturae, quam nunquam legerat.

XIV. 43. „Atque decernentes sancimus, ut principatum teneat tam super quatuor sedes, Alexandrinam, Antiochenam, Hierosolymitanam, Constantinopolita- 10 nam, quam etiam super omnes in universo orbe terrarum dei ecclesias. Etiam pontifex, qui per tempora ipsius sacrosanctae Romanae ecclesiae existiterit, celsior et princeps cunctis sacerdotibus et totius mundi existat et eius iudicio, quae ad cultum 15 dei et fidem christianorum vel stabilitatem procurandam fuerint, disponantur.“ Omitto hic barbariem sermonis quod „princeps sacerdotibus“ pro sacerdotum dixit et quod in eodem loco posuit „existiterit“ et „exsistat“, et cum dixerit „in universo orbe terrarum“, iterum addit „totius mundi“, quasi quiddam 20 diversum aut coelum, quae mundi pars est, complecti velit, cum bona pars orbis terrarum sub Roma non esset, et quod fidem christianorum vel stabilitatem procurandam, tamquam non possent simul esse, distinxit, 25 et quod decernere et sancire miscuit, et veluti prius cum ceteris Constantinus non iudicasset, decernere eum et tamquam poenam proponat, sancire et quidem una cum populo sancire facit. Quis hoc christianus pati queat et non papam, qui hoc patitur ac libens audit et 30 recitat, censorie severeque castiget, quod cum a Christo primatum acceperit Romana sedes et id Gratiano testante multisque Graecorum octava synodus declararit, accepisse dicatur a Constantino vixdum Christiano tam-

5 Apocal. 5, 12

3 divinitatem AB 17 disponatur A 22 quod E *Vincenti*

quam a Christo? Hoc ille modestissimus princeps dicere, hoc piissimus pontifex audire voluisset? Absit tam grave ab utroque illorum nefas. 44. Quid, quod multo est absurdus, capite rerum natura, ut quis de Constantinopoli loqueretur tamquam una patriarchalium sedium, quae nondum esset nec patriarchalis nec sedes nec urbs christiana nec sic nominata nec condita nec ad condendum destinata? Quippe privilegium concessum est triduo, quam Constantinus esset effectus Christianus, cum Byzantium adhuc erat, non Constantinopolis. Mentior, nisi hoc quoque confiteatur hic stolidus. Scribit enim prope calcem privilegii:

„Unde congruum prospeximus nostrum imperium et regiam potestatem orientalibus transferri regionibus et in Byzantiae provinciae optimo loco nomini nostro civitatem aedificari et illic nostrum constitui imperium.“

Si ille transferre volebat alio imperium, nondum transulerat. Si illic volebat constituere imperium, nondum constituerat. Sic si volebat aedificare urbem, nondum aedificaverat. Non ergo fecisset mentionem de patriarchali, de una quatuor sedium, de christiana, de sic nominata, de condita, de qua condenda, ut historiae placet, quam Palea in testimonium affert, ne cogitarat quidem. A qua non videt haec belua, sive is Palea sit sive alius quem Palea sequitur, se dissentire. Ubi Constantinus non sua sponte, sed inter quietem admonitu dei, non Romae, sed Byzantii, non intra paucos dies, sed post aliquot annos dicitur decrevisse de urbe condenda nomenque quod in somnis edoctus fuerat indidisse. Quis ergo non videt, qui privilegium composuit, eum diu post tempora Constantini fuisse? et cum vellet adornare mendacium, excidisse sibi quod ante dixisset, haec gesta esse Romae tertio die, quam ille fuisset baptizatus, ut in eum decentissime cadat tritum vetu-

9 Christianus effectus B 18 transferre alio volebat B alio
transferre volebat CHO 20 Si sic A

state proverbium mendaces memores esse oportere. Quid quod Byzantium provinciam vocat, quod erat oppidum nomine Byzantium, locus haudquaquam capax tantae urbis condendae? Namque muris complexa est Constantinopolis vetus Byzantium, et hic in eius optimo loco⁵ ait urbem esse condendam. Quid, quod Thraciam, ubi positum erat Byzantium, vult esse in oriente, quae vergit ad Aquilonem? Opinor, ignorabat Constantinus locum, quem condendae urbi delegerat, sub quo coelo esset, urbsque an provincia, quanta eius mensura foret.¹⁰

XIV. 35. „Ecclesiis beatorum apostolorum Petri et Pauli pro continuatione luminarium possessionum praedia contulimus et rebus diversis eas ditavimus et per nostram imperialem iussionem sacram tam in oriente quam in occidente quam etiam a septentrione et¹⁵ meridionali plaga videlicet in Iudaea Graecia Asia Thracia Africa et Italia vel diversis insulis nostra largitate eis concessimus ea prorsus ratione, ut per manus beatissimi patris nostri Silvestri summi pontificis successorumque eius omnia disponantur?“²⁰

O furcifer, ecclesiaene id est templa Romae erant Petro et Paulo dicatae? Quis eas extruxerat? quis aedificare ausus fuisset, cum nusquam foret, ut historia ait, christianis locus nisi secreta et latebrae, aut si qua templa Romae fuissent illis dicata apostolis, non erant²⁵ digna, in quibus tanta luminaria accenderentur, aediculae sacrae, non aedes, sacella, non templa oratoria, inter privatos parietes, non publica delubra? Non ergo ante cura gerenda erat de luminaribus templorum quam de ipsis templis. Quid ais tu, qui facis Constantinum³⁰ dicentem Petrum et Paulum beatos, Silvestrum vero, cum adhuc vivit, beatissimum, et suam, qui paulo ante fuisset ethnicus, iussionem sacram? Tantane conferenda sunt pro luminaribus continuandis, ut totus orbis terra-

4 Nanque B 15 a septentrione *desunt* B 17 Thrachia B
Tracia C 18 et *pro* eis BCHO 21 furiose B 33 B *in*
marg.: Ethnicus id est gentilis, C aethnīcus, *in marg.* ethnīcus

rum fatigetur? 46. At quae ista praedia sunt, praesertim possessionum? praediorum possessiones dicere solemus, non possessionum praedia. Das praedia nec quae praedia explicas. Ditasti diversis rebus nec quando nec
 5 quibus rebus ostendis. Vis plagas orbis a Silvestro disponi nec pandis quo genere disponendi. Concessisti haec antea, cur te hodie incepisse significas honorare ecclesiam Romanam et ei privilegium concedere? Hodie concedis? Hodie ditas? Cur dicis „concessimus“ et
 10 „ditavimus“? Quid loqueris aut quid sentis, bestia? Cum fabulae machinatore mihi sermo est, non cum optimo principe Constantino. Sed quid in te ullam prudentiam, ullam doctrinam requiro, qui nullo ingenio, nulla litteratura es praeditus? qui ais „luminariorum“
 15 pro „luminarium“ et „orientalibus transferri regionibus“ pro eo, quod est „ad orientales transferri regiones“. 47. Quid porro istaene sunt quatuor plagae? quam orientalem numeras? Thraciamne? At, ut dixi, vergit ad septentrionem. An Iudaeam? At magis ad meridiem,
 20 spectat, utpote vicina Aegypto. Quam item occidentalem? Italiamne? At haec in Italia gerebantur, quam nemo illic agens occidentalem vocat, cum Hispanias dicamus esse in occidente et Italia hinc ad meridiem, illinc ad arcton magis quam ad occidentem vergit. Quam
 25 septentrionalem? An Thraciam? At ipse ad orientem esse vis. An Asiam? At haec sola totum possidet orientem, septentrionem vero communem cum Europa. Quam meridionalem? Certe Africam. At cur non aliquam nominatim provinciam proferebas? Nisi forte
 30 Aethiopes Romano imperio suberant. Et nihilo minus non habent locum Asia et Africa, cum orbem terrarum in quatuor dividimus partes et nominatim regiones singularum referimus, sed cum in tres, Asiam, Africam, Europam, nisi Asiam pro Asiatica provincia, Africam

27 eum *Vincenti* pro communem
 asiatica C

34 Syatica, in marg.

pro ea provincia, quae prope Gaetulos est, appellas. Quae non video cur praecipue nominentur. Siccine locutus esset Constantinus, cum quatuor orbis plagas exequitur, ut has regiones nominaret, ceteras non nominaret et a Iudaea inciperet, quae pars Syriae 5 numeratur et quae amplius Iudaea non erat eversa Hierosolyma, fugatis et prope extinctis Iudaeis, ita ut credam vix aliquem in sua tunc patria remansisse, sed alias habitasse nationes? Ubi tandem erat Iudaea, quae nec Iudaea amplius vocabatur, ut hodie videmus 10 illud terrae nomen extinctum? Et sicut exterminatis Chananeis Chananea regio desiit appellari commutato nomine in Iudaeam a novis incolis, ita exterminatis Iudaeis et convenis gentibus eam incolentibus desierat Iudaea nominari. Nuncupas Iudaeam Thraciam insulas, 15 Hispanias vero Gallias Germanos non putas nuncupandos, et cum de aliis linguis loquaris, Hebraea, Graeca, barbara, de ulla provinciarum Latino sermone utentium non loqueris. Video, has tu ideo omisisti, ut postea in donatione complectereris. Et quid, non tanti erant tot 20 provinciae occidentis, ut continuandis luminaribus suppeditaerent sumptus, nisi reliquus orbis adiuveret? Trans eo, quod haec concedi ais per largitatem, non ergo, ut isti aiunt, ob leprae curationem. Alioquin insolens sit, quisquis remunerationem loco munerum ponit. 25

XV. 48. „Beato Silvestro eius vicario de praesenti tradimus palatium imperii nostri Lateranense, deinde diadema videlicet coronam capitis nostri simulque phrygium nec non et superhumera videlicet lorum, quod imperiale circumdare solet collum, verum etiam chlamydem purpuream atque tunicam coccineam et omnia

26 *Hic H in margine hanc habet annotationem sermone Germanico scriptam: Hie schenckt Keyser Constantinus alles das er hat, dem bapst Silvestro, bis uff die bruch eius i. e. Christi*

1 Getulos A 17 Hebraea A 19 nominasti *pro* omisisti C
28 frygium A 30 clamydem A

imperialia indumenta seu etiam dignitatem imperialium
 praesidentium equitum, conferentes ei etiam imperialia
 scepra simulque cuncta signa atque banna et diversa
 ornamenta imperialia et omnem processionem imperialis
 5 culminis et gloriam potestatis nostrae. Viris etiam di-
 versi ordinis reverendissimis clericis sanctae Romanae
 ecclesiae servientibus illud culmen singularis potentiae
 et praecellentiae habere sancimus, cuius amplissimus
 noster senatus videtur gloria adornari id est patricos
 10 consules effici. Necnon in ceteris dignitatibus imperia-
 libus eos promulgavimus decorari. Et sicut imperialis
 exstat decorata militia, ita clerum sanctae Romanae ec-
 clesiae adornari decrevimus. Et quemadmodum im-
 perialis potentia diversis officiis cubiculariorum nempe
 15 et ostiariorum atque omnium concubitorum adornatur,
 ita et sanctam Romanam ecclesiam decorari volumus.
 Et ut amplissime pontificale decus praefulgeat, decer-
 nimus, ut et clerici sancti eiusdem sanctae Romanae
 ecclesiae mappulis et lintheaminibus id est candidissimo
 20 colore decoratos equos equitent, et sicut noster senatus
 calciamentis utitur, cum udonibus id est candido linthea-
 mine illustrentur, et ita coelestia sicut terrena ad lau-
 dem dei decorentur."

49. O sancte Iesu, ad hunc sententias volventem
 25 sermonibus imperitis non respondebis de turbine? non
 tonabis? non in tantam blasphemiam ultricia fulmina
 iaculabere? tantumne probrum in tua familia sustines?
 Hoc audire, hoc videre, hoc tamdiu conniventibus ocu-
 lis praeterire potes? Sed patiens es et multae miseri-
 30 cordiae. Vereor tamen, ne patientia haec tua sit potius
 ira et condemnatio, qualis in illos fuit, de quibus dixisti:
 Et dimisi eos secundum desiderium cordis eorum, ibunt
 in adinventionibus suis. Et alibi: Tradidi eos in repro-

33 Ps. 81, 13 Rom. 1, 28

2 etiam ei ABCE
 tionis: decoratur

15 ordinatur ABCE, in textu dona-

bum sensum, ut faciant, quae non conveniunt, quia non probaverunt se habere notitiam mei. Iube me quaeso, domine, ut exclamem adversus eos et forte convertantur. O Romani pontifices, exemplum facinorum omnium ceteris pontificibus, o improbissimi scribae et pharisaei, 5 qui sedetis super cathedram Moysi et opera Dathan et Abiron facitis, itane vestimenta apparatus pompa equitatus omnis denique vita Caesaris vicarium Christi decebit? Quae communicatio sacerdotis ad Caesarem? Istane Silvester vestimenta sibi induit? Eo apparatu 10 incessit? Ea celebritate ministrantium domi vixit atque regnavit? Sceleratissimi homines, non intellegunt Silvestro magis vestes Aaron, qui summus dei sacerdos fuerat, quam gentilis principis fuisse sumendas. 50. Sed haec alias erunt exagitanda vehementius. In praesen- 15 tiarum autem de barbarismo cum hoc sycophanta loquamur, cuius ex stultiloquio impudentissimum eius patescit sua sponte mendacium. „Tradimus“, inquit, „palatium imperii nostri Lateranense“; quasi male hoc loco inter ornamenta donum palatii posuisset, iterum postea, 20 ubi de donis agitur, replicavit. „Deinde diadema“ et quasi illi non videant, qui adsunt, interpretatur „videlicet coronam“. Verum hic non addidit ex auro, sed posterius easdem res inculcans inquit „ex auro purissimo et gemmis preciosis.“ Ignoravit homo imperitus dia- 25 dema e panno esse aut fortassis ex serico. Unde sapiens illud regis dictum celebrari solet, quem ferunt traditum sibi diadema, priusquam capiti imponeret, retentum diu considerasse ac dixisse: O nobilem magis quam felicem pannum, quem si quis penitus cognosceret, quam multis 30 sollicitudinibus periculisque et miseriis sis refertus, ne humi quidem iacentem vellet tollere. Iste non putat

7 Num. 16, 1—33

2 quaeso in marg. adscr. C 12 intelligunt B 16 barbarissimo C 25 in marg. C: diadema 26 syrico C
30 agnosceret ABC

illud nisi ex auro esse, cui circulus aureus nunc cum gemmis apponi a regibus solet. Verum non erat rex Constantinus nec regem appellare nec regio se ritu ornare fuisset ausus. Imperator Romanorum erat, non rex.
 5 Ubi rex est, ibi respublica non est. At in republica multi fuerunt etiam uno tempore imperatores. Nam Cicero frequenter ita scribit: M. Cicero imperator illi vel illi imperatori salutem. Licet postea peculiari nomine Romanus princeps ut summus omnium imperator ap-
 10 pelletur.

51. „Simulque phrygium necnon et superhumera-
 videlicet lorum, quod imperiale circumdare solet col-
 lum.“ Quis unquam phrygium latine dici audivit? Tu
 mihi, dum barbare loqueris, videri vis Constantini aut
 15 Lactantii esse sermonem? Plautus in Menaechmis phry-
 gionem pro concinnatore vestium posuit. Plinius phry-
 giones appellat vestes acu pictas, quod earum Phryges
 fuerunt inventores. Phrygium vero quid significet, hoc
 non exponis, quod obscurum, exponis, quod est clarius.
 20 Superhumerales ais esse lorum nec quid sit lorum tenes.
 Non enim cingulum ex corio factum, quod dicitur lo-
 rum, sentis circumdari pro ornamento Caesaris collo.
 Hinc est quod habenas et verbera vocamus lora. Quodsi
 quando dicantur lora aurea, non nisi de habenis, quae
 25 auratae collo equi aut alterius pecudis circumdari
 assolent, intellegi potest; quae te res, ut mea fert opinio,
 fefellit et cum lorum circumdare collo Caesaris atque
 Silvestri vis, de homine, de imperatore, de summo pon-
 tifice equum aut asinum facis.

30 XVI. 52. „Verum et chlamydem purpuream atque tu-
 nicam coccineam.“ Quia Matthaeus ait chlamydem coc-

15 II 3, 72 16 VIII 48, 74

7 B in marg. adscr. Imperator 11 fryglum A et deest
 ABCHO 15 Menaechmis A frygionem A 20 C man.
 II in marg.: Lorum 29 aut canem post asinum interp. EHO
 31 Mattheus A

cineam et Johannes vestem purpuream, utrumque voluit
 hic eodem loco coniungere. Quodsi idem color est, ut
 Evangelistae significant, quid tu non fuisti contentus al-
 terum nominasse, ut illi contenti fuerunt? Nisi accipis
 purpuram, ut nunc imperiti loquuntur, genus panni ⁵
 serici colore albo. Est autem purpura piscis, cuius
 sanguine lana tingitur. Ideoque a tinctura datum est
 nomen panno, cuius color pro rubro accipi potest, licet
 sit magis nigricans et proximus colori sanguinis con-
 creti et quasi violaceus. Inde ab Homero atque Vir- ¹⁰
 gilio purpureus dicitur sanguis et marmor porphyricum,
 cuius color est simillimus amethysto. Graeci enim
 purpuram porphyram vocant. Coccineum pro rubro
 accipi forte non ignoras, sed cur faciat coccineum, cum
 nos dicamus coccum, et chlamys, quod genus sit vesti- ¹⁵
 menti, iurarem te plane nescire. Atque ut ne se lon-
 gius persequendo singulas vestes mendacem proderet,
 uno simul verbo complexus est dicens „omnia impe-
 rialia indumenta“. Quid? etiamne illa, quibus in bello,
 quibus in venatione, quibus in conviviiis, quibus in ²⁰
 ludis amiciri solet? Quid stultius quam omnia Caesaris
 indumenta dicere convenire pontifici? Sed quam lepide
 addit „seu etiam dignitatem imperialium praesidentium
 equitum“. „Seu“ inquit; distinguere duo haec invicem
 voluit, quasi multum inter se habeant similitudinis, et ²⁵
 de imperatorio habitu ad equestrem dignitatem dela-
 bitur, nescio quid loquens. Mira quaedam effari vult,
 sed deprehendi in mendacio timet eoque inflatis buccis
 et turgido gutture dat sine mente sonum. 53. „Conferentes
 ei etiam imperialia sceptrum“ Quae structura orationis? ³⁰
 qui nitor? qui ordo? Quaenam sunt sceptrum ista impe-
 rialia? unum est sceptrum, non plura. Si modo sceptrum

1 Matth. 27, 28 Joh. 19. 2

4 C man. II in marg. Purpura 11 porphiritum A 12 ame-
 thisto A 21 omnia deest CE 28 mendatio A 31 C in
 marg. man. II: Sceptrum 32 a non ad sceptrum desunt B

gerebat imperator, num et pontifex sceptrum manu gestabit? Cur non ei dabimus et ensem et galeam et iaculum? „Simulque cuncta signa atque banna.“ Quid tu signa accipis? Signa sunt aut statuæ, unde
 5 frequenter legimus signa et tabulas pro sculpturis ac picturis — prisci enim non in parietibus pingebant, sed in tabulis — aut vexilla, unde illud: Signa pares aquilas. A priore significato sigilla dicuntur parvae statuæ atque sculpturæ. Num ergo statuas suas aut
 10 aquilas Silvestro dabat Constantinus? Quid hoc absurdus? Atque banna quid sibi velit, non invenio. Deus te perdat, improbissime mortalium, qui sermonem barbarum attribuis saeculo erudito. „Et diversa ornamenta imperialia.“ Quia dixit „banna“, satis putavit significatum esse et ideo cetera sub verbum uni-
 15 versale conclusit. Et quam frequenter inculcat imperialia, quasi propria quaedam sint ornamenta imperatoris magis quam consulis, quam dictatoris, quam Caesaris. 54. „et omnem processionem imperialis culmi-
 20 nis et gloriam potestatis nostrae.“ Proicit ampullas et sesquipedalia verba, rex regum Darius consanguineusque deorum nunquam nisi plurali numero loquens. Quae est ista processio imperialis cucumeris per herbam torti et crescentis in ventrem? Triumphasse existimas Caesarem quotiens domo prodibat, ut nunc solet papa,
 25 praecedentibus albis equis, quos stratos ornatosque famuli dextrant? quo, ut taceam alias ineptias, nihil est vanius nihilque a pontifice Romano alienius. Quae etiam ista gloria est? Gloriamne, ut Hebraeae linguae
 30 mos est, pompam et apparatus illum splendorem homo Latinus appellasset? Et illud quoque „militiam“ pro „milites“, quod ab Hebraeis sumus mutuati, quorum

21 Horatii de arte poet. 97

7 sed in tabulis *desunt* B 11 At *omnes praeter* C in-
 telligo B 22 numero plurali C *in marg.* E loquens *deest*
 C, loqueris EHO

libros Constantinus aut ipsius scribae nunquam aspexerant. 54. Verum quanta est munificentia tua, imperator, qui non satis habes ornasse pontificem, nisi ornes et omnem clerum? „culmen singularis potentiae et praecellentiae ais effici patricos consules“. Quis audi- 5
vit senatores aliosve homines effici patricos? consules efficiuntur, non patricii, ex domo vel patricia, quae eadem senatoria dicitur, siquidem senatores patres conscripti sunt, vel ex equestri vel ex plebeia plusque est senatorem quam patricium esse. Nam senator est unus 10
e delectis consiliariis rei publicae, patricius vero, qui e domo senatoria ortum ducit. Ita qui senator aut ex patribus conscriptis, non protinus et patricius est. Ridiculeque Romani mei hoc tempore faciunt, qui praetorem suum senatorem vocant, cum neque senatus ex 15
uno homine constare possit necesseque sit senatorem habere collegas et is, qui nunc senator dicitur, fungatur officio praetoris. At dignitas patriciatus in multis libris invenitur, inquires. Audio, sed in his, qui de temporibus post Constantinum loquuntur. Ergo post Con- 20
stantinum privilegium confectum est. Sed numquid clerici fieri consules possunt? Coniugio sibi interdixere Latini clerici et consules fient? Habitoque delectu militum cum legionibus et auxiliis in provincias, quas fuerint sortiti, se conferent? Ministrine et servi con- 25
sules fient nec bini, ut solebat, sed centeni ac milleni? Ministri, qui Romanae ecclesiae servient, dignitate afficientur imperatoria? Et ego stolidus mirabar, quod papa effici diceretur. Ministri imperatores erunt, clerici vero milites. Militesne clerici fient aut militaria orna- 30
menta gestabunt? nisi imperialia ornamenta universis clericis impertis. Nam nescio quid dicas. Et quis non videt hanc fabulam ab his excogitatam esse, qui sibi omnem vestiendi licentiam esse voluerunt? Ut existimem, si qua inter daemones, qui aërem incolunt, ludo- 35

rum genera exercentur, eos exprimendo clericorum cultu fastu luxu exerceri et hoc scenici lusus genere maxime delectari.

XVII 55. Utrum magis insequar sententiarum an
 5 verborum stoliditatem? Sententiarum audistis, verborum haec est, ut dicat senatum videri adornari, quasi non utique adornetur, et quidem adornari gloria, et quod fit, factum esse velit, ut „promulgavimus“ pro „promulgamus“. Illo enim modo sonat iucundius oratio,
 10 ut eandem rem per praesens et per praeteritum enuntiet, velut „decernimus“ et „decrevimus“, et omnia sint referta his vocibus: decernimus, decoramus, imperialis, imperatoria, potentia, gloria et „exstat“ pro „est“ posuerit, cum exstare sit supereminere vel superesse, et
 15 „nempe“ pro „scilicet“ et „concubitores“ pro „contubernales“. Concubitores sunt, qui concumbunt et coeunt, nimirum scorta intellegenda sunt. Addit, cum quibus dormiat, ne timeat opinor nocturna phantasmata, addit cubicularios, addit ostiarios. Non otiosum
 20 est, quare haec ab eo minuta referuntur, pupillum instituit aut adolescentem filium, non senem, cui omnia, quibus necesse habet tenera aetas, ipse velut amantissimus pater praeparat, ut David Salomon fecit.
 56. Atque ut per omnes numeros fabula impleatur,
 25 dantur clericis equi, ne asinario illo Christi more super asellos sedeant, et dantur non operti sive instrati operimentis coloris albi, sed decorati colore albo. At quibus operimentis? non stragulis non babylonici aut quo alio genere, sed „mappulis“ et „lintheaminibus“.
 30 Mappae ad mensam pertinent, lintheamina ad lectulos, et quasi dubium sit, cuius sunt haec coloris, interpretatur: „id est candidissimo colore.“ Dignus Constantino sermo, digna Lactantio facundia cum in ceteris

9 iocundius B 10 et pro ut ABCEO 13 extare C in
 marg. adscr. II. man. 15 concubitores in marg. adscr. C
 II. man. 19 hostiarios B 23 Salomoni BEHO (cfr.
 postea dat. Aaron) 30 C II. man. in marg. adscr.: Mappae

tum vero in illo: „equos equitent“. Et cum de vestitu senatorum nihil dixerit, non de laticlavo, non de purpura, non de ceteris, de calciamentis sibi loquendum putavit. Nec lunulas appellavit, sed udones sive „cum udonibus“, quos ut solet homo ineptus exponit „id est candido linteamine“, quasi udones linteamen sint. Non occurrit in praesentiarum, ubi reppererim udones, nisi apud Martialem Valerium, cuius distichon, quod inscribitur udones cilicii, hoc est:

Non hos lana dedit, sed olentis barba mariti, 10

Ciniphio poterit planta latere sinu. Ergo non linei utique nec candidi sunt udones, quibus hic bipes asellus non calceari pedes senatorum ait, sed senatores illustrari. Atque per hoc „sicut coelestia, ita terrena ad laudem dei decorantur.“ Quae tu coelestia vocas? Quae terrena? Quomodo coelestia decorantur? Quae autem deo laus sit ista, tu videris. Ego vero, si qua mihi fides est, nihil puto nec deo nec ceteris hominibus magis esse invisum quam tantam clericorum in rebus saecularibus licentiam. Verum quid ego in singula impetum facio? dies me deficiat, si universa non dico amplificare, sed attingere velim.

XVIII. 57. „Prae omnibus autem licentiam tribuimus beato Silvestro et successoribus eius, ex nostro indictu, ut quem placatus proprio consilio clericare voluerit et in religioso numero religiosorum clericorum connumerare, nullus ex omnibus praesumat superbe agere.“ Quis est hic Melchisedech, qui patriarcham Abraam benedicit? Constantinusne vix christianus facultatem ei, a quo baptizatus est et quem beatum appellat, tribuit clericandi, quasi prius nec fecisset hoc Silvester nec

11 Martialis XIV 140 29 Gen. 14, 18sq.

2 senatorio C 5 id est desunt C 6 C II. man. in marg. adscr. Udones sit C 7 reppererim C 9 cilicini ABHO
cilitini C 11 Cyniphio ABCHO 14 laudes C 25 pa-
catus C 30 appellari iubet C 31 plus C

facere potuisset? Et qua comminatione vetuit, ne quis impedimento esset? „Nullus ex omnibus praesumat superbe agere.“ Qua etiam elegantia? „connumerare in numero religioso religiosorum“, „clericare clericorum“ et „indictu“ et „placatus“? Atque iterum ad diadema revertitur.

58. „Decrevimus itaque et hoc, ut ipse et successores eius diademate videlicet corona, quam ex capite nostro illi concessimus, ex auro purissimo et gemmis preciosis, uti debeant pro honore beati Petri.“ Iterum interpretatur diadema — cum barbaris enim et obliviosis loquebatur — et adicit: „de auro purissimo“, ne forte aliquid aeris aut scoriae crederes admixtum. Et „gemmas cum dixit, addit „preciosas“, eodem timore, ne viles forsitan suspicareris. Cur tamen non preciosissimas, quemadmodum aurum purissimum? Plus namque interest inter gemmam et gemmam quam inter aurum et aurum. Et cum dicere debuisset distinctum gemmis, dixit „ex gemmis“. Quis non videt ex eo loco sumptum, quem princeps gentilis non legerat: „Posuisti in capite eius coronam de lapide precioso?“ Sic locutus est Caesar vanitate quadam coronae suae iactandae, si modo Caesares coronabantur, in se ipsum contumeliosus, qui vereretur, ne homines opinarentur eum non gestare coronam ex auro purissimo cum gemmis preciosis, nisi indicasset? Accipe causam, cur sic loquatur „pro honore beati Petri“, quasi Christus non sit summus angularis lapis, in quo templum ecclesiae constructum est, sed Petrus, quod iterum postea facit. Quem si tantopere venerari volebat, cur non templum episcopali illi potius quam Iohanni Baptistae Romae dicavit? Quid? illa loquendi barbaries nonne testatur

21 Ps. 21, 4

5 pacatus C	9 concesserimus ACHO	10 beati deest B
14 addidit C	16 nanque A	21 esset B
pale C	Ioannis C	31 episcopo

non saeculo Constantini, sed posteriori cantilenam hanc esse confictam? „Decrevimus quod uti debeant“ pro eo, quod est „decernimus, ut utantur“. Sic nunc barbari homines vulgo loquuntur et scribunt: „iussi quod deberes venire“ pro eo, quod est „iussi, ut venires“. 5 Et „decrevimus“ et „concessimus“, quasi non tunc fiant illa, sed alio quodam tempore facta sint.

59. „Ipse vero beatus papa super coronam clericatus, quam gerit ad gloriam beatissimi Petri, ipsa ex auro non est passus uti corona.“ O tuam singularem 10 stultitiam, Constantine! Modo dicebas coronam super caput papae ad honorem facere beati Petri, nunc ais non facere, quia Silvester illam recusat, et cum factum recusantis probes, tamen iubes eum aurea uti corona, et quod hic non debere se agere existimat, id tu ipsius 15 successores dicis agere debere. Transeo quod rasuram coronam vocas et papam pontificem Romanum, qui nondum peculiariter sic appellari erat coeptus.

60. „Phrygium vero candidissimo nitore splendidum, resurrectionem dominicam designans eius sacratissimo 20 vertici manibus nostris imposuimus et tenentes frenum equi pro reverentia beati Petri dextratoris officium illi exhibuimus, statuantes eodem phrygio omnes eius successores singulariter uti in processionibus ad imperii nostri imitationem.“ Nonne videtur hic auctor fabulae, non per imprudentiam, sed consulto et dedita 25 opera praevaricari et undique ansas ad se reprehendendum praebere? In eodem loco ait phrygio et dominicam resurrectionem repraesentari et imperii Caesarei esse imitationem, quae duo inter se maxime discrepant. 30 Deum testor, non invenio, quibus rebus, qua verborum atrocitate confodiam hunc perditissimum nebulonem, ita omnia verba plena insaniae evomit. Constan-

2 in verbis decreti legitur ut pro quod 17 vocas coronam C 19 frygium A 20 designare C 31 verbis AB 17 vocas coronam sanctissimo C

tinum non tantum officio similem Moysi, qui summum sacerdotem iussu dei ornavit, sed secreta mysteria facit exponentem, quod difficillimum est iis, qui diu in sacris litteris sunt versati. Cur non fecisti etiam Constantinum pontificem maximum, ut multi imperatores fuerunt, ut commodius ipsius ornamenta in alterum summum pontificem transferrentur? Sed nescisti historias. Ago itaque deo etiam hoc nomine gratias, quod istam nefandissimam mentem non nisi in stultissimum hominum cadere permisit. Quod etiam posteriora declarant. Namque Aaron sedenti in equo Moysen inducit dextratoris exhibuisse officium et hoc non per medium Israel, sed per Chananeos atque Aegyptios, id est per infidelem civitatem, ubi non tam imperium erat orbis terrarum quam daemonum et daemones colentium populorum.

XIX. 61. „Unde ut pontificalis apex non vilescat, sed magis quam imperii terreni dignitas gloria et potentia decoretur, ecce tam palatium nostrum quam Romanam urbem et omnes Italiae sive occidentalium regionum provincias loca civitates beatissimo pontifici et universali papae Silvestro tradimus atque relinquimus et ab eo et a successoribus eius per pragmaticum constitutum decrevimus disponendas atque iuri sanctae Romanae ecclesiae permanendas.“

De hoc in oratione Romanorum atque Silvestri multa disseruimus. Huius loci est, ut dicamus neminem fuisse facturum, ut nationes uno cunctas verbo donationis involveret et qui minutissima quaeque superius est executus, lorum calceos linteamina equorum, non referret nominatim provincias, quarum singulae singulos reges nunc aut principes regibus pares habent. Sed ignoravit videlicet hic falsator, quae provinciae sub

2 misteria A ministeria E 19 quamque omnes codd. et
edd. praeter E 28 convinctas C 31 provintias A ante
singulos non interp. omnes codd. et edd. 33 provintiae A

Constantino erant, quae non erant. Nam certe cunctae sub eo non erant. Alexandro exstincto videmus singulas regiones in ducum partitione numeratas, a Xenophonte terras principesque nominatos, qui vel ultro vel armis sub imperio Cyri fuerunt, ab Homero Graecorum barbarorumque regum nomen genus patriam mores vires pulchritudinem numerum navium et prope numerum militum catalogo comprehensum, cuius exemplum cum multi Graeci tum vero nostri Latini Ennius Virgilius Lucanus Statius alique nonnulli imitati sunt, a Iosue et Moyse in divisione terrae promissionis viculos quoque universos fuisse descriptos. Et tu gravaris etiam provincias recensere? Occidentales tantum provincias nominas. Qui sunt fines occidentis? ubi incipiunt? ubi desinunt? Num ita certi constitutique sunt termini occidentis et orientis meridieique et septentrionis, ut sunt Asiae Africae Europae? Necessaria verba subtrahis, ingeris supervacua. Dicis provincias loca civitates. Nonne et provinciae et urbes loca sunt? et cum dixeris provincias, subiungis civitates, quasi hae sub illis non intellegantur. Sed non est mirum, qui tantam orbis terrarum partem a se alienat, eundem urbium provinciarumque nomina praeterire et quasi lethargo oppressum quid loquatur ignorare. „Italiae sive occidentalium regionum.“ Tamquam aut hoc aut illud, cum tamen utrumque intellegat appellans provincias regionum, cum sint potius regiones provinciarum, et „permanendam“ dicens pro „permansuram“.

62. „Unde congruum prospeximus nostrum imperium et regiam potestatem orientalibus transferri regionibus et in Byzantiae provinciae optimo loco nomini nostro civitatem aedificari et illic nostrum constitui imperium.“

1 quae non erant *desunt* C 9 vero *deest* C 11 re-
promissionis C 13 provintias A 17 sunt *deest* C 19 pro-
vintiae A 21 intelligantur A 23 provintiarumque A
26 non *post* utrumque C intelligat A provintias A ap-
pellas C 29 perspeximus B aspeximus C 32 aedificare C

Taceo quod dixit civitates aedificari, cum urbes aedificentur, non civitates, et Byzantium provinciam. Si tu es Constantinus, redde causam, cur illum potissimum locum condendae urbi delegeris? Quod enim alio te
 5 transferas post Romam traditam, non tam congruum quam necessarium est, nec te appelles imperatorem, qui Romam amisisti et de nomine Romano, quod discerpis, pessime meritus es, nec regem, quod nemo ante te fecit, nisi ideo te regem appelles, quia Romanus
 10 esse desiisti. 63. Sed affers causam sane honestam. „Quoniam ubi princeps sacerdotum et christianae religionis caput constitutum est ab imperatore coelesti, iustum non est, ut illic imperator terrenus habeat potestatem.“ O stultum David, stultum Salomonem, stultum
 15 Ezechiam Iosiamque et ceteros reges stultos ac parum religiosos, qui in urbe Hierusalem cum summis sacerdotibus habitare sustinuerunt nec tota illis urbe cesserunt. Plus sapit Constantinus triduo quam illi tota vita sapere potuerunt, et imperatorem coelestem ap-
 20 pellas, quia terrenum accepit imperium, nisi deum intellegis, nam ambigue loqueris, a quo terrenum principatum sacerdotum super urbe Romana ceterisque locis constitutum esse mentiris.

XX. 63. „Haec vero omnia, quae per hanc imperialem
 25 sacram scripturam et per alia divalia decreta statuimus et firmamus, usque in finem mundi illibata et inconcussa permanere decrevimus.“ Modo terrenum te vocaveras, Constantine, nunc divum sacrumque vocas, ad gentilitatem recidis et plus quam gentilitatem. Deum
 30 te facis et verba tua sacra et decreta immortalia, nam mundo imperas, ut tua iussa conservet illibata et inconcussa. Non cogitas, quis tu es, modo ex sordidis-

1 civitatem B 2 Italiam *pro* Byzantium ABH 3 potissimum *bis* B 4 elegeris C 5 cognitum *pro* congruum C
 9 adeo *pro* ideo B 17 illa *Vincenti* 22 ro. A Roma E
 25 scripturam *deest* ABCE 27 decernimus C 28 vocas
in codd. et E deest 29 dum *pro* deum C 32 quid C

simo impietatis ceno lotus et vix perlotus. Cur non addebas: iota unum aut unus apex de privilegio hoc non peribit, ut non magis pereat coelum et terra? Regnum Saul a deo electi ad filios non pervenit, regnum David in nepote discerptum est et postea exstinctum. 5 Et tu ad finem usque mundi regnum, quod tu sine deo tradis, permansurum tua auctoritate decernis. Quis etiam tam cito te docuit mundum esse peritulum? Nam poetis, qui hoc etiam testantur, non puto te hoc tempore fidem habere. Ergo hoc tu non dixisses, sed alius tibi 10 affinxit. Ceterum qui tam magnifice superbeque locutus est, timere incipit sibi diffidere eoque obtestationibus agit. „Unde coram deo vivo, qui nos regnare praecipit, et coram terribili eius iudicio obtestamur omnes successores nostros imperatores vel cunctos op- 15 timates, satrapes etiam amplissimumque senatum et universum populum in universo orbe terrarum necnon et in posterum nulli eorum quoquomodo licere hoc aut confringere vel in quoquam convelli.“

Quam aequa, quam religiosa adiuratio! Non secus 20 ac si lupo per innocentiam et fidem obtestatur ceteros lupos atque pastores, ne oves quas sustulit interque filios et amicos partitus est, aut illi adimere aut hi repetere temptent. Quid tantopere extimescis, Constantine? Si opus tuum ex deo non est, dissolvetur, sin ex 25 deo, dissolvi non poterit. Sed video, voluisti imitari Apocalypsim, ubi dicitur: „Contestor autem audienti omnia verba prophetiae libri huius, si quis apposuerit ad haec, apponet deus super illum plagas scriptas in libro isto, et si quis diminuerit de verbis libri prophe- 30 tiae huius, auferet deus partem eius de libro vitae et de civitate sancta.“ At tu nunquam legeras Apocalypsim, ergo non sunt haec verba tua.

3 Matth. 5, 18

26 Act. 5, 38. 39

32 Apocal. 22, 18. 19

3 praeteribit C
detestamur *Vincenti*
sunt C

10 tu hoc BC
16 satrapas AB
32 pro nunquam habet non C

14 obtestamur *deest* AC
18 nulli eorum *de-*

65. „Si quis autem, quod non credimus, in hoc temer-
 ator exstiterit, aeternis condemnationibus subiaceat con-
 demnatus et sanctos dei apostolos Petrum et Paulum
 sibi in praesenti et in futura vita sentiat contrarios. At-
 5 que in inferno inferiori concrematus cum diabolo et
 omnibus deficiat impiis.“ Hic terror atque haec com-
 minatio non saecularis principis solet esse, sed prisco-
 rum sacerdotum ac flaminum et nunc ecclesiasticorum.
 Itaque non est Constantini oratio haec, sed alicuius cle-
 10 riculi stolidi nec quid dicat aut quomodo dicat scientis
 saginati et crassi ac inter crapulam interque fervorem
 vini has sententias et haec verba ructantis. Quae non
 in alium transeunt, sed in ipsum convertuntur aucto-
 rem. Primum ait: „aeternis condemnationibus subia-
 15 ceat,“ deinde quasi plus addi queat, alia addere vult
 et post aeternitatem poenarum adiungit poenas vitae
 praesentis, et cum dei condemnatione nos terreat, ad
 hoc, quasi maius quiddam sit, terret nos odio Petri, cui
 Paulum cur adiungat nescio. Iterumque solito lethargo
 20 ad poenas aeternas redit, veluti non hoc ante dixisset.
 Quodsi minae hae execrationesque Constantini forent,
 invicem execrarem ut tyrannum et profligatorem rei-
 publicae meae et illi me Romano ingenio minarer ulto-
 rem. Nunc quis extimescat execrationem avarissimi
 25 hominis et ritu histrionum verba simulantis ac sub per-
 sona Constantini alios deterrentis? hoc est proprie hypo-
 critam esse, si graecam vocem exquirimus, sub aliena
 persona abscondere tuam.

XXI. 66. „Huius vero imperialis decreti paginam pro-
 30 priis manibus roborantes super venerandum corpus
 beati Petri posuimus.“ Chartane an membrana fuit pa-

6 reficiat C 7 haud *pro* non B 10 aut quomodo dicat
desunt C 12 scientias *omnes codd. et edd.* praeter E
 13 autorem B 14 *ais* C 17. 18 adhuc C 19 aut cur
solum interp. post adiungat omnes codd. et edd., sed haec
verba spuria esse facile intellegitur 31 Cartane omnes
praeter A

gina, in qua scripta sunt haec? Tametsi paginam vocamus alteram faciem ut dicunt folii, veluti quinternio habet folia dena, paginas vicens. O rem inauditam et incredibilem! Cum essem adolescentulus, interrogasse me quendam memini, quis librum Iob scripsisset, cum-⁵ que ille respondisset „Ipse Iob“, tunc me subiunxisse, quo pacto igitur de sua ipsius morte faceret mentionem. Quod de multis aliis libris dici potest, quorum ratio huic loco non convenit. Nam quomodo vere narrari potest id, quod nondum esset administratum, et in ta-¹⁰ bulis contineri id, quod post tabularum, ut sic dicam, sepulturam factum esse ipse fateatur. Hoc nihil aliud est quam paginam privilegii ante fuisse mortuam sepultamque quam natam, nec tamen unquam a morte atque sepultura reversam praesertim antequam con-¹⁵ scripta esset, roboratam nec id una tantum, sed utraque Caesaris manu. Et quid istud est roborare illam, chirographone Caesaris an annulo signatorio? Magnum nimirum robur maiusque multo quam si tabulis aereis mandavisset. Sed non est opus scriptura aerea, cum²⁰ supra corpus beati Petri charta reponatur. Cur hic Paulum retices, qui simul iacet cum Petro et magis custodire possent ambo, quam si afforet tantummodo corpus unius? 67. Videtis artes malitiamque nequissimi Sionis. Quia donatio Constantini doceri non potest, ideo²⁵ non in tabulis aereis, sed charteis privilegium esse, ideo latere illud cum corpore sanctissimi apostoli dixit, ne aut auderemus e venerabili sepulcro inquirere aut si inquireremus carie absumptum putaremus. Sed ubi tunc erat corpus beati Petri? Certe nondum in templo,³⁰ ubi nunc est, non in loco sane munito ac tuto. Ergo non illic Caesar paginam collocasset. An beatissimo Silvestro paginam non credebatur ut parum sancto, parum cauto, parum diligenti? O Petre, o Silvester, o

5 me deest C 18 aut AE signatario Vincenti 21 carta
omnes praeter A 24 maliciamque A 26 in ante charteis C

sanctae Romanae ecclesiae pontifices, quibus oves domini commissae sunt, cur vobis commissam paginam non custodistis? Cur a tineis illam rodi, cur situ tabescere passi estis? Opinor, quia corpora quoque vestra
 5 contabuerunt. Stulte igitur fecit Constantinus. En redacta in pulverem pagina ius simul privilegii in pulverem abiit. 68. Atqui, ut videmus, paginae exemplar ostenditur. Quis ergo illam de sinu sanctissimi apostoli temerarius accepit? Nemo, ut reor, hoc fecit. Unde
 10 porro exemplar? Nimirum aliquis antiquorum scriptorum debet afferri nec posterior Constantini temporibus. At is nullus affertur, sed fortasse aliquis recens. Unde hic habuit? Quisquis enim de superiori aetate historiam fecit, aut spiritu sancto dictante loquitur aut veterum
 15 scriptorum et locum quidem, qui de sua aetate scripserunt, sequitur auctoritatem. Quare quicunque veteres non sequitur, is de illorum numero erit, quibus ipsa vetustas praebebat audaciam mentiendi. Quodsi quo in loco ista res legitur, non aliter cum antiquitate con-
 20 sentit, quam illa glossatoris Accursii de legatis Romanis ad leges accipiendas dimissis in Graeciam plus quam stulta narratio cum Tito Livio aliisque praestantissimis scriptoribus convenit.

XXII. 69. „Datum Romae tertio Calendas Apriles Constantino Augusto quarto consule et Gallicano quarto
 25 consule.“ Diem posuit penultimum Martii, ut sentiremus hoc factum esse sub tempus sanctorum dierum, qui illo plerumque tempore solent esse. „Et Constantino quartum consule et Gallicano quartum consule.“ Mi-

20 Accursius, clarissimus glossator („Glossa ordinaria“), vixit c. 1180—1260

3 custoditu C 16 B *in marg.*: In exemplari scriptum est: „veteres non sequiturus“ Item „quod si quo in (*loco deest*) ista res“. Si qua res in isto scilicet privilegio emendandum credidi. Item Decursii pro Accursii 18.19 qua in isto B *cfr. adn., quae praecedit* 29 quartum omnes codd. et edd. *praeter E; at supra in decreto scriptum est: quarto*

rum, si uterque ter fuerat consul et in quarto consulatu forent collegae. Sed mirandum magis Augustum leprosum elephantia, qui morbus inter ceteros ut elephas inter beluas eminet, velle etiam accipere consulatum, cum rex Azarias simulac lepra tactus est, in privato se
 5 continuerit procuratione regni ad Iotham filium relegata, ut fere omnes leprosi fecerunt. Quo uno argumento totum prorsus privilegium confutatur profligatur evertitur. Ac ne quis ambigat ante leprosum esse debuisse quam consulem, sciat et ex medicina paulatim
 10 hunc morbum succrescere et ex notitia antiquitatis consulatum iniri Ianuario mense magistratumque esse annum. Et haec Martio proximo gesta referuntur. Ubi neque hoc silebo in epistolis scribi solere datum, non autem in ceteris nisi apud indoctos. Dicuntur enim
 15 epistolae dari vel illi vel ad illum, illi quidem qui profert utpote tabellario, ut reddat et in manum porrigat homini cui mittuntur, ad illum vero, ut ei a proferente reddantur, hic est is, cui mittuntur. Privilegium autem ut aiunt Constantini, quod reddi alicui non debebat, nec dari
 20 debuit dici, ut appareat eum, qui sic locutus est, mentitum esse nec scisse fingere, quod Constantinum dixisse ac fecisse verisimile esset. 70. Cuius stultitiae atque vesaniae affines se ac socios faciunt, quicunque hunc vera dixisse existimant atque defendunt, licet nihil iam
 25 habeant, quo opinionem suam non dico defendere, sed honeste excusare possint. An honesta erroris excusatio est, cum patefactam videas veritatem, nolle illi acquiescere, quia nonnulli magni homines aliter senserint? Magni, inquam, dignitate, non sapientia nec virtute.
 30 Unde tamen scis, an illi, quos tu sequeris, si eadem

5 2 Regg. 15, 5

6 Jonathan *omnes codd. et edd.* 8.9 B *in marg.*: Opinor Laur. scripsisse: Totum prorsus privilegium confalcatur vel confutatur 13 haec *deest* C 17 utputa C illi *ante* homini C 18 illi *pro* ei B proferente A 20 debeat C 29 senserant C 30 atque *pro* nec C 31 tantum *pro* tamen A

audissent quae tu, mansuri in sententia fuerint an a sententia recessuri? Et nihilominus indignissimum est plus homini velle tribuere quam veritati id est deo. Ita enim quidam omnibus defecti rationibus solent mihi
 5 respondere: Cur tot summi pontifices donationem hanc veram esse crediderunt? Testificor vos, me vocatis quo nolo, et invitum me maledicere summis pontificibus cogitis, quos magis in delictis suis operire vellem. Sed pergamus ingenue loqui, quandoquidem aliter agi ne-
 10 quit haec causa.

XXIII. 71. Ut fatear eos ita credidisse et non malitia fecisse, quid mirum, si ista crediderunt, ubi tantum lucri blanditur, cum plurima, ubi nullum lucrum ostenditur, per insignem imperitiam credant? Nonne apud
 15 Aram Coeli in tam eximio templo et in loco maxime augusto cernimus pictam tabulam Sibyllae et Octaviani, ut ferunt ex auctoritate Innocentii tertii haec scribentis? Qui etiam de ruina templi Pacis sub natale Salvatoris hoc est in partu virginis scriptum reliquit, quae ad
 20 evertendam magis fidem, quia falsa, quam ad stabilendam, quia miranda sunt, pertinent. Mentirine ob speciem pietatis audet vicarius veritatis et se scientem hoc piaculo obstringere? An non mentitur? Immo vero a sanctissimis viris se cum hoc facit dissentire non videt.
 25 Tacebo alios. Hieronymus Varronis testimonio utitur decem Sibyllas fuisse, quod opus Varro ante Augustum condidit. Idem de templo Pacis ita scribit: Vespasianus et Titus Romae templo Pacis aedificato vasa templi

15 In versione Germanica hic in marg. annotatum est: Ara celi ist eyn kirch zu Rom vff dem berg da das Capitolum gelegen ist vnd wonen Barfusser mōnch darinnen 17 p. 1198—1216

3 Ita ne C 8 lablis B *pro delictis, deliciis* C 11 B *in marg.*: Cur Papae donationem veram crediderunt, si tamen crediderunt 16 augusto *suprascr.* augusto A *eadem manu* fabulam omnes praeter A 17 B *in marg.*: De inscitia summorum pontificum De falsa Sibylla De ruina templi pacis

et universa donaria in delubro illius conservarunt, quae Graeca et Romana narrat historia. Et hic unus indoctus plus vult libello suo etiam barbare scripto credi quam fidelissimis veterum prudentissimorum hominum historiis. 72. Quia Hieronymum attigi, non patiar hanc contumeliam ipsius tacito praeteriri. Romae ex auctoritate papae ostenditur codex Bibliae tamquam reliquiae sanctorum luminibus semper accensis, quod dicunt scriptum chirographo Hieronymi. Quaeris argumentum? Quia multum, ut inquit Vergilius, est pictae vestis et auri. Resque magis Hieronymi manu indicat scriptum non esse. Illum ego diligentius inspectum comperi scriptum esse iussu regis, ut opinor, Roberti chirographo hominis imperiti. Huic simile est, quamquam decena milia huiusmodi Romae sunt, quod inter religiosa demonstratur in tabella effigies Petri et Pauli, quam Silvester Constantino ab eiusdem apostolis in somnis admonito in confirmationem visionis exhibuit. Non hoc dico, quia negem effigies illas esse apostolorum, utinamque tam vera esset epistola nomine Lentuli missa de effigie Christi, quae non minus improbe ementita est quam privilegium quod confutavimus, sed quia tabella illa a Silvestro non fuerit exhibita Constantino. In quo non sustineo animi mei admirationem continere. Disputabo enim aliquid de fabula Silvestri. 73. Quia et omnis in hoc quaestio versatur et mihi cum sermo sit cum pontificibus Romanis, de pontifice Romano potissimum loqui decebit, ut ex uno exemplo facile aliorum coniectura capiatur. Et ex multis ineptiis quae ibi narrantur, unam tantum de dracone attingam, ut doceam Constantinum non fuisse leprosum. Etenim

10 Aen. IX 26

7 Bybliae A B *in marg.*: De falsa byblia quae scripta sit Hieronymi manu 9 dicant AB 11 indicant C 20 tam A *in marg.* 24 admirationem animi mei BC 25 ne pro enim C 29 B *in marg.*: de falsa historia Silvestri

gesta Silvestri ab Eusebio quodam Graeco homine, ut
 interpret testatur, composita sunt, quae natio ad men-
 dacia semper promptissima est, ut Iuvenalis satirica
 censura ait: Quidquid Graecia mendax audet in histo-
 5 ria. Unde draco ille venerat? Romae dracones non
 gignuntur. Unde etiam illi venenum? In Africa tantum
 pestiferi dracones ob ardorem regionis esse dicuntur.
 Unde praeterea tantum veneni, ut tam spatiosam civi-
 tatem peste corrumpere, praesertim cum in tam alto
 10 specu demersus esset, ad quem centum quinquaginta
 gradibus descenderetur? serpentes excepto forsitan ba-
 silisco non afflatu, sed morsu virus inspirant atque
 interimunt. Nec Cato Caesarem fugiens cum tanta ho-
 minum manu, per medias Africae arenas dum iter face-
 15 ret ac dormiret, ullum suorum comitum serpentis afflatu
 vidit extinctum. Neque illi populi ob id aërem senti-
 unt pestilentem, et si quid fabulis credimus, et Chi-
 maera et Hydra et Cerberus sine noxa vulgo conspecti
 sunt ac tacti. Adhuc quin eum Romani potius occi-
 20 dissent? Non poterant, inquis. At multo grandiore
 serpentem in Africa ad ripam Bagradae Regulus occi-
 dit. Hunc vero vel obstructo ore specus facile erat in-
 terimere. An nolebant? Ita opinor, pro deo colebant,
 ut Babylonii fecerunt. Cur ergo, ut Daniel illum dici-
 25 tur occidisse, non et Silvester hunc potius occidisset?
 Quem canabaceo filo alligasset et domum illam in aeter-
 num perdidisset. Ideo commentor fabulae noluit draco-
 nem interimere, ne plane Danielis narratio referri vide-

3 Dec. Iunius Iuvenalis scripsit satirarum libros V ultimis
 annis primi et initio secundi saeculi p. Chr. n. Is locus, quem
 Valla commemorat, est sat. 10, 174 21 M. Attilius Regulus
 (cos. I 267) cos. II 256 in Africam transiit, ut Carthaginem op-
 pugnaret, sed ibi a Poenis victus captusque est 24 De Belo
 Bab. 2. 22 25 Ibid. 26

2 est ABE 5 B in marg.: De falso dracone Silvestri
 12 flatu C 24, 25 olim Danieli dicitur accidisse Vincenti
 27 commentator C

retur. 74. Quodsi Hieronymus, vir doctissimus ac fidelissimus interpres, Apolloninarisque et Origenes atque Eusebius et nonnulli alii narrationem Beli fictam esse affirmant, si eam Iudaei in veteris testamenti archetypo non agnoscunt, id est si doctissimi quique Latinorum 5 plerique Graecorum singuli Hebraeorum illam ut fabulam damnant, ego non hanc adumbratam ex illa damnabo, quae nullius scriptoris auctoritate fulcitur et quae magistram multo superat stultitia? Nam quis beluae subterraneam domum aedificaverat? Quis illic eam collo- 10 caverat et ne prodiret atque avolaret (volant enim dracones, ut quidam aiunt, etsi alii negant) imperaverat? Quis genus illud cibi excogitaverat? Quis feminas easque virgines ac sanctimoniales descendere praeceperat nec nisi kalendis? An tenebat draco, quis esset dies 15 kalendarum? et tam parco raroque erat cibo contentus? Nec virgines tam altum specum, tam immanem et esurientem beluam exhorrebant? Credo blandiebatur eis draco ut feminis ut virginibus ut cibaria afferentibus. Credo etiam cum illis fabulabatur. Quidni, honor 20 dicto, etiam coibat? Nam et Alexander et Scipio ex draconis serpentisque cum matre concubitu geniti dicuntur. Quid de negato postea victu? Non potius aut prodisset aut fuisset extinctus? O miram hominum demerentiam, qui his anilibus deliramentis fidem habent! 25 Iam vero quam diu hoc factitatum est? Quando fieri coeptum? ante adventum salvatoris? an postea? nihil horum scitur. Pudeat nos, pudeat harum neniaram et levitatis plus quam mimicae. Erubescat Christianus homo, qui veritatis se ac lucis filium nominat, pro- 30 loqui, quae non modo vera non sunt, sed nec verisimilia.

3 beluae C 4 *Tota sententia a si usque ad* 5 agnoscunt
deest C testamenti recte unus E, omnes ceteri habent in-
strumenti 10 et ante quis C 11 volaret C 15 *Verba*
ab An ad 16 kalendarum desunt C 20 honore A in honore
B honore dico C 29 mimicae recte unus E, in inice C, ini-
micae AB

XXIV. 75. At enim inquit: hanc daemones potestatem in gentibus obtinebant, ut eas diis servientes illuderent. Silete, imperitissimi homines, ne dicam sceleratissimos, qui fabulis vestris tale semper velamentum
 5 obtenditis. Non desiderat sinceritas christiana patrocini-
 nium falsitatis. Satis per se superque sua ipsius luce ac veritate defenditur sine istis commenticiis ac praestigiis fabellis in deum in Christum in spiritum sanctum contumeliosissimis. Siccine deus arbitrio daemo-
 10 num tradiderat genus humanum, ut tam manifestis, tam imperiosis miraculis seduceretur? ut propemodum posset iniustitiae accusari, qui oves lupis commisisset et homines magnam errorum suorum haberent excusa-
 tionem? Quodsi tantum olim licebat daemonibus, et
 15 nunc apud infideles vel magis liceret, quod minime videmus. Nec ullae ab eis huiusmodi fabulae proferuntur. Tacebo de aliis populis, dicam de Romanis, apud quos paucissima miracula feruntur eaque vetusta atque incerta. Valerius Maximus ait hiatum illum terrae
 20 in medio foro, cum se in eum Curtius ornatus adacto equo immisisset, iterum coisse inque pristinam formam continuo revertisse. Item Iunonem Monetam cum a quodam milite Romano captis Veis per iocum interrogata esset, an Romam migrare vellet, respondisse velle.
 25 Quorum neutrum Titus Livius sentit, et prior auctor et gravior. Nam et hiatum permansisse vult nec tam fuisse subitum quam vetustum etiam ante conditam urbem appellatumque Curtium lacum, quod in eo delitisset Curtius Mettius Sabinus Romanorum fugiens
 30 impressionem; et Iunonem annuisse, non respondisse

19 Valerius Maximus scripsit Factorum et dictorum memorabilium libros IX imperante Tiberio 22 V 6, 2 24 I 8, 3
 30 Liv. VII 6

1 B *in marg.*: De falsa opinione, quod idola miracula facerent 2 servientibus C 11 seducerentur AB seduceremur E
 17 B *in marg.*: De nullis pene deorum miraculis apud priscos romanos 20 ornatum AB armatus C

adiectumque fabulae postea vocem reddidisse. Atque de nutu quoque palam est illos esse mentitos, vel quod motum simulacri — avellebant autem illud — interpretati sunt sua sponte esse factum vel qua lascivia hostilem et victam et lapideam deam interrogabant, eadem 5 lascivia annuisse finxerunt. Tametsi Livius inquit non annuisse, sed milites quod annuisset exclamasse. 76. Quae tamen boni scriptores non defendunt facta, sed dicta excusant. Nam prout idem Livius ait, datur haec venia antiquitati, ut miscendo humana divinis 10 primordia urbium angustiora faciat, et alibi; sed in rebus tam antiquis, si qua similia veri sunt, pro veris accipiantur. Satis habeam; haec ad ostentationem scenae gaudentis miraculis aptiora quam ad fidem neque affirmare neque refellere est operae pretium. Terentius 15 Varro his duobus et prior et doctior et ut sentio gravior auctor, ait triplicem historiam de lacu Curtio a totidem auctoribus proditam, unam a Proculo, quod is lacus ita sit appellatus a Curtio qui se in eum deiecit, alteram a Pisone, quod a Mettio Sabino, tertiam a Cornelio, cuius rei socium addit Luctatium, quod a Curtio consule, cui collega fuit M. Genucius. 77. Neque vero dissimulaverim Valerium non plane posse reprehendi, quod ita loquatur, cum paulo post graviter et severe subiiciat: Nec me praeterit de motu et voce deorum 25 immortalium humanis oculis auribusque percepto quam in ancipiti opinione aestimatio versetur. Sed quia non nova dicuntur, sed tradita repetuntur, fidem auctores vindicent. De voce deorum dixit propter Iunonem Moneta et propter simulacrum Fortunae, quod bis locutum fingitur, his verbis: Rite me matronae vidistis, rite dedicastis. 78. At vero nostri fabulatores passim indu-

1 Liv. V 22

6 Tametsi *ad* 7 annuisse *desunt* C 11 angustiora A
 12 pueris *pro* pro veris C 22 Gennitius A Gemutius B
 27 aestimatio *deest* B 29 vendicent A

cunt idola loquentia, quod ipsi gentiles et idolorum cultores non dicunt et sincerius negant quam Christiani affirmant. Apud istos paucissima miracula non fide auctorum, sed veluti sacra quaedam ac religiosa vetustatis commendatione nituntur. Apud istos recentiora quaedam narrantur, quae illorum homines temporum nesciunt. Neque ego admirationi sanctorum derogo nec ipsorum divina opera abnuo, cum sciam tantum fidei, quantum est granum sinapis, montes etiam posse transferre. Immo defendo illa et tueor, sed misceri cum fabulis non sino. Nec persuaderi possum hos scriptores alios fuisse quam aut infideles, qui hoc agerent in derisum Christianorum, si haec figmenta per dolosos homines in manus imperitorum delata acciperentur pro veris, aut fideles habentes quidem aemulationem dei, sed non secundum scientiam, qui non modo de gestis sanctorum, verum etiam dei genetricis atque adeo Christi improba quaedam et pseudevangelia scribere non reformidarunt. Et summus pontifex hos libros appellat apocryphos, quasi nihil vitii sit, quod eorum ignoratur auctor, quasi credibilia sint, quae narrantur, quasi sancta et ad confirmationem religionis pertinentia, ut iam non minus culpa sit penes hunc, qui mala probat, quam penes illum, qui mala excogitavit. Nummos reprobos discernimus separamus abiicimus, doctrinam reprobam non discernimus, sed retinebimus? sed cum bona miscebimus? sed pro bona defendemus?

79. Ego vero ut ingenue feram sententiam, gesta Silvestri nego esse apocrypha, quia ut dixi Eusebius quidam fertur auctor, sed falsa atque indigna quae legantur existimo cum in aliis tum in illo, quod narratur de dracone, de tauro, de lepra, propter quam refutandam tanta repetii. Neque enim si Neeman leprosus

10 Matth. 17, 20

28 et ingenue C ingenuam HO
alio A vero in illo HO

31 in eo pro in illo BE

fuit, continuo et Constantinum leprosum fuisse dicemus. De illo multi auctores meminerunt, de hoc principe orbis terrarum nemo ne suorum quidem civium scripsit nisi nescio quis alienigena, cui non aliter habenda est fides quam alteri cuidam de vespis intra nares Vespasiani nidificantibus et de rana partu a Nerone emissae, unde Lateranum vocitatum locum dicunt, quod ibi rana lateat in sepulcro. Quod nec vespae ipsae nec ranae, si loqui possent, dixissent, nisi ad deos Capitolinos hoc referunt, quasi illi loqui consuessent et hoc fieri iussissent. Sed quid miror haec non intellegere pontifices, cum nomen ignorent suum. Cephas enim dicunt vocari Petrum, quia caput apostolorum esset, tamquam hoc vocabulum sit graecum ἀπὸ τῆς κεφαλῆς et non hebraicum, sed potius syriacum, quod Graeci κεφάς scribunt, quod apud eos interpretatur Petrus, non caput. Est enim Petrus et petra graecum vocabulum stultaeque per etymologiam Latinam exponitur petra quasi pede trita. Et metropolitanum ab archiepiscopo distinguunt voluntque illum a mensura civitatis dictum, cum graece dicatur non metropolis, sed μητροπόλις id est mater civitas sive urbs, et patriarcham quasi patrem patrum et papam ab interiectione pape dictum et fidem orthodoxam quasi rectae gloriae et Simonem media correpta, cum legendum sit media longa, ut Platonem et Catonem, et multa similia, quae transeo, ne culpa aliquorum omnes summos pontifices videar insectari. Haec dicta sint, ut nemo miretur, si donationem Constantini commenticiam fuisse papae multi non potuerunt deprehendere, tametsi ab aliquo eorum ortam esse hanc fallaciam reor.

24 Laurentius hic omisit explicationem verborum patriarcha, papa, orthodoxus ex lingua Graeca derivatorum, id quod mirum est, nam libenter scientiam suam huius linguae ostendit

8 illae pro ipsae C
15 κεφας A lacuna B
recte C 22 pater C

14 ἀπὸ τοῦ κεφαλῆ AC lacuna B
21 Mitropolis (lit. Lat.) A, lacuna B

XXV. 80. At, dicitis, cur imperatores, quorum detrimento res ista cedebat, donationem Constantini non negant, sed fatentur affirmant conservant? Ingens argumentum, mirifica defensio! Nam de quo tu loqueris
 5 imperatore? si de Graeco, qui verus fuit imperator, negabo confessionem, sin de Latino, libenter etiam confitebor. Etenim quis nescit imperatorem Latinum gratis factum esse a summo pontifice, ut opinor, Stephano, qui Graecum imperatorem, quod auxilium non ferret
 10 Italiae, privavit Latinumque fecit, ita ut plura imperator a papa, quam papa ab imperatore acciperet. Sane Troianas opes quibusdam pactionibus soli Achilles et Patroclus inter se partiti sunt. Quod etiam mihi videntur indicare Ludovici verba, cum ait: „Ego Ludovicus
 15 imperator Romanus Augustus statuo et concedo per hoc pactum confirmationis nostrae tibi beato Petro principi apostolorum et per te vicario tuo domino Paschali summo pontifici et successoribus eius in perpetuum, sicut a praedecessoribus nostris usque nunc in vestra
 20 potestate et ditione tenuistis, Romanam civitatem cum ducatu suo et suburbanis atque viculis omnibus et territoriis eius montanis atque maritimis litoribus et portubus seu cunctis civitatibus castellis oppidis ac villis in Tusciae partibus“ etc. 81. Tunc, Ludovice, cum Paschali pacisceris? Si tua id est imperii Romani sunt
 25 ista, cur alteri concedis? Si ipsius et ab ipso possidentur, quid attinet te illa confirmare? Quantulum etiam ex imperio Romano tuum erit, si caput ipsum imperii amisisti? A Roma dicitur Romanus imperator. Quid
 30 cetera, quae possides, tuane an Paschalis sunt? Credo

8 Stephanus III Ludovicum I iam a patre Carolo Magno coronatum iterum a. 816 coronavit. In hac re Valla sequitur opinionem a pontificibus traditam, quae est falsa

3 B *in marg.*: Cur imperatores non negant donationem
 11 acceperet C 14 Ludovici A B *in marg.*: Verba pactionis Ludovici imperatoris cum papa Paschale 20 ditione A
 24 Ludovice A

tua dices. Nihil ergo valet donatio Constantini, si ab eo pontifici donata tu possides? Si valet, quo iure Paschalis tibi cetera remittit retentis tantum sibi quae possidet? Quid sibi vult tanta aut tua in illum aut illius in te de imperio Romano largitio? Merito igitur pactum 5 appellas quasi quandam collusionem. Sed quid faciam? inquires. Repetam armis, quae papa occupat? At ipse iam factus est me potentior. Repetam iure? At ius meum tantum est, quantum ille esse voluit. Non enim hereditario nomine ad imperium veni, sed pacto, ut si 10 imperator esse volo, haec et haec invicem papae promittam. Dicam nihil donasse ex imperio Constantinum? At isto modo causam agerem Graeci imperatoris et me omni fraudare imperii dignitate! Hac enim ratione papa se dicit facere imperatorem me quasi quendam 15 vicarium suum et nisi promittam non facturum et nisi paream, me abdicaturum. Dummodo mihi det, omnia fatebor, omnia paciscar. Mihi tantum crede, si Romam ego ac Tusciam possiderem, tantum abest, ut facerem, quae facio, ut etiam frustra mihi Paschalis donationis 20 sicut reor falsae caneret cantilenam. Nunc concedo, quae nec teneo nec habiturum esse me spero. De iure papae inquirere non ad me pertinet, sed ad Constantinopolitanum illum Augustum. Iam apud me excusatus es, Ludovice et quisquis alius princeps et Ludovici similis. 82. Quid de aliorum imperatorum cum summis pontificibus pactione suspicandum est, cum sciamus, quid Sigismundus fecerit, princeps alioquin optimus ac fortissimus, sed iam confecta aetate minus fortis? Quem per Italiam paucis stipatoribus saeptum in diem vivere 30 vidimus, Romae etiam fame periturum, nisi eum sed non gratis, (extorsit enim donationem) Eugenius pavisset.

28 1410—1437

9 ipse C	voluerit AEH	10 iure pro nomine B
18 tamen pro tantum omnes praeter A		25 Ludovici A
29 affecta pro confecta omnes praeter E		32 potuisset B

Is cum Romam venisset, ut pro imperatore Romanorum coronaretur, non aliter a papa coronari potuit quam ut Constantini donationem ratam haberet eademque omnia de integro donaret. Quid magis contrarium quam
 5 pro imperatore Romano coronari, qui Romae ipsi renuntiasset? et coronari ab illo, quem et confiteatur et quantum in se est, dominum Romani imperii faciat? ac ratam habere donationem, quae vera si sit nihil imperatori de imperio reliqui fiat? Quod ut arbitror nec
 10 pueri fecissent. 83. Quo minus mirum, si papa sibi arrogat Caesaris coronationem, quae populi Romani esse deberet. Si tu, papa, et potes Graecum imperatorem privare Italia provinciisque occidentis et Latinum imperatorem facis, cur pactionibus uteris? Cur bona
 15 Caesaris partiris? Cur in te imperium transfers? Quare sciat, quisquis est qui dicitur imperator Romanorum, me iudice se non esse nec Augustum nec Caesarem nec imperatorem, nisi Romae imperium teneat, et nisi operam det, ut urbem Romam recuperet, plane esse
 20 periurum. Nam Caesares illi priores, quorum fuit primus Constantinus, non adigebantur iusiurandum interponere, quo nunc Caesares obstringuntur, sed quantum humana ope praestari potest, nihil imminuturos esse de amplitudine imperii Romani eamque sedulo adauc-
 25 turos. Non ea re tamen vocati Augusti, quod imperium augere deberent, ut aliqui sentiunt Latinae linguae imperiti. Est enim Augustus quasi sacer ab avium gustu dictus, quae in auspiciis adhiberi solebant, Graecorum quoque testante lingua, apud quos Augustus Σεβαστός
 30 dicitur, unde Sebastia vocata. Melius summus pontifex ab augendo Augustus diceretur, nisi quod dum temporalia auget spiritualia minuit. Itaque videas, ut quisque pessimus est summorum pontificum, ita maxime defendendae huic donationi incumbere, qualis Bonifa-

cuius Octavus, qui Coelestinum tubis parieti insertis de-
cepit. Hic et de donatione Constantini scribit et regem
Franciae privavit regnumque ipsum, quasi donationem
Constantini exsequi vellet, ecclesiae Romanae fuisse et
esse subiectum iudicavit. Quod statim successores eius 5
Benedictus et Clemens ut improbum iniustumque revo-
carunt. Verum quid sibi vult ista vestra, pontifices Ro-
mani, sollicitudo, quod a singulis imperatoribus dona-
tionem Constantini exigitis confirmari, nisi quod iuri
diffiditis vestro? Sed laterem lavatis, ut dicitur. Nam 10
neque illa unquam fuit, et quod non est, confirmari
non potest, et quidquid donant Caesares, decepti
exemplo Constantini faciunt, et donare imperium ne-
queunt.

XXVI. 84. Age vero demus Constantinum donasse 15
Silvestrumque aliquando possedissee, sed postea vel
ipsum vel aliquem successorum a possessione deiec-
tum. Loquor nunc de his, quae papa non possidet,
postea loquor de his quae possidet. Quid possum vo-
bis magis dare, quam ut ea, quae nec fuerunt nec esse 20
potuerunt, fuisse concedam? Tantum dico vos nec iure
divino nec iure humano ad recuperationem agere posse.
In lege veteri Hebraeus supra sextum annum Hebraeo
servire vetabatur, et quinquagesimo quoque anno om-
nia redibant ad pristinum dominum. Tempore gratiae 25
Christianus a vicario Christi, redemptoris nostrae ser-
vitutis, premetur servitio aeterno? Quid dicam, revo-
cabitur ad servitutem, postquam liber factus est diuque
potitus libertate? 85. Sileo, quam saevus, quam vehe-

1 1294—1303 Coelestinus V, papa 1294 a 5. Iulio ad
13. Decembr., † 1296, necatus videtur a successore 6 Bene-
dictus XI 1303—1304 Clemens V 1305—1316 24 Deu-
teron. 15, 12 25 Lev. 25, 10

17 ipsorum *pro* successorum AHO 19 B *in marg.*:
Etiam si donatio fulset atque possessio, tamen non posse repeti
quae diu in alterius fuere potestate 21 Tamen *omnes prae-*
ter A 23. 24 servire Hebraeo B

mens, quam barbarus dominatus frequenter est sacerdotum. Quodsi antea ignorabatur, nuper est cognitum ex monstro illo atque portento Iohanne Vitellesco cardinale et patriarcha, qui gladium Petri, quo auriculam
 5 Malcho abscidit, in Christianorum sanguine lassavit, quo gladio et ipse periit. An vero populis Israel a domo David et Salomonis, quos prophetae a deo missi unxerant, tamen propter graviora onera desciscere licuit factumque eorum deus probavit, nobis ob tan-
 10 tam tyrannidem desciscere non licebit? ab his praesertim, qui nec sunt reges nec esse possunt et qui de pastoribus ovium id est animarum facti sunt fures ac latrones.

XXVII. 86. Et ut ad ius humanum veniam, quis igno-
 15 rat nullum ius esse bellorum? aut si quod est, tam diu valere, quam diu possideas, quae bello parasti. Nam cum possessionem perdis, et ius perdidisti. Ideoque captivos, si fugerint, nemo ad iudicem repetere solet, etiam nec praedas, si eas priores domini receperint.
 20 Apes et quaedam alia volucrum genera, si e privato meo longius evolaverint et in alieno desederint, repeti non queunt. Tu homines, non modo liberum animal, sed dominum ceterorum, si se in libertatem manu et armis asserant, non manu et armis repetes,
 25 sed iure, quasi tu homo sis, illi pecudes. Neque est quod dicas: Romani iuste bella nationibus intulerunt iusteque libertate illas exuerunt. Noli me ad istam vocare quaestionem, ne quid in Romanos meos cogar dicere. Quamquam nullum crimen tam grave esse
 30 potuit, ut aeternam mererentur populi servitutem, cum eo quod saepe culpa principis magnive alicuius in republica civis bella gesserunt et victi immerita servitutis poena affecti sunt. Quorum exemplis plena sunt omnia. Neque vero lege naturae comparatum est, ut

6 19. Mart. 1440

24 afferant *omisso se Vincenti*

Laurentius Valla ed. Schwahn

populus sibi populum subigat. Praecipere aliis eosque exhortari possumus, imperare illis ac vim afferre non possumus, nisi relictā humanitate velimus ferociōres beluas imitari, quae sanguinarium in infirmiores imperium exercent, ut leo in quadrupedes, aquila in volucres, delphinus in pisces. Verumtamen hae beluae non in suum genus sibi ius vindicant, sed in inferius. Quod quanto magis faciendum nobis est et homo homini religioni habendus? cum, ut M. Fabius inquit, nulla supra terras adeo rabiosa belua, cui non imago sua sancta sit. 87. Itaque quatuor fere causae sunt, ob quas bella inferuntur, aut ob ulciscendam iniuriam defendendosque amicos aut timore accipiendae postea calamitatis, si vires aliorum augeri sinantur, aut spe praedae aut gloriae cupiditate. Quarum prima nonnihil honesta, secunda parum, duae posteriores nequaquam honestae sunt. Et Romanis quidem illata fuere bella frequenter, sed postquam se defenderant, et illis et aliis ipsi intulerunt, nec ulla gens est, quae ditioni eorum cesserit nisi bello victa et domita, quam recte aut qua causa ipsi viderint. Eos ego nolim nec damnare, tamquam iniuste pugnaverint, nec absolvere, tamquam iuste. Tantum dicam eadem ratione Romanos ceteris bellum intulisse, qua reliqui populi regesque, atque ipsis, qui bello lacerati victique sunt, licuisse deficere a Romanis, ut ab aliis dominis defecerunt. Ne forte, quod nemo diceret, imperia omnia ad vetustissimos illos, qui primi domini fuere id est qui primi praecipuere aliena, referantur. Et tamen melius in victis bello nationibus populo Romano quam Caesaribus rempublicam opprimentibus ius est. Quocirca si fas erat gentibus a Constantino et quod multo plus est a populo Romano desciscere, profecto et ab eo ius erit, cuicunque cesserit ille ius suum. Atque ut audacius agam, si Romanis licebat Constantinum aut exigere ut

7 vendicant AB
omnes praeter A

In deest AB
33 fas pro eius B

18 frequenter bella

Tarquinium aut occidere ut Iulium Caesarem, multo magis eum vel Romanis vel provinciis licebit occidere, qui in locum Constantini utcunque successit. Hoc etsi verum, tamen ultra causam meam est, et idcirco me
 5 reprimere volo nec aliud ex his colligere, quae dixi, nisi ineptum esse, ubi armorum vis est, ibi ius quemquam afferre verborum, quia quod armis acquiritur, idem rursus armis amittitur. Eo quidem magis, quod aliae novae gentes, ut de Gothis accepimus, quae nun-
 10 quam sub imperio Romano fuerunt, fugatis veteribus incolis Italiam et multas provincias occuparunt, quas in servitutem vocari, in qua nunquam fuerunt, quae tandem aequitas est praesertim victrices et fortasse a victis. 88. Quo tempore si quae urbes ac nationes, ut
 15 factum fuisse scimus, ab imperatore desertae ad barbarorum adventum necesse habuerunt deligere sibi regem, sub cuius auspiciis victoriam reportarunt, numquid hunc postea a principatu deponerent? Aut eius filios cum commendatione patris tum propria virtute
 20 favorabiles iuberent esse privatos, ut iterum sub Romano principe essent, maxime cum eorum opera assidue indigerent et nullum aliunde auxilium sperarent? Hoc si Caesar ipse aut Constantinus ad vitam reversus aut etiam senatus populusque Romanus ad commune
 25 iudicium, quale in Graecia Amphictyonum fuit, vocaret, prima statim actione repelleretur, quod a se olim custode desertos, quod tam diu sub alio principe degentes, quod nunquam alienigenae regi subditos, quod denique homines libertati natos et in libertatem robore
 30 animi corporisque assertos ad famulatum servitiumque reposceret. Ut appareat, si Caesar, si populus Romanus a repetendo exclusus est, multo vehementius papam esse exclusum, et si licet aliis nationibus, quae

9 Gotis *ceteri praeter A* 12 vocari *E ceteri revocari*
 19 cum — cum *E* tum — tum *ceteri* 21 adsidue *A* 25 Amphitryonum *omnes codd. et edd.* 30 affectos *pro assertos Vincenti*

sub Roma fuerunt, aut regem sibi creare aut rempublicam tenere, multo magis id licere populo Romano praecipue adversus novam papae tyrannidem.

XXVIII. 89. Exclusi a defendenda donatione adversarii, quod nec unquam fuit et, si qua fuisset, iam temporum condicione intercidisset, confugiunt ad alterum genus defensionis et velut relictæ urbe in arcem se recipiunt, quam statim deficientibus cibariis dedere cogentur. Praescripsit, inquit, Romana ecclesia in his, quae possidet. Cur ergo, quae maior pars est, ea re-
 5
 10
 15
 20
 25
 30
 35
 40
 45
 50
 55
 60
 65
 70
 75
 80
 85
 90
 95
 100
 105
 110
 115
 120
 125
 130
 135
 140
 145
 150
 155
 160
 165
 170
 175
 180
 185
 190
 195
 200
 205
 210
 215
 220
 225
 230
 235
 240
 245
 250
 255
 260
 265
 270
 275
 280
 285
 290
 295
 300
 305
 310
 315
 320
 325
 330
 335
 340
 345
 350
 355
 360
 365
 370
 375
 380
 385
 390
 395
 400
 405
 410
 415
 420
 425
 430
 435
 440
 445
 450
 455
 460
 465
 470
 475
 480
 485
 490
 495
 500
 505
 510
 515
 520
 525
 530
 535
 540
 545
 550
 555
 560
 565
 570
 575
 580
 585
 590
 595
 600
 605
 610
 615
 620
 625
 630
 635
 640
 645
 650
 655
 660
 665
 670
 675
 680
 685
 690
 695
 700
 705
 710
 715
 720
 725
 730
 735
 740
 745
 750
 755
 760
 765
 770
 775
 780
 785
 790
 795
 800
 805
 810
 815
 820
 825
 830
 835
 840
 845
 850
 855
 860
 865
 870
 875
 880
 885
 890
 895
 900
 905
 910
 915
 920
 925
 930
 935
 940
 945
 950
 955
 960
 965
 970
 975
 980
 985
 990
 995
 1000
 1005
 1010
 1015
 1020
 1025
 1030
 1035
 1040
 1045
 1050
 1055
 1060
 1065
 1070
 1075
 1080
 1085
 1090
 1095
 1100
 1105
 1110
 1115
 1120
 1125
 1130
 1135
 1140
 1145
 1150
 1155
 1160
 1165
 1170
 1175
 1180
 1185
 1190
 1195
 1200
 1205
 1210
 1215
 1220
 1225
 1230
 1235
 1240
 1245
 1250
 1255
 1260
 1265
 1270
 1275
 1280
 1285
 1290
 1295
 1300
 1305
 1310
 1315
 1320
 1325
 1330
 1335
 1340
 1345
 1350
 1355
 1360
 1365
 1370
 1375
 1380
 1385
 1390
 1395
 1400
 1405
 1410
 1415
 1420
 1425
 1430
 1435
 1440
 1445
 1450
 1455
 1460
 1465
 1470
 1475
 1480
 1485
 1490
 1495
 1500
 1505
 1510
 1515
 1520
 1525
 1530
 1535
 1540
 1545
 1550
 1555
 1560
 1565
 1570
 1575
 1580
 1585
 1590
 1595
 1600
 1605
 1610
 1615
 1620
 1625
 1630
 1635
 1640
 1645
 1650
 1655
 1660
 1665
 1670
 1675
 1680
 1685
 1690
 1695
 1700
 1705
 1710
 1715
 1720
 1725
 1730
 1735
 1740
 1745
 1750
 1755
 1760
 1765
 1770
 1775
 1780
 1785
 1790
 1795
 1800
 1805
 1810
 1815
 1820
 1825
 1830
 1835
 1840
 1845
 1850
 1855
 1860
 1865
 1870
 1875
 1880
 1885
 1890
 1895
 1900
 1905
 1910
 1915
 1920
 1925
 1930
 1935
 1940
 1945
 1950
 1955
 1960
 1965
 1970
 1975
 1980
 1985
 1990
 1995
 2000
 2005
 2010
 2015
 2020
 2025
 2030
 2035
 2040
 2045
 2050
 2055
 2060
 2065
 2070
 2075
 2080
 2085
 2090
 2095
 2100
 2105
 2110
 2115
 2120
 2125
 2130
 2135
 2140
 2145
 2150
 2155
 2160
 2165
 2170
 2175
 2180
 2185
 2190
 2195
 2200
 2205
 2210
 2215
 2220
 2225
 2230
 2235
 2240
 2245
 2250
 2255
 2260
 2265
 2270
 2275
 2280
 2285
 2290
 2295
 2300
 2305
 2310
 2315
 2320
 2325
 2330
 2335
 2340
 2345
 2350
 2355
 2360
 2365
 2370
 2375
 2380
 2385
 2390
 2395
 2400
 2405
 2410
 2415
 2420
 2425
 2430
 2435
 2440
 2445
 2450
 2455
 2460
 2465
 2470
 2475
 2480
 2485
 2490
 2495
 2500
 2505
 2510
 2515
 2520
 2525
 2530
 2535
 2540
 2545
 2550
 2555
 2560
 2565
 2570
 2575
 2580
 2585
 2590
 2595
 2600
 2605
 2610
 2615
 2620
 2625
 2630
 2635
 2640
 2645
 2650
 2655
 2660
 2665
 2670
 2675
 2680
 2685
 2690
 2695
 2700
 2705
 2710
 2715
 2720
 2725
 2730
 2735
 2740
 2745
 2750
 2755
 2760
 2765
 2770
 2775
 2780
 2785
 2790
 2795
 2800
 2805
 2810
 2815
 2820
 2825
 2830
 2835
 2840
 2845
 2850
 2855
 2860
 2865
 2870
 2875
 2880
 2885
 2890
 2895
 2900
 2905
 2910
 2915
 2920
 2925
 2930
 2935
 2940
 2945
 2950
 2955
 2960
 2965
 2970
 2975
 2980
 2985
 2990
 2995
 3000
 3005
 3010
 3015
 3020
 3025
 3030
 3035
 3040
 3045
 3050
 3055
 3060
 3065
 3070
 3075
 3080
 3085
 3090
 3095
 3100
 3105
 3110
 3115
 3120
 3125
 3130
 3135
 3140
 3145
 3150
 3155
 3160
 3165
 3170
 3175
 3180
 3185
 3190
 3195
 3200
 3205
 3210
 3215
 3220
 3225
 3230
 3235
 3240
 3245
 3250
 3255
 3260
 3265
 3270
 3275
 3280
 3285
 3290
 3295
 3300
 3305
 3310
 3315
 3320
 3325
 3330
 3335
 3340
 3345
 3350
 3355
 3360
 3365
 3370
 3375
 3380
 3385
 3390
 3395
 3400
 3405
 3410
 3415
 3420
 3425
 3430
 3435
 3440
 3445
 3450
 3455
 3460
 3465
 3470
 3475
 3480
 3485
 3490
 3495
 3500
 3505
 3510
 3515
 3520
 3525
 3530
 3535
 3540
 3545
 3550
 3555
 3560
 3565
 3570
 3575
 3580
 3585
 3590
 3595
 3600
 3605
 3610
 3615
 3620
 3625
 3630
 3635
 3640
 3645
 3650
 3655
 3660
 3665
 3670
 3675
 3680
 3685
 3690
 3695
 3700
 3705
 3710
 3715
 3720
 3725
 3730
 3735
 3740
 3745
 3750
 3755
 3760
 3765
 3770
 3775
 3780
 3785
 3790
 3795
 3800
 3805
 3810
 3815
 3820
 3825
 3830
 3835
 3840
 3845
 3850
 3855
 3860
 3865
 3870
 3875
 3880
 3885
 3890
 3895
 3900
 3905
 3910
 3915
 3920
 3925
 3930
 3935
 3940
 3945
 3950
 3955
 3960
 3965
 3970
 3975
 3980
 3985
 3990
 3995
 4000
 4005
 4010
 4015
 4020
 4025
 4030
 4035
 4040
 4045
 4050
 4055
 4060
 4065
 4070
 4075
 4080
 4085
 4090
 4095
 4100
 4105
 4110
 4115
 4120
 4125
 4130
 4135
 4140
 4145
 4150
 4155
 4160
 4165
 4170
 4175
 4180
 4185
 4190
 4195
 4200
 4205
 4210
 4215
 4220
 4225
 4230
 4235
 4240
 4245
 4250
 4255
 4260
 4265
 4270
 4275
 4280
 4285
 4290
 4295
 4300
 4305
 4310
 4315
 4320
 4325
 4330
 4335
 4340
 4345
 4350
 4355
 4360
 4365
 4370
 4375
 4380
 4385
 4390
 4395
 4400
 4405
 4410
 4415
 4420
 4425
 4430
 4435
 4440
 4445
 4450
 4455
 4460
 4465
 4470
 4475
 4480
 4485
 4490
 4495
 4500
 4505
 4510
 4515
 4520
 4525
 4530
 4535
 4540
 4545
 4550
 4555
 4560
 4565
 4570
 4575
 4580
 4585
 4590
 4595
 4600
 4605
 4610
 4615
 4620
 4625
 4630
 4635
 4640
 4645
 4650
 4655
 4660
 4665
 4670
 4675
 4680
 4685
 4690
 4695
 4700
 4705
 4710
 4715
 4720
 4725
 4730
 4735
 4740
 4745
 4750
 4755
 4760
 4765
 4770
 4775
 4780
 4785
 4790
 4795
 4800
 4805
 4810
 4815
 4820
 4825
 4830
 4835
 4840
 4845
 4850
 4855
 4860
 4865
 4870
 4875
 4880
 4885
 4890
 4895
 4900
 4905
 4910
 4915
 4920
 4925
 4930
 4935
 4940
 4945
 4950
 4955
 4960
 4965
 4970
 4975
 4980
 4985
 4990
 4995
 5000
 5005
 5010
 5015
 5020
 5025
 5030
 5035
 5040
 5045
 5050
 5055
 5060
 5065
 5070
 5075
 5080
 5085
 5090
 5095
 5100
 5105
 5110
 5115
 5120
 5125
 5130
 5135
 5140
 5145
 5150
 5155
 5160
 5165
 5170
 5175
 5180
 5185
 5190
 5195
 5200
 5205
 5210
 5215
 5220
 5225
 5230
 5235
 5240
 5245
 5250
 5255
 5260
 5265
 5270
 5275
 5280
 5285
 5290
 5295
 5300
 5305
 5310
 5315
 5320
 5325
 5330
 5335
 5340
 5345
 5350
 5355
 5360
 5365
 5370
 5375
 5380
 5385
 5390
 5395
 5400
 5405
 5410
 5415
 5420
 5425
 5430
 5435
 5440
 5445
 5450
 5455
 5460
 5465
 5470
 5475
 5480
 5485
 5490
 5495
 5500
 5505
 5510
 5515
 5520
 5525
 5530
 5535
 5540
 5545
 5550
 5555
 5560
 5565
 5570
 5575
 5580
 5585
 5590
 5595
 5600
 5605
 5610
 5615
 5620
 5625
 5630
 5635
 5640
 5645
 5650
 5655
 5660
 5665
 5670
 5675
 5680
 5685
 5690
 5695
 5700
 5705
 5710
 5715
 5720
 5725
 5730
 5735
 5740
 5745
 5750
 5755
 5760
 5765
 5770
 5775
 5780
 5785
 5790
 5795
 5800
 5805
 5810
 5815
 5820
 5825
 5830
 5835
 5840
 5845
 5850
 5855
 5860
 5865
 5870
 5875
 5880
 5885
 5890
 5895
 5900
 5905
 5910
 5915
 5920
 5925
 5930
 5935
 5940
 5945
 5950
 5955
 5960
 5965
 5970
 5975
 5980
 5985
 5990
 5995
 6000
 6005
 6010
 6015
 6020
 6025
 6030
 6035
 6040
 6045
 6050
 6055
 6060
 6065
 6070
 6075
 6080
 6085
 6090
 6095
 6100
 6105
 6110
 6115
 6120
 6125
 6130
 6135
 6140
 6145
 6150
 6155
 6160
 6165
 6170
 6175
 6180
 6185
 6190
 6195
 6200
 6205
 6210
 6215
 6220
 6225
 6230
 6235
 6240
 6245
 6250
 6255
 6260
 6265
 6270
 6275
 6280
 6285
 6290
 6295
 6300
 6305
 6310
 6315
 6320
 6325
 6330
 6335
 6340
 6345
 6350
 6355
 6360
 6365
 6370
 6375
 6380
 6385
 6390
 6395
 6400
 6405
 6410
 6415
 6420
 6425
 6430
 6435
 6440
 6445
 6450
 6455
 6460
 6465
 6470
 6475
 6480
 6485
 6490
 6495
 6500
 6505
 6510
 6515
 6520
 6525
 6530
 6535
 6540
 6545
 6550
 6555
 6560
 6565
 6570
 6575
 6580
 6585
 6590
 6595
 6600
 6605
 6610
 6615
 6620
 6625
 6630
 6635
 6640
 6645
 6650
 6655
 6660
 6665
 6670
 6675
 6680
 6685
 6690
 6695
 6700
 6705
 6710
 6715
 6720
 6725
 6730
 6735
 6740
 6745
 6750
 6755
 6760
 6765
 6770
 6775
 6780
 6785
 6790
 6795
 6800
 6805
 6810
 6815
 6820
 6825
 6830
 6835
 68

fructu? Quodsi adhuc possidere pergis, iam inscitia in malitiam fraudemque conversa est planeque effectus es malae fidei possessor. 90. Praescripsit Romana ecclesia. O imperiti, o divini iuris ignari! Nullus quantumvis annorum numerus verum abolere titulum potest. An vero captus ego a barbaris creditusque peris-
 5 isse post centum annos quibus captivus fui postliminio reversus paternae hereditatis repetitor excludar? Quid hac re inhumanius? Atque ut aliquod afferam exemplum, num Iephte, dux Israel, reposcentibus filiis Ammon terram a finibus Arnon usque in Iaboc atque in Iordanem respondit: praescripsit Israel iam per trecentos annos? An quod nunquam illorum, sed Amorreorum fuisset terra, quam reposcerent, ostendit? et
 15 hoc argumentum esse ad Ammonitas illam non pertinere, quod nunquam intra tot annorum curriculum repoposcissent? Praescripsit Romana ecclesia: Tace, nefaria lingua. Praescriptionem, quae fit de rebus mutis atque irrationalibus ad hominem transfers, cuius quo
 20 diuturnior in servitute possessio, eo est detestabilior. Aves ac ferae in se praescribi nolunt, sed quantolibet tempore possessae, cum libuerit et oblata fuerit occasio, abeunt, homini ab homine possesso abire non licebit? 91. Accipe, unde magis fraus dolusque quam
 25 ignorantia Romanorum pontificum appareat utentium iudice bello, non iure. Cui simile quiddam primos pontifices in occupanda urbe ceterisque oppidis credo fecisse. Parum ante me natum — testor eorum memoriam, qui interfuerunt — per inauditum genus
 30 fraudis Roma papale accepit imperium seu tyrannidem potius, cum diu libera fuisset. Is fuit Bonifacius nonus, octavo in fraude et nomine par, si modo Bonifacii dicendi sunt, qui pessime faciunt. Et cum Romani de-

prehenso dolo apud se indignarentur, bonus papa in morem Tarquinii summa quaeque papavera virga decussit. Quod cum postea qui ei successit, Innocentius, imitari vellet, urbe fugatus est. De aliis pontificibus nolo dicere, qui Romam vi semper oppressam armis- 5 que tenuerunt, licet quotiens potuit rebellavit, ut sexto abhinc anno, cum pacem ab Eugenio obtinere non posset nec par esset hostibus, qui eam obsidebant, et ipsa papam intra aedes obsedit, non permissura illum abire, priusquam aut pacem cum hostibus face- 10 ret aut administrationem civitatis relegaret ad cives. At ille maluit urbem deserere dissimulato habitu uno fugae comite quam civibus gratificari, iusta et aequa petentibus. Quibus si des electionem, quis ignorat libertatem magis quam servitium electuros? Idem su- 15 spicari libet de ceteris urbibus, quae a summo pontifice in servitute retinentur, per quem a servitute liberari debuissent. 92. Longum esset recensere, quot urbes ex hostibus captas populus Romanus olim liberas fecit, adeo ut T. Flamininus omnem Graeciam, quae 20 sub Antiocho fuisset, liberam esse et suis uti legibus iuberet. At papa, ut videre licet, insidiatur sedulo libertati populorum. Ideoque vicissim illi quotidie oblata facultate (ad Bononiam modo respice) rebellant. Qui siquando sponte, quod evenire potest, aliquo ali- 25 unde periculo urgente in papale imperium consenserunt, non ita accipiendum est consensisse, ut servos se facerent, ut nunquam subtrahere a iugo colla possent, ut postea nati non et ipsi arbitrium sui habeant. Nam hoc iniquissimum foret. 93. Sponte ad te, summe pon- 30 tifex, ut nos gubernares venimus, sponte nunc rursus abs te, ne gubernes diutius, recedimus; si qua tibi a

3 Innocentius VII 1404—1406 7 1434 22 a. 196 a. Chr.

16 licet *pro* libet E (licet rectius videtur, sed L. V. saepe hoc pro illo scribit) 20 Flamminius ABO Flammineus E Flamminius H

nobis debentur, ponatur calculus datorum et acceptorum. At tu gubernare invitos vis, quasi pupilli simus, qui te ipsum forsitan sapientius gubernare possemus. Adde huc iniurias, quae aut abs te aut a tuis magistratibus huic civitati frequentissime inferuntur. Deum testamur, iniuria cogit nos rebellare, ut olim Israel a Roboam fecit. Et quae tanta fuit illa iniuria, quanta portio nostrae calamitatis, graviora solvere tributa? Quid enim, si rempublicam nostram exhaurias? Exhausti. Si templa spolies? Spoliasti. Si virginibus matribusque familias stuprum inferas? Intulisti. Si urbem sanguine civili perfundas? Perfudisti. Haec nobis sustinenda sunt? An potius, cum tu pater nobis esse desieris, nos quoque filios esse obliviscemur? Pro patre, summe pontifex, aut si hoc te magis iuvat, pro domino hic te populus advocavit, non pro hoste atque carnifice. Patrem agere aut dominum non vis, sed hostem ac carnificem. Nos saevitiam tuam impietatemque, etsi iure offensae poteramus, tamen quia Christiani sumus, non imitabimur nec in tuum caput ultorem stringemus gladium, sed te abdicato atque summo alterum patrem dominumve adoptabimus. Filiis a malis parentibus, a quibus geniti sunt, fugere licet, nobis a te, non vero patre, sed adoptivo et pessime nos tractante, non licebit? Tu vero, quae sacerdotii operis sunt, cura et noli tibi ponere sedem ad aquilonem et illinc tonando fulgurantia fulmina in hunc populum ceterosque vibrare. Sed quid plura opus est in re apertissima dicere?

XXIX. 94. Ego non modo Constantinum non donasse tanta, non modo non potuisse Romanum pontificem in eisdem praescribere, sed etiam, si utrumque esset, tamen utrumque ius sceleribus possessorum extinctum esse contendo, cum videamus totius Italiae multarumque

7 1 Regg. 12

6 *post Iniu-(ria) finis codicis B* 9. 10 Exhausti A 17 et *pro ac CHO*

provinciarum cladem ac vastitatem ex hoc uno fonte fluxisse. Si fons amarus est, et rivus, si radix immunda, et rami, si delibatio sancta non est, nec massa. Ita e diverso si rivus amarus, fons obstruendus est, si rami immundi, e radice vitium venit, si massa sancta non 5 est, delibatio quoque abominanda est. An possumus principium potentiae papalis pro iure proferre, quem tantorum scelerum tantorumque omnis generis malorum cernimus esse causam? 95. Quam ob rem dico et exclamo (neque enim timebo homines, deo fretus) 10 neminem mea aetate in summo pontificatu fuisse aut fidelem dispensatorem aut prudentem. Qui tantum abest, ut dederit familiae dei cibum, ut devorarit illam velut cibum et escam panis. Papa et ipse bella pacatis populis infert et inter civitates principesque discordias 15 serit, papa et alienas sitit opes et suas exsorbet, ut Achilles in Agamemnonem: *δημόβορος βασιλεύς* id est populi vorator rex. Papa non modo rempublicam, quod non Verres, non Catilina, non quispiam peculator auderet, sed etiam rem ecclesiasticam et spiritum sanctum quaestui habet, 20 quod Simon ille magus etiam detestaretur. Et cum horum admonetur et a quibusdam bonis viris reprehenditur, non negat, sed palam fatetur atque gloriatur; licere enim ei quavis ratione patrimonium ecclesiae a Constantino donatum ab occupantibus extorquere, quasi 25 eo recuperato religio Christiana futura sit beata et non magis omnibus flagitiis luxuriis libidinibusque oppressa, si modo opprimi magis potest et ullus est sceleri ulterior locus. 96. Ut igitur recuperet cetera membra donationis, male ereptas a bonis viris pecunias peius effundit militumque equestres pedestresque copias, quibus omnia infestantur, alit, cum Christus in tot milibus

1 vastitate A 7 principatum CHO 16 exorbet A
 17 *δημόβορος βασιλεύς* exciderunt in A, qui hoc loco lacunam
 habet populi vexator AC, explicationem verborum Grae-
 corum omhino omittunt HO 20 senatum pro sanctum C
 21 et pro quod C etiam detestatur C

pauperum fame ac nuditate moriatur. Nec intellegit, o indignum facinus, cum ipse saecularibus auferre, quae ipsorum sunt, laborat, illos vicissim sive pessimo exemplo induci sive necessitate cogi, licet non est vera
 5 necessitas, ad auferenda quae sunt ecclesiasticorum.

XXX. 97. Nulla itaque usquam religio, nulla sanctitas, nullus dei timor, et quod referens quoque horresco, omnium scelerum impii homines a papa sumunt excusationem. In illo enim comitibusque eius est om-
 10 nis facinoris exemplum, ut cum Esaia et Paulo in papam et papae proximos dicere possimus: Nomen dei per vos blasphematur inter gentes. Qui alios docetis, vos ipsos non docetis; qui praedicatis non furandum, latrocinamini, qui abominamini idola, sacrilegium faci-
 15 tis, qui in lege et in pontificatu gloriamini, per praevaricationem legis deum verum pontificem inhonoratis. Quodsi populus Romanus ob nimias opes veram illam Romanitatem perdidit, si Salomon ob eandem causam in idololatriam amore feminarum lapsus est, nonne idem
 20 putamus fieri in summo pontifice ac reliquis clericis? 98. Et postea putamus deum fuisse permissurum, ut materiam peccandi Silvester acciperet? Non patiar hanc iniuriam fieri sanctissimo viro, non feram hanc contumeliam fieri pontifici optimo, ut dicatur im-
 25 peria regna provincias accepisse, quibus renuntiare etiam solent, qui clerici fieri volunt. Pauca possedit Silvester paucaque ceteri sancti pontifices, quorum aspectus apud hostes quoque erat sacrosanctus veluti illius Leonis, qui trucem barbari regis animum terruit
 30 ac fregit, quem Romanae vires nec tangere nec frangere potuerant. Recentiores vero summi pontifices id est

13 Rom. 2, 21 19 1 Regg. 11 29 Leo I Magnus (440—461)
 Attilam, Hunnorum regem, movisse dicitur, ut a Roma discederet

9 esse pro est D 11 possumus C 27 pauca ceterique omnes praeter C

divitiis ac deliciis affluentes id videntur laborare, ut quantum prisci fuere sapientes et sancti, tantum ipsi et impii sint et stulti et illorum egregias laudes omnibus probris vincant. Haec quis Christiani nominis queat aequo animo ferre? 99. Verum ego in hac prima 5 nostra oratione nolo exhortari principes ac populos, ut papam effrenato cursu volitantem inhibeant eumque intra suos fines consistere compellant, sed tantum admoneant, qui forsitan iam edoctus veritatem sua sponte ab aliena domo in suam et ab insanis fluctibus saevisque tempestatibus in portum se recipiet. Sin recuset, tunc ad alteram orationem multo truculentiorē accingemur. Utinam, utinam aliquando videam — nec enim mihi quicquam est longius quam hoc videre et praesertim meo consilio effectum — ut papa tantum vicarius Christi sit et non etiam Caesaris. Nec amplius horrenda vox audiat: partes ecclesiae contra ecclesiam, ecclesia contra Perusinos pugnat, contra Bononienses. Non contra Christianos pugnat ecclesia, sed papa, illa pugnat contra spiritualia nequitiae in coelestibus. Tunc papa et dicetur et erit pater sanctus, pater omnium, pater ecclesiae nec bella inter Christianos excitabit, sed ab aliis excitata censura apostolica et papali maiestate sedabit.

24 20. Sept. 1870 id, quod Valla voluerat, evenit, ut papa saeculari imperio privaretur, 430 annis post scriptum hunc librum
